

**O'ZBEKISTON RESPUBLIKASI OLIY VA O'RTA MAXSUS
TA'LIM VAZIRLIGI**
O'RTA MAXSUS, KASB-HUNAR TA'LIMI MARKAZI

B. NIGMANOV, F. XO'JAYEV, K. RAHIMQULOV

SPORT O'YINLARI


Kasb-hunar kollejlari uchun o'quv qo'llanma

Oliy va o'rta maxsus, kasb-hunar ta'limi ilmiy-metodik birlashmalar faoliyatini muvofiqlashtiruvchi Kengash tomonidan nashrga tavsiya etilgan.

Bu o'quv qo'llanmada spotr o'yinlarining rivojlanish tarixi, ularning O'zbekiston hududida ommaviylashishi, o'yinlar texnikasi, taktikasi, tasnifi, qoidalari, musobaqalarni tashkil qilish va o'tkazish tartiblari yoritib berilgan.

O'quv qo'llanma kasb-hunar kollejlari o'quvchi-talabalari uchun mo'ljalangan.

Taqrizchilar: **K.M. MAHKAMJONOV**, pedagogika fanlari nomzodi, Nizomiy nomidagi TDPUning professori;
J. RAHMONOV, 2-Toshkent yuridik kolleji jismoniy tarbiya kafedrasi mudiri.



ISBN 978-9943-303-35-5

33337
10 391

© «ILM ZIYO» nashriyot uyi, 2007-y.

KIRISH

O'yinlar juda qadim zamondaryoq odamlar turmush tarzidan tarbiya, dam olish va o'yin-kulgi vositasi sifatida o'rin olgan. O'yinlarni tashkil etuvchi harakatlar kuchni, epchillikni, tezkorlikni, chidamlilikni axloqiy va irodaviy sifatlarni rivojlantirishga yordam beradi. Shu bilan birga o'yinlar yordamida yashash uchun muhim bo'lgan bilim va ko'nikmalar takomillashadi.

Jismoniy tarbiya uchun foydalaniladigan o'yinlar juda rang-barangdir. Ularni ikki katta guruhga bo'lish mumkin: harakatli va sport o'yinlari. Sport o'yinlari – harakatli o'yinlarning rivojlangan yuqori bosqichi. Ular harakatli o'yindan qatnashchilari tarkibining aniqligi, maydonining kattaligi va belgilari, o'yinning davom etishi, asbob-anjomlari va jihozlari, o'yin qoidalarining har xilligi bilan farqlanadi, bu har xil toifadagi musobaqalarni o'tkazishga imkon beradi. Sport o'yinlari bo'yicha o'tkaziladigan musobaqalar qatnashchilardan katta jismoniy kuch va irodani talab qiladi.

Shuning uchun kasb-hunar kollejlarida jismoniy tarbiya maxsus o'quv faniga sport o'yinlari ham kiritilgan: o'yinlar tarixi, nazarriyasi, o'qitish metodikasi, ayrim o'yinlar texnika va taktikasini amaliy jihatdan egallash o'rnatiladi.

Har bir sport o'yini o'ziga xos xususiyatga ega. Shu bilan birga sport o'yinlarida o'xshash belgilari borki, ularni ma'lum guruhlarga bo'lish imkoniyatini beradi: jamoa bo'lib va yakka tartibda, to'g'ridan to'g'ri raqibi bilan yaqinlashish va yaqinlashmasdan.

Sport o'yinlarining shug'ullanuvchilar organizmiga ta'sir etishi ni va ahamiyatini aniqlashda ulardagi harakatlar soni, bajarilishidan kelib chiqish zarur. Sport o'yinida turli-tuman harakatlar qo'llaniladi: yurish, yugurish, sakrash, kutilmaganda to'xtash, burilishlar va turli uloqtirishlar. Qatnashchilar o'yin usullarini bajarib sheriklari bilan birgalikda ustunlikka erishishga harakat qiladilar.

Shunday qilib, sport o‘yinlari sog‘lom turmush tarzini targ‘ib etish va ishtirokchilar salomatligini mustahkamlashda muhim ahamiyatga ega. Biroq sport o‘yinlari bilan mashg‘ul bo‘lish organizmning garmonik jihatdan to‘la rivojlanishi uchun yetarli emas. Shu bois jismoniy tomondan to‘la rivojlanish uchun gimnastika va boshqa sport turlari bilan shug‘ullanish kerak.

Kasb-hunar kollejlari o‘quvchi-talabalariga mo‘ljallangan ushbu sport o‘yinlari to‘g‘risidagi qo‘llanma o‘zbek tilida yaratilgan birinchi qo‘llanma hisoblanadi. Shu bois qo‘llanma yuzasidan bildiradigan fikr-mulohaza va takliflaringizni kutib qolamiz.

I bo 'lim. BASKETBOL

O‘zbekistonda basketbolning ommalashishi va rivojlanishi

Jismoniy tarbiya o‘qituvchisi bo‘lgan Jeyms Neysmit Massachusetts (AQSH)dagи sport maktabi o‘quvchilarini qiziqtirish maqsadida 1891-yilda yangi o‘yin ixtiro qildi. Bu o‘yinda to‘p bilan o‘ynalib, yuqorida o‘rnatilgan savatga tashlanardi. Shu bois o‘yinga basketbol (ingl. *basket* – savat, *ball* – to‘p) deya nom berildi. Yangi o‘yin qiziqarli bo‘lgani uchun tezda ommalashdi.

O‘zbekiston hududida basketbol 1913–1914-yillarda tarqala boshlaganligi haqida ma’lumotlar bor. Ammo o‘lkamizda basketbol 1920-yillardan keyingina chinakamiga rivojlana boshladи. 1920-yillarda L. Barxash Farg‘ona shahrida, S. Starshiy Toshkent shahrida basketbol jamoalarini tuzdi. Ular qiziquvchilarni o‘yin qoidalarini bilan tanishtirib, ko‘rgazmali o‘yin o‘tkazishdi.

Toshkentda birinchi o‘yin 1920-yilning sentabr oyida bo‘lib o‘tadi. Har bir jamoa tarkibida 9 kishidan iborat o‘yinchi bo‘lib, ular o‘lchami 28x16 metr maydonda o‘ynar edilar. Maydon ko‘ndalang chiziqlar bilan uch qismga bo‘linib, basketbolchilar uch himoyachi, uch yarim himoyachi va uch hujumchiga ajratilardi. Ular o‘z chiziqlarida o‘ynab, to‘pni savatga ikki qo‘l bilan pastdan otar edilar.

Basketbol to‘garaklari keyinchalik Namangan, Samarqand va respublikamizning turli shaharlaridagi korxona, fabrika, zavod va boshqa tashkilotlarda ham tashkil qilina boshladи. 1924-yilda Sirdaryo viloyatida o‘tkazilgan olimpiada dasturiga basketbol ham birinchi marta kiritildi. Musobaqalar 1922-yilda Moskvada ishlab chiqilgan qoidalar asosida o‘tkazildi. O‘yin vaqtি 40 daqiqa bo‘lib, har bir jamoa besh kishidan iborat edi (ikkita himoyachi, markaziy o‘yinchi va ikkita hujumchi). Faqatgina markaziy hujumchi himoyaga qaytib kelar va o‘yinda hech qanday kombinatsiya qo‘llanilmasdi. Jarima to‘plarini otish esa, jamoaning bitta o‘yinchisi zimmasida bo‘lardi. O‘yin davomida basketbolchini faqat jarohatlangandagina almashtirish mumkin edi. Dastlabki to‘p otishda markazdan boshlaydigan

basketbolchilar bitta qo‘lini orqasiga qilib turishlari, jamoalarining hujumchilari esa, old zonaga o‘tib turishlari kerak edi.

Basketbolchingin bir joyda to‘pni ikki sekunddan ortiq tutib turishi taqiqlanardi. To‘pni savatga ikki qo‘l bilan pastdan va bir qo‘l bilan yelka ustidan otish keng qo‘llaniladigan usullar bo‘lib hisoblangan.

Musobaqa qoidalari asta-sekin takomillashdi. Savatli halqa maydonni chegaralovchi chiziqdan 60 sm ichkariga o‘rnataladigan bo‘ldi.

Respublika bo‘ylab keng tarqalgan basketbol o‘yini 1927-yilda Butuno‘zbek spartakiadasi dasturiga kiritildi. Bu spartakiadaga tayyorlanish davrida ko‘pgina shaharlarda basketbol musobaqalari bo‘lib o‘tdi. Spartakiadaga Toshkent, Andijon, Farg‘ona va Samarqand viloyatlarining jamoalari qatnashdilar.

1928-yilda bo‘lib o‘tgan II Butuno‘zbek spartakiadasida Toshkentning erkaklar va ayollar jamoalari birinchi o‘rinni egalladilar. Bu bellashuvlarda Moskvada o‘tkaziladigan spartakiadada qatnashadigan terma jamoa a’zolari aniqlandi.

Moskva spartakiadasida O‘zbekiston basketbolchilari birinchi xalqaro uchrashuvlarini o‘tkazdilar. Ular Fransiya terma jamoasi bilan uchrashib, 49:12 (erkaklar) va 24:12 (ayollar) hisoblari bilan g‘alaba qozondilar.

1929-yildagi shaharlar birinchiligi uchun olib borilgan saralashda ishlab chiqarish jamoalari bilan bir qatorda oliy o‘quv yurtlarining jamoalari ham qatnashdilar.

Shu yildan boshlab basketbol Butuno‘zbek spartakiadasi dasturiga kiritildi va muntazam ravishda respublika birinchiliklari o‘tkazila boshlandi. 1934-yilda basketbol bo‘yicha o‘tkazilgan birinchi O‘rta Osiyo spartakiadasida esa, O‘zbekiston erkaklar va ayollar terma jamoalari birinchi o‘rirlarni egalladilar.

Respublikamiz basketbolchilari O‘rta Osiyo respublikalari va Qozog‘iston o‘rtasida o‘tkazilgan hamma spartakiadalarda 1952-yilgacha birinchilikni qo‘ldan bermadilar. 1952-yilda va undan keyin ham ayollar jamoasi 1973-yilgacha Qozog‘iston jamoasini oldinga o‘tkazgan holda ikkinchi o‘rinni egallab keldi.

1939-yilda mamlakatimizda musobaqaning yangi qoidalari joriy etildi. Bu qoidalalar xalqaro musobaqalar qoidalariiga asosan tuzilgandi. Endi musobaqalar «toza» o‘yin vaqtি bo‘yicha o‘tkaziladigan bo‘ldi. Jamoalarga zaxira basketbolchilarini xohlagancha almashtirib o‘ynashiga ruxsat berildi. Yangi qoida bo‘yicha maydon ikki zonaga

bo‘linib, «zona» qoidasi kiritildi. Basketbolchilarning to‘pni orqa zonada 10 sekunddan ortiq ushlab turishlari taqiqlandi.

Yangi qoida bo‘yicha savatiga to‘p tushgan jamoa basketbolchilari o‘yinini markazdan emas, balki to‘pni o‘z zonalarining orqa chizig‘idan o‘yinga kiritadigan bo‘lishdi. Jarima to‘pni endi «jabrlangan» basketbolchining o‘zигина tashlaydigan bo‘ldi. Yangi qoidaning qo‘llanilishi o‘yinni birmuncha tez olib borishga, o‘yin texnikasi va taktikasining takomillashuviga olib keldi. Respublikaning kuchli basketbolchilari to‘pni ko‘krakdan ikki qo‘llab va yelka ustidan bir qo‘llab tashlash kabi usullarni qo‘llay boshladilar.

Mahalliy millat erkaklar jamoalari o‘rtasidagi respublika championati 1945-yilda Andijonda bo‘lib o‘tdi. Musobaqalarda 4 jamoa qatnashib, birinchi o‘rinni Samarqand, ikkinchi o‘rinni Namangan, uchinchi o‘rinni Andijon, to‘rtinchi o‘rinni Toshkent jamoalari egalladilar.

1945-yilda Toshkentda III Butuno‘zbek spartakiadasi bo‘lib o‘tdi. Spartakiadaning basketbol turnirida ayollar va erkaklarning 7 tadan jamoalari qatnashdi. Birinchi o‘rinni Toshkent shahrining ayollar va erkaklar jamoalari egalladilar.

1946-yilda Andijon mahalliy millat erkaklar jamoalari o‘rtasida ikkinchi respublika championati o‘tkazildi. 1946-yilda o‘zbek basketbolchilari mamlakat birinchligining II guruhida qatnashib ayollar jamoasi oltinchi, erkaklar jamoasi o‘n birinchi o‘rinni egalladilar. 1947-yilda mahalliy millat erkak jamoalari o‘rtasida uchinchi respublika championati o‘tkazildi. Xullas, 1946—1960-yillar respublikada basketbol o‘yinining rivojlanishida muhim bosqich bo‘ldi.

1960-yildan O‘zbekistonda basketbolning rivojlanishida yangi bosqich boshlandi. Bu davrda ko‘pgina yangi musobaqalar tashkil qilindi, sport mashg‘ulotlarini yil bo‘yi muntazam olib borish yaxshi yo‘lga qo‘yildi.

1960—1966-yillarda Toshkentning «Mehnat» jamoasi shakllandı va jamoa bazasida tuzilgan respublika ayollar terma jamoasi yuqori natijalarga erishdi. Jamoa a’zolari 1961-yildan boshlab mamlakat championatining «A» guruhi musobaqalarida qatnashish huquqiga ega bo‘ldilar.

1965-yil mamlakat birinchiligidagi «Mehnat» ayollar jamoasi 4-o‘rinni egalladi. Bu musobaqalarda jamoa a’zolaridan — R. Salimova, T. Volnova, R. Belausova, N. Chernishova, A. Iskova va T. Tomina yaxshi o‘ynadilar. Ular O‘rta Osiyo respublikalari va

Qozog'iston xotin-qizlari o'tasida birinchi bo'lib basketbol bo'yicha «Sport ustasi» talabini bajardilar.

1972-yildan O'zbekiston Davlat jismoniy tarbiya institutining SKIF jamoasi mamlakat birinchiligidagi qatnasha boshladi.

1972-yilda basketbol bo'yicha erkaklar «Universitet» jamoasi tashkil etildi.

O'yin texnikasi

O'yin texnikasi – bu musobaqa paytida aniq vazifalarni muvaffaqiyatliroq hal qilishga imkoniyat beradigan usullar yig'indisi. «Texnik usul» termini ostida, deyarli bir xil o'yin topshirig'ini bajarishga yo'naltirilgan va tuzilishi bo'yicha strukturasi o'xshash bo'lgan harakatlar tushuniladi. U yoki bu usul qo'llaniladigan shart-sharoitlarning xilma-xilligi har bir usulni bajarish usublarining shakllanishi va takomillashishiga qiziqishni kuchaytiradi.

Bu usul avvalo, asosiy harakatlarning kinematik, dinamik va ritmik jihatlari barqarorligi bilan xarakterlanadi.

Shunday qilib, rivojlanishning har bir davridagi sportchi texnikasi o'yinlarda qoidalar doirasidan chiqmay, kurashning og'ir vaziyatlarida muvaffaqiyatli harakat qilishga imkon beradigan eng samarali, amalda sinalgan vositadir. Bir lahzada vujudga keladigan o'yin holatlarida eng yaxshi natijalarga erishish uchun basketbolchi har xil texnik usul va harakatlarni tanlab olishi, ularni tez va aniq bajarishi kerak.

Yuqori texnik mahorat belgilari:

- berilgan o'yin topshiriqlari va himoyalanishning ikki-uchta eng yaxshi usullarini mukammal bajarish uchun mashq-mashg'ulotlarning eng maqbul hajmini belgilash;

- ko'rsatilgan usullarning aniq va samarali bajarilishi;

- xalaqit beradigan omillar: ma'lum darajada toliqish, psixologik (ruhiy) keskinlik, og'ir tashqi sharoit va hokazolar ta'sirida usullarni bajarilishida barqarorlik;

- raqib qarshi harakatining aniq variantlariga qarab texnik usullar qismlarini bajara olish;

- usullar bajarilishining ishonchliligi, bu ko'p kunlik musobaqa davomidagi yuqori aniqlik va samaradorlik bilan u o'yindan bu o'yingacha salbiy ta'sir etuvchi og'ishlarsiz amalga oshirilishiga qarab aniqlanadi.

Basketbolda texnik usullarning bajarilishini ikki guruhga – sportchining funksional faolligi inersion va ichki kuchlarini, mushak

qisqarishlarini tashkil qilish bo'yicha bir-biridan keskin farq qiluvchi yuqori tezlikli (qisqa amplituda)ga va sekinlashtirilgan (keng amplitudali)ga ajratish mumkin.

Keng amplitudali harakatlar paytida gavda bo'g'lnlari harakatlarining tezligi nisbatan katta emas, shu sababli istalgan aniqlikka erishish oson. Shuning uchun o'yinchi charchaganda keng amplitudali harakatlarni afzal bilishi kerak.

Qisqa amplitudali texnik harakatlar paytida harakatlar aniqligini saqlashning asosiy sharoitlari:

- berilgan vazifalarni amalga oshirish uchun o'yinchi foydalanishi mumkin bo'lgan kuch va texnik va zaxiralarning mavjudligi;
- kichik oraliqlarni (mikrointervallarni) aniq belgilash va baholashni, shu mikrointervallarda qanday harakat qilishini bilish;
- to'pni egallash va harakat qilish uchun qisqa (minimum) vaqt dan foydalanish, to'pni ilib olish va boshqa usul yoki fintga tayyorlashning qo'shilib ketishiga erishish;
- usullarni bajarish paytida bo'shashish va tejamkorlik bilan texnik usullarni bajarish.

O'yin texnikasining klassifikatsiyasi (tasnifi)

O'yin texnikasi klassifikatsiyasi (tasnifi) — bu ma'lum belgilar asosida uning hamma usullarini bo'limlar va guruuhlar bo'yicha teng taqsimlash. Shunday belgilar qatoriga, eng avvalo, sport kurashidagi usulning nimaga mo'ljallanganligining belgilanishi (savatga hujum qilish yoki himoya qilish uchun), harakat qanday bajarilishi (to'p bilan yoki to'psiz), shuningdek, uning kinematik va dinamik tuzilishi xususiyatlari kiradi.


Basketbol texnikasi ikki katta bo'limga: hujum texnikasi va himoya texnikasiga bo'linadi. Har bir bo'limda ikkitadan guruh: hujum texnikasida — maydonda to'psiz harakat qilish texnikasi va to'p bilan bajariladigan harakatlar texnikasi; himoya texnikasida — maydonda harakat qilish, to'pni egallash va qarshi harakat qilish texnikasi ajralib turadi. Har bir guruh ichida usul va ularni bajarish harakatlari bor. Usulni bajarishning deyarli har bir harakati ayrim detallarini (ko'rsatkichlarini) ochib beradigan bir necha ko'rinishlari bor. Bundan tashqari, usulning dinamik tuzilishiga o'yinchining harakatini, dastlabki holatini, yo'nalish va masofasini aniqlaydigan bajarish shartlari ta'sir ko'rsatadi. Tavsiya qilinayotgan

klassifikatsiyada fintlarga mustaqil joy ajratilmaydi, chunki fint – bu konkret usulning faqat bir qismini, masalan, to‘pni uzatib berishda qo‘l ko‘tarish, savatga otish vaqtida mo‘ljallash, raqibida xato reaksiya tug‘dirish maqsadida bajarilishi va undan foydalanib boshqa usulni samarali qo‘llash uchun qulay holatga erishishdir.

O‘yin texnikasi klassifikatsiyasining prinsipial jadvali quyidagi ko‘rinishda berilishi mumkin:

- texnika bo‘limi – hujuм texnikasi;
- texnika guruhi – to‘pni egallash texnikasi;
- usul – to‘pni savatga tashlash;
- bajarish usuli – yuqoridaн bir qo‘llab savatga tashlash;
- variantlari – gavdani orqaga tashlab;
- bajarish shartlari – to‘xtagandan keyin sakrab o‘rtacha masofadan to‘pni savatga tashlash.

Basketbol texnikasi klassifikatsiyasi shunday jadval bo‘yicha tuzilgan (1-rasm).



1-rasm. O‘yin texnikasi klassifikatsiyasi (tasnifi).


Kinematik tuzilish harakatning aniq vaqtdagi ko‘rinishini yoritib beradi: pastdan, yuqorida yoki ko‘krakdan, oldinga, yuqoriga, orqaga tez yoki sekin, qanday ketma-ketlikda va hokazolarni bir yoki ikki qo‘llab bajarilishini ko‘rsatadi.

Dinamik tuzilish usulni bajarish paytida qaysi kuchlar qanday harakat qilishini aniqlaydi. Masalan, inersiya kuchining to‘g‘ri harakat davomida ba’zan birdaniga yugurish tezligini oshirishga imkon beradi, ba’zan esa ularning samaradorligini jiddiy ravishda pasaytiradi. Harakat qilishning texnik va himoya usullari soddalashgan sxema bo‘yicha analiz (tahlil) qilinadi.

Hujum texnikasi

Maydonda harakat qilish texnikasi. Basketbolchining maydon bo‘ylab harakat qilishlari, hujum qilish vaziyatlarini bajarishga yo‘naltirilgan va aniq o‘yin harakatlarini amalga oshirish davomida yuzaga kelgan butun harakatlar tizimining bir qismi hisoblanadi. Ular basketbol texnikasi asoslaridir.

O‘yinchilarning maydon bo‘ylab harakat qilishi uchun yurish, yugurish, sakrash, to‘xtalish va burilishlardan foydalananadi. Shu usullar yordamida u joyni to‘g‘ri tanlab olishi, uni ta’qib qilayotgan raqibidan uzoqlashishga (qochishga) va keyingi hujum uchun kerakli yo‘nalishga chiqishga, boshqa usullarni bajarish uchun eng yaxshi, qulay dastlabki holatlarini egallashga erishishi mumkin. Bundan tashqari, to‘p bilan bajariladigan ko‘pgina texnik usullarning: harakatda va sakrab to‘p uzatish, olib yurish va aylanib o‘tish, sakrab to‘p otish va harakatlarning samaradorligi harakat paytida oyoqlarning to‘g‘ri ishlashi va muvozanatni saqlashga bog‘liq (2-rasm).



2-rasm.

Yurish

Yurish o'yinda maydonda harakat qilishning boshqa usullariga nisbatan kamroq qo'llaniladi. Asosan undan qisqa pauzalarda pozitsiyani almashtirish uchun yoki o'yin harakatlari susayganda, shuningdek, yugurish bilan qo'shiladigan harakat me'yorini almashtirish uchun foydalaniladi. Odatdagi yurishdan farqli o'laroq, basketbolchi tizzada biroz bukilgan oyoqlar bilan bir joydan ikkinchi joyga o'tadi, bu unga qo'qqisidan tezlanish uchun imkon beradi.

Yugurish

Yugurish o'yinda harakat qilishning bosh vositasi hisoblanadi. U engil atletikadagi yugurishdan ancha farq qiladi. O'yinchisi istalgan yo'nalishda, oldinga yuzi yoki orqasi bilan, bir xil sportga oid holatlardan maydon ichida tezlasha olishi, yugurish tezligi va yo'nalishini tez o'zgartira olishi kerak.

Raqib uchun kutilmagan holda yugurish tezligini oshirishi yoki start tezlanishi sport o'yinlarida keskin yugurish deyiladi. Keskin yugurish raqib ta'qibidan qutulishi va bo'sh joyga chiqishning eng yaxshi vositasidir. Keskin yugurishni amalga oshirish uchun birinchi 4–5 qadamni shiddatli qilib, oyoqni uchi tomondan qo'yiladi. Yugurish tezligi qadamni uzaytirish tufayli osha boradi. Shu paytda o'yinchisi to'pni olishga tayyor bo'lishi kerak.

Yugurish yo'nalishini o'zgartirishni o'yinchisi harakat yo'nalishiga qarama-qarshi tomonga, oldinga chiqarib qo'yilgan oyoqning kuchli itarishi bilan amalga oshiradi, gavdasini yangidan tiklangan tomonga egadi.

Sakrashlar

Sakrashlardan vaziyatga qarab mustaqil foydalanishadi. Ular boshqa texnik usullarning elementlari ham hisoblanadi. O'yinchilar ko'proq yuqoriga va uzunlikka-yuqoriga sakrashlardan yoki qayta sakrashlardan foydalanishadi. Sakrashni bajarishning ikki usuli qo'llaniladi.


Ikki oyoqlab depsinish bilan sakrashni ko'proq joydan turib asosiy holatdan bajariladi. O'yinchisi tezda oyoqlarni bukadi, qo'llarini tirsakdan biroz bukib, orqaga o'tiradi va boshini sal

ko‘taradi. Depsinish oyoqlarni kuchli bukish bilan, gavda va qo‘llarni oldinga-yuqoriga keskin harakat bilan amalga oshiriladi. Yugurib kelib ikki oyoqlab depsinib sakrashni, odatda, savatga to‘p otish paytida va halqadan sapchib qaytgan to‘p uchun kurash paytida qo‘llaniladi.

Bir oyoq bilan depsinib sakrashni yugurib kelib bajariladi. Depsinish shunday bajariladiki, unda yugurib kelishning inersiya kuchlaridan to‘la foydalaniladi. Depsinishdan oldin yugurishning oxirgi qadamini oldingilaridan ancha katta qo‘yiladi. Boshqa oyog‘i bilan oldinga-yuqoriga tez siltab, tana og‘irligining umumiy markazi tayanch ustidan o‘tish paytida esa, uni tos suyagi bilan son suyagi qo‘shilgan joyda va tizza bo‘g‘inlarida bukishadi. Basketbolchi tanasi yuqori nuqtaga yetgandagi ko‘tarilishidan keyin oyog‘ini to‘g‘rilaydi vadepsinuvchi oyog‘iga keltiradi. Istalgan usulda sakraganda yerga tushish muvozanatini saqlagan holda, yumshoq tushish lozim, bunga ohista kerilgan oyoqlarni yumshatuvchi bukish orqali erishiladi. Yerga bunday tushish basketbolchiga o‘yin harakatlarini bajarishiga tezda kirishish uchun imkon yaratadi.

To‘xtashlar

Vaziyatga qarab o‘yinch, keskin yugurishlar va yugurish yo‘nalishini o‘zgartirishlar bilan bir qatorda raqib ta’qibidan biroz bo‘lsa ham qutulishga, bo‘sh joyga chiqishga va keyingi hujum harakatlari uchun imkoniyatga ega bo‘lish maqsadida kutilmagan (qo‘qqisdan) to‘xtalishlardan foydalaniladi. To‘xtalish ikki uslubda: sakrab va ikki qadam bilan amalga oshiriladi (3-rasm).




3-rasm.

Burilishlar

Hujumga himoyachidan qutulish uchun, to‘pni urib chiqarishdan saqlash uchun fintlarini ishlatib, so‘ng savatga hujum qilish uchun burilishlardan foydalanadi. Burilishning ikki: oldinga va orqaga burilish usuli bor.

Oldinga burilish basketbolchi yuzi bilan qayoqqa qaragan bo‘lsa, shu tomonga qadam tashlab, o‘tish yo‘li bilan bajariladi, orqaga burilish esa u orqasi bilan qaysi tomonga qarab turgan bo‘lsa, o‘sha tomonga qadam tashlab o‘tish yo‘li bilan bajariladi (4-rasm).



4-rasm.

To‘p bilan bajariladigan usullar (texnikasi). To‘p bilan bajariladigan usullar quyidagi texnik usullarni: to‘pni ilib olish, uzatish, olib yurish va to‘pni savatga otishni o‘z ichiga oladi.

To‘pni ilib olish

To‘pni ilib olish – bu usul yordamida o‘yinchi ishonarli ravishda to‘pni egallash va u to‘p bilan keyingi hujum harakatlariga kirishishi mumkin.

To‘pni ilib olish keyinchalik to‘pni oshirib berish, olib yurish yoki otishni bajarish uchun ham dastlabki holat hisoblanadi, shuning uchun harakatlar o‘z tuzilishi bilan keyingi usullarni aniq va qulay bajarilishini ta‘minlashi lozim. O‘yinchi to‘pni ham ilmay turib uni keyin qayoqqa va kimga uzatishni bilishi zarur.

O‘yinchi to‘pga qarab tursa ham ko‘z qiri bilan boshqa joylarni ko‘ra olishi lozim.


Basketbolchi joyida turib to‘pni kutmasdan, albatta unga qarshi chiqishni o‘ziga qoida qilib olishi kerak. To‘pni tutib olishning aniq usuli va uning har xil usullarini tanlab olish, o‘yinchining uchib kelayotgan to‘pga nisbatan joylashganligini, uning bir joydan ikkinchi joyga o‘tish harakati dinamikasi, to‘pning uchish balandligi va tezligiga bog‘liq (5-rasm).

Ikki qo'l bilan				Bir qo'l bilan			
Balandligini	Ko'krak balandligida	Pastdan	Dumalayotganini	Balandligini	Ko'krak balandligida	Pastdagini	Dumalayotganini
Joyida							Past sapchishdan
Harakatda							
Sakrashda							
Tez kelayot-ganini							
O'rtacha kelayotganini							
Sekin kelayotganini							
Qarshı harakat paytida							
Olg'a intilish harakat paytida							
Yondan harakat paytida							

5-rasm. To'pni ilib olish klassifikatsiyasi.

To'pni ikki qo'l bilan ilib olish to'pni egallashning eng oddiy va shu bilan birga ishonchli usuli hisoblanadi (6-rasm).

To'pni bir qo'l bilan ilish. Uchib kelayotgan to'pga yetib borish va uni ikki qo'l bilan ilishga sharoit yo'l qo'y-magan paytda uni bir qo'l bilan ilish kerak.




6-rasm.

To'pni uzatish

Uzatish – bu hujumni davom ettirish uchun o'yinchining to'pni sherigiga yo'naltiriladigan usuli.

To'pni to'g'ri va aniq uzatishni bilish – o'yinda basketbolchilarning birgalikdagi aniq, maqsadga yo'naltirilgan harakatlarining asosidir. To'pni uzatishning har xil usullari bor. Ularni u yoki bu o'yin holati, to'pni uzatish lozim bo'lgan oraliq, sheriгининг joylashishi yoki harakat yo'nalishi, raqiblarning qarshi harakat usullari va xarakteriga qarab qo'llaniladi.




7-rasm. To'pni uzatish.

Periferik ko'rish, qo'l harakatlarining tezligi, mahorat, aniq va taktik fikrlash – to'pni xatosiz uzata oladigan basketbolchilarni xarakterlovchi sifatlardir.

Uzatish uslublarini bajarish tezligi va aniqligi ma'lum darajada qo'l va barmoqlarning juda tez ishlashiga bog'liq. To'pni qabul qilayotganda sherikni ko'rish kerak, lekin unga qarab turmaslik lozim. Uzatish paytida muvozanat holatni saqlash lozim, bo'lmasa uzatishga mo'ljallangan yo'nalish raqib tomonidan to'sib yoki to'p olib qo'yilishi mumkin, o'yinchi esa beixtiyor xato «yugurish» qilib qo'yadi (uchinch qadam qo'yadi yoki joyidan siljiydi).


To'pni ko'krakdan ikki qo'l bilan uzatish. Nisbatan oddiy o'yin paytida, raqibi-



8-rasm.


ning ta'qibi bo'shroq bo'lganda, to'pni yaqin va o'rta masofadagi sherigiga aniq va tez yo'naltirishga imkon beruvchi asosiy usuldir (8-rasm).

To'pni yuqoridan ikki qo'llab uzatish. Yuqoridan ikki qo'llab uzatishdan ko'proq raqib zinchimoya qilayotgan paytda o'rtacha masofalarda foydalanimadi (9-rasm).



9-rasm.


To'pni pastdan ikki qo'llab uzatish. To'pni ikki qo'llab pastdan uzatish tizzadan pastga ilib olinganda, yoki maydondan olinganda, yoki pozitsiyani almashtirishga vaqt bo'limganda 4–6 metr masofadagi sherikka to'pni yetkazishda qo'llaniladi (10-rasm).




10-rasm.

To'pni yelkadan bir qo'llab uzatish. To'pni yelkadan bir qo'llab uzatish to'pni yaqin va o'rta masofaga uzatishda qo'llaniladigan usuldir. Bunday uzatish uchun qilinadi. To'pni uzatish vaqtida panjalarning qo'shimcha harakati bilan to'pning yo'nalishi va katta diapazondagi uchish trayektoriyasini o'zgartirish mumkin (11, 12-rasmlar).

Bosh ustidan yoki tepadan to'pni bir qo'llab uzatish. Qarshi hujumga o'tgan sheri-giga to'pni tezroq butun maydon bo'ylab 10–25 metr masofagacha yo'naltirishga imkon beradi (11, 12-rasmlar).



11, 12-rasmlar.




13-rasm.

Yuqoridan bir qo'llab («kryuk» usuli bilan) to‘pni uzatish. Yuqoridan bir qo'llab («kryuk» usuli bilan) to‘pni uzatish qattiq ta‘qib qilinayotgan raqibning ko‘tarilgan qo'lllari ustidan to‘pni o‘rta va ayniqsa uzoq masofaga yetkazish kerak bo‘lgan vaqtida qo'lla-niladi (13-rasm).


Pastdan bir qo'llab

uzatish. Yaqin va o‘rta masofalarga, raqib to‘pni yuqorida tutib olishga zo‘r berib harakat qilgan paytda bajariladi. To‘pni sherigiga raqibning qo‘li ostidan yo‘naltiriladi (14-rasm).



14-rasm.

Yondan bir qo'llab to‘p uzatish. Bir qo‘l bilan yondan uzatish bir qo‘l bilan pastdan oshirishga o‘xshash. U to‘pni sherigiga yaqin va o‘rta masofaga raqibning chap va o‘ng tomonidan yo‘naltirishga imkon beradi (15-rasm).




15-rasm.

Orqadan bir qo'llab to‘p uzatish. To‘pni orqadan uzatishdagi asosiy harakatlari – bu bel biroz bukilgan qo‘l orqasidan va panjaning keyingi keskin harakati bilan uzatiladi (gavda ham biroz bukiladi).

Bir qo'llab yelkaning ustidan to'p uzatish. Bir qo'llab yelkaning ustidan to'p uzatish paytida o'yinchi tirsak va panjalarini shiddatli bukish bilan o'ng (chap) tomondan yoki yelka ustidan to'pni sherigiga uzatadi.

To'pni olib yurish

To'pni olib yurish – o'yinchiga to'p bilan maydon bo'ylab xohlagan tezlikda va istalgan yo'nalishda harakat qilishiga imkon beruvchi usuldir (16-rasm).



16-rasm. To'pni olib yurish klassifikatsiyasi.

To'pni olib yurish ta'qib qilayotgan raqibdan qochishga, to'p uchun muvaffaqiyatli kurashdan so'ng to'p bilan halqa ostidan chiqishga va tez jadal qarshi hujumni tashkil etishga, sherikka to'siq qo'yishga yoki nihoyat, so'ng sherigiga hujum uchun to'pni uzatish va uni to'sayotgan raqibni biroz chalg'itishga imkon beradi.

Boshqa barcha holatlarda, qarshi hujum tezligini pasaytirmaslik va o'yin jarayonini buzmaslik uchun to'pni olib yurishdan bekordan bekor foydalanmaslik kerak. Olib yurish to'pni bir qo'l bilan yengil ketma-ket pastga-oldinga urish bilan amalga oshiriladi (yoki galmagal o'ng va chap qo'l bilan), oyoqlardan biroz yonda va oldinga

yo'naltiriladi. Asosiy harakatlarni tirsak va bilak bo'g'inlari bajaradi. Muvozanat holatini saqlash va harakat yo'nalishini tez o'zgartirish uchun oyoqlarni bukish kerak.

Gavda biroz oldinga buriladi, to'pga tegmayotgan qo'l va yelka raqibni to'pga yaqinlashtirmasligi kerak (lekin uni itarib yubormaslik lozim). Qadam tashlash va to'pni harakatlantirayotgan qo'l sinxronligi to'pni olib yurish uchun xarakterlidir.

O'yinchi shu tarzda oldinga harakat qilib, shu vaqtning o'zida sheriklari, raqiblari joylashishini kuzatishi va halqa tomon yo'lini aniqlashi lozim. Vaqt-vaqt bilan nazoratni to'pdan maydonga va qayta to'pga qaratishi maqsadga muvofiq.


Tezlikni o'zgartirish bilan aldab o'tish. Himoyachidan qutulish uchun to'p olib yurish tezligining kutilmagan o'zgartirishlaridan foydalaniлади. To'pni olib yurish tezligi avvalo to'pni qay burchak ostida maydonga yuborilayotganligiga va sakrash balandligiga bog'liq. To'p bilan oldinga harakat qilish tezligi, avvalo to'pning sakrash balandligiga va uning sapchish burchagiga bog'liq. To'p tikkaga, yaqin va past sakratilsa yurish sekinlashadi va butunlay bir joyda bajarish mumkin.

Yo'nalishni o'zgartirish bilan aldab o'tish. Asosan bu harakatdan raqibini aldab o'tish va hujum uchun, halqa tomon o'tish uchun foydalaniлади. Yo'nalishni quyidagicha qilib o'zgartiradi: to'pni yoki kerakli yo'nalishga qo'lni to'g'rileydi. Shuningdek, sapchish balandligini o'zgartirib, burilishlar va to'pni u yoqdan bu yoqqa o'tkazib ham aldab o'tish mumkin. Shuningdek, to'pni bir qo'ldan boshqasiga o'tkazish bilan yashirinchha, orqadan yoki to'pni oyoq ostidan o'tkazish bilan ham raqibni aldab o'tish usulidan keng foydalaniлади.

Halqaga to'p otish (tashlash)lar

To'p otishni bajarishga tayyorlanish jamoa hujumining asosiy mazmunini tashkil etadi, halqaga tushirish esa uning bosh maqsadidir. Bellashuvda muvaffaqiyatli qatnashish uchun har bir basketbolchi faqatgina uzatish, tutib olish va olib yurishni bilishi, har xil holatlardan, raqib qarshiligiga qaramay istalgan masofadan to'pni otib, halqaga aniq hujum qilishi kerak. O'yinchining vaziyatga qarab hujum uchun har bir qulay vaqtdan foydalanishga harakat qilishi, o'zining shaxsiy ist'e'dodi va xususiyatlarini hisobga olgan holda otishning qaysi usulidan foydalanish kerakligini aniqlaydi.

Halqaga otishning aniqligi bиринчи navbatda texnik harakatlar turg‘unligi va ularni boshqarish, mushaklarning kuchlanishi va bo‘shashtirilishini to‘g‘ri almashtirish, qo‘l panjalarining kuchi va harakatchanligi ularning yakunlovchi kuchlanishi bilan, shuningdek, to‘pni optimal uchish trayektoriyasi va aylanishi bilan aniqlanadi.



17-rasm. Halqaga to‘p otish klassifikatsiyasi.

Otishga tayyorlanayotib, o‘yinchи maydondagi holatni (qulayroq holatdagi sherigi bormi yoki yo‘qmi, halqadan sapchigan to‘p uchun kurashni sheriklari ta’minlashadimi va boshqalar), uni ta’qib qilayotgan himoyachining qarshi harakat usullarini, sapchigan to‘p uchun kurashga chiqa olishining amaliy yo‘llari va boshqa tomonlarini nazarda tutishi kerak. Nima qilish kerakligini belgilab qaror qabul qilgach, o‘yinchи to‘p otishga shunday psixologik (ruhiy) tayyorlanishi kerakki, harakatning ishonchli va aniqligiga hech qanday to‘siq ta’sir qila olmasin. Otishning yakunlovchi paytida mushaklarni bo‘shashtirish kerak.

Otishda eng yaxshisi to‘pni gorizontal o‘qi atrofida uchishning qarama-qarshi yo‘nalishi tomoniga (orqa aylanma) aylanma harakat berish kerak. Qiyin holatlarda halqa ostidan tashlashda vertikal o‘qi atrofidagi to‘p aylanmasidan foydalaniladi, chunki u bevosita halqa joylashgan qism bilan chegaralangan, undan qaytish nuqtasini erkinroq tanlab olishga, orqaroqqa o‘tish va tashlash uchun bo‘shliqdan to‘laroq foydalanishga imkon beradi. O‘rtacha va uzoq masofadan to‘p otishda kuchliroq tezlanish berish maqsadga muvofiq. Halqaga yaqindan to‘p otishni o‘ng qo‘l bilan qanday bo‘lsa, chap qo‘l bilan ham shunday bajarishni bilish kerak.

To‘pning uchish trayektoriyasi masofaga, o‘yinchining bo‘yiga, uning sakrash balandligi va baland bo‘yli himoyachining qarshi harakatlari faolligiga qarab tanlanadi. O‘rtacha (halqa 3–6,5 m) va uzoq (halqadan 6,5 m dan ko‘proq) masofalardan tashlashda eng yaxshisi to‘pning optimal uchish trayektoriyasida parabolaga o‘xshash yo‘nalishni tanlash kerak. Chunki halqa ustidagi yuqori nuqtasi taxminan 1,4–2 metr trayektoriyada to‘pning yo‘li bir qancha cho‘ziladi, bunda to‘pning halqaga tushirish aniqligi oshadi. Masofa qancha uzoq bo‘lsa, qo‘lni yuqoriga ko‘tarish paytidagi harakat amplitudasi shuncha katta, to‘pni otishdagi yakunlovchi kuch ham shuncha kuchliroq bo‘lishi kerak.

Halqaga to‘p otish klassifikatsiyasi yoki tasnifi 17-rasmda keltirilgan.


Umumi tuzilishi bo‘yicha halqaga to‘p otishning aniq usuli 3 qismga: tayyorgarlik, asosiy va yakunlovchiga bo‘linadi. Agar o‘yinchini tayyorgarlik harakatlarida usulning aniqligi uchun sezilarsiz ba‘zi o‘zgarishlarni kiritmoqchi bo‘lsa, tashqi omillarni hisobga olgan holda asosiy va yakunlovchi harakatlarga tegishli o‘zgartirishlar kiritishi kerak. Bu ko‘rsatkichlar quyidagilarni bajarishga qaratilgan bo‘lishi mumkin:

- qo‘lni harakatlantirish (otish) nuqtasi (yelkadan pastda, bosh ustidan, bosh orqasidan);
- to‘pni chiqarish nuqtasi (o‘zidan oldin, bosh ustidan baland);
- bajarish tezligi;
- to‘pning uchish trayektoriyasi balandligi.


Ko‘krakdan ikki qo‘llab to‘pni otishdan ko‘proq uzoq masofalardan halqaga hujum qilish uchun foydalaniladi (18-rasm). Agar o‘yin paytida himoyachi faol qarshilik qilayotgan bo‘lsa, otishning bu usulini shug‘ullanuvchilar tezroq o‘zlashtirishadi. Bu to‘p uzatish usuliga yaqin bo‘lgan pastdan ikki qo‘llab to‘p oshirish ko‘proq

halqa tomonga yorib o'tishda va to'p oshirishga himoyachi qarshilik ko'rsatayotgan paytda ishlatalidi.

Yuqoridan ikki qo'llab to'p oshirish raqibning ta'qibi kuchli bo'l-ganda o'rtacha masofalarda bajarish maqsadga muvo-fiq. Bu usuldan hamma-dan ko'ra tezroq yaxshi



18-rasm.



19-rasm.


sofalardan va bevosita halqa tagidan hujum qilishda foydalaniladi (21-a,b rasmlar).

Sakraganda yuqoridan bir qo'llab to'p otish (sakraganda to'p otish) zamonaviy basketbol-dagi hujumning asosiy vositasidir. Jahonning kuchli erkaklar basketbol jamoalari musoba-


sakray oladigan baland bo'yli o'inchilar ko'pincha foydalananadi. Otishning bu usuliga raqib xalaqit berishi qiyin (19-rasm).

Yelkadan bir qo'llab to'p otish – o'rta va uzoq masofadan joyida turib halqaga hujum qilishning keng tar-qalgan usuli. Ko'p sportchilar bundan jarima otishda ham foydalanishadi (20-rasm).

Yuqoridan bir qo'llab to'p otish ko'proq yaqin ma-




20-rasm.



21-a rasm.

Bir qo'lda kryuk usuli bilan to'p otishdan ko'proq markaziy o'yinchilar, baland bo'yli himoyachining faol qarshi harakati paytida, yaqin va o'rtalardan hujum qilishda foydalanishadi.



21-b rasm.

Pastdan bir qo'llab to'p otish harakatda va sakrab pastdan ikki qo'llab otish kabi holatlarda qo'llaniladi.

To'pni halqaga qayta otishni to'p unga tushmay, qurilmadan sapchib yoki halqa yaqinidan uchib ketgan holatlarda, o'yinchi sakrab amalga oshiradi. Chunki o'yinchi to'pni havoda ilib olgandan keyin yerga tushib, halqani nishonga olishiga himoyachilar imkon bermaydi. Bunday hollarda ikki qo'llab yoki bir qo'l bilan to'pni savatga yana to'g'rilash kerak.

qalarida hamma to'p otishlarining 70 foizi xuddi shu usul bilan har xil masofalardan bajariladi, bu to'p oshirishning bir qancha ko'rinishlari bor.

Sakrab gavda orqasidan oshirishdan yaxshi sakray oladigan baland bo'yli himoyachining qarshilik qila-yotganda yaqin va o'rtalardan savatga hujum qilishda foydalaniladi.

Himoya texnikasi

Himoya – bor kuch bilan g‘alaba qilishga harakat qilayotgan jamoaning o‘z halqasining xavfsizligini ta‘minlashi. Agar o‘yinchilar himoya harakatlari paytida qo‘pol xatolarga yo‘l qo‘yishsa, jamoaning qancha harakati bekor bo‘lib qoladi.

Himoyaga qaraganda hujumning texnik arsenali balandroq. Tajribadan ma’lumki, himoya priyomlarini to‘g‘ri va diqqat bilan bajarilsa, ular ko‘proq samara beradi.

Himoya texnikasi ikkita asosiy guruhga: maydonda harakat qilish texnikasi hamda to‘pni egallash va qarshi harakat qilish texnikasiga bo‘linadi (22-rasm).

Himoya texnikasi

Maydonda harakat qilish texnikasi				To‘pni egallash va qarshi harakat texnikasi						
Turish	Yurish	Yugurish	Sakrashlar	To‘xtalishlar	Burilishlar	To‘pni urib chiqarish	Qaytarish surib	Ustini yopish	To‘pni siltab olish	Sapchishdan olish

22-rasm. Himoya texnikasi klassifikatsiyasi.

Maydonda harakat qilish

Himoyachining maydonda harakat qilish texnikasi usullarining xarakter va xususiyatlari, o‘yinchining faol, mustaqil himoya harakatlari va shergi bilan o‘zaro harakatlari, shergi bilan o‘zaro harakatlarining aniq holati va maqsadiga bog‘liqdir.

Turish

Himoyachi biroz yozilgan oyoqlarida mustahkam holatda turib hujumchining savatga hujum qilishi va to‘pni olishi uchun qulay vaziyatga chiqishini qiyinlashtirishga doim tayyor bo‘lishi kerak. O‘zi ta‘qib qilayotgan o‘yinchini diqqat bilan kuzatishi, himoya qiluvchi o‘yinchi to‘pni va raqibning boshqa o‘yinchilarini nazoratda ushlashi kerak. Himoyachi turishining turlari quyidagicha:

- oyoqni oldinga biroz chiqarilgan holatda qo‘yb turish;
- bir chiziqdagi turish (parallel turish).

Himoyachining maydonda harakat qilish xarakteri va yo‘nalishi odatda hujumchining harakatiga bog‘liq. Shuning uchun himoyachi har doim muvozanat holatini saqlashi va har qanday yo‘nalishda harakat qilishga tayyor bo‘lishi, yugurish yo‘nalishini yonga, oldinga, orqaga, ko‘p hollarda orqa bilan oldinga o‘zgartirib oraliqning qisqa bo‘lishini, tezlikni oshirib qisqartirilgan to‘xtalish yo‘li va to‘satdan to‘xtalishni ta‘minlab, raqiblarning qarshi harakat hujumi paytida o‘zining tezligini boshqarishi kerak.

Himoyachi foydalilaniladigan yugurish, keskin yugurish, to‘xtash, sakrash usullar hujumida foydalilaniladigan tavsiyalarga o‘xshash. Biroq hujumchidan farqli ravishda himoyachi yonga qadalib biroz bukilgan oyoqlarda harakat qilishi kerak. Buning mohiyati shundaki, birinchi qadam harakat yo‘nalishiga yaqinroq oyoq bilan qilinadi, ikkinchi qo‘yilgan qadam sirpanuvchan bo‘lishi kerak. Bu paytda tezlik va chaqqonlik pasaymasligi uchun oyoqni chalishtrish vadepsinuvchi oyoqni tayanch oyoq orqasiga qo‘yish mumkin emas.


Himoyachining harakat qilish paytidagi o‘ziga xos xususiyatlari:

- dastlabki holatni doimiy takrorlashi;
- raqib hujumni boshlagunga qadar mo‘jallangan (oldindan bo‘ladigan) yo‘nalish haqida ma’lumotga ega bo‘lmaslik;
- oldinga tezlanishlardan keyin keskin yugurish, har doim jiddiy farqlanadigan yo‘nalish, usul, boshqa kinematik va dinamik daqiqalarda bo‘lishi;
- boshlang‘ich harakat parametri to‘pning uchish yo‘nalishi va tezligi parametriga, raqiblarning harakat qilishlariga, texnik usullarni bajarish xususiyatlariga to‘g‘ri kelishi kerakligi;
- «ishga soluvchi» signallarning (tovushli, raqibning qarash nigohi, yo‘nalishi, sherik yoki raqib harakatining boshlanganini murabbiyning ayтиб turishi va boshqalar) har xil yo‘nalganligi va har xilligi;
- portlovchi xarakterdagи kuchlar yordami bilan oldindan biroz sakrab faol start olish mumkinligi.

To ‘pni egallash

1. To‘pni tortib olish.
2. To‘pni urib chiqarish.
3. To‘pni raqib qo‘llaridan urib chiqarish.

4. To‘pni olib yugurish paytida urib chiqarish (23-rasm).
5. To‘pni to‘sib olib qo‘yish.
6. To‘pni olib yugurganda to‘sib olib qo‘yish.
7. To‘pni otish paytida ushlab olish.
8. Sakrab savatga otish paytida to‘pni qaytarish.
9. O‘zining halqa qurilmasi oldida yoki ostida sapchigan to‘p uchun kurashda to‘pni egallah.



23-rasm.

Strategiya va taktika

Sport kurashi olib borishning obyektiv qonuniyatlarini uning masshtablariga ko‘ra strategiya va taktikaga bo‘linadi. Strategiya sport kurashining amaliyoti va nazariyasini butun musobaqa davomida hamda asosiy raqib bilan, taktika esa shu jarayonlarni bitta uchrashuv masshtabida o‘rganadi.

Strategiya taktika bilan uzviy bog‘liq. U yetakchi hisoblanadi, chunki sport kurashini, kuchini, tadbirini, yakunlovchi maqsadini va uning yechish usulini aniqlaydi. Strategiya va taktikaning o‘zaro bog‘liqligi strategiyaning yetakchi holati shu bilan tushuntiriladiki, taktik muvaffaqiyat, ya’ni alohida uchrashuvdagi muvaffaqiyat umumiyligi strategik maqsadni yechish, taktik vazifalarni muvaffaqiyatlidir bajarishga to‘g‘ridan to‘g‘ri bog‘liq bo‘ladi.

Taktika – strategiya qismidir. Bu unga bo‘ysunadi (ya’ni straktegiysi).

Strategiyaning bosh vazifalaridan biri – oldinda turgan musobaqalar xarakteri va sharoitlarini o‘rganish, tayyorgarlik ko‘rinishlari usullarini va kurash olib borishni ishlab chiqish. Shundan xulosa chiqarib, strategiya maqsadga erishish uchun kerak bo‘lgan kuch

va tadbirlarni, binobarin, jamoaning musobaqalarga tayyorlanish umumiy strategik yo‘nalishini aniqlashi shart. Strategiya bu masalalarni o‘yin jarayonining rivojlanish qonuniyatlariga, musobaqa kurashi tajribasiga, asosiy raqiblarning qarash va imkoniyatlari hamda jamoaning imkoniyatlara muvofiq o‘rganadi.

Musobaqaga tayyorlanish davrida strategiya tomonidan o‘rganiladigan misollar doirasiga quyidagilar kirdi:

1. O‘yin jarayonining rivojlanish qonuniyatları va tendensiylari.
2. Musobaqlarda qatnashish tajribasi.
3. Jamoaning musobaqalarga tayyorlanishini boshqarish asoslari.
4. Rezerv (zaxira)larni tayyorlash.
5. Musobaqlarning shartlari va xarakterli xususiyatlari.
6. Raqiblarning qarashlari va imkoniyatlari.
7. Tayyorgarlikning asosiy strategik yo‘nalishlari va uning rejalahshtirish prinsiplari.
8. Kurash olib borishning tadbir, usul va vositalari.
9. Jamoani material-texnik, ilmiy-uslubiy va tibbiy ta’minlash asoslari.

Musobaqlarda qatnashish davomida strategiyaning bosh vazifalari quyidagilar hisoblanadi:

1. Musobaqa rejimi (tartibi)ni tuzish asoslari.
2. Vosita va kuchlarni asosiy bosh yo‘nalishlar bo‘yicha joylash-tirish.
3. Operativ boshqarish usullari.

Strategiya o‘zida musobaqa kurashi qonuniyatları haqidagi bilimlar yig‘indisini mujassamlashtirgan. Bu qonuniyatlarini bilish murabbiyya bo‘lajak musobaqlarning xarakter va sharoitlarini oldindan ko‘rishga, jamoani boshqarishga imkon beradi.

O‘yin jarayonining rivojlanish qonuniyatlarini o‘rganish, musobaqalarga tayyorlash va qatnashish tajribasi, jamoaning imkoniyatlari, musobaqa kurashiga tayyorlash va olib borishlik, ya‘ni tadbir va usullari, asosiy raqiblarning qarash va imkoniyatlari asosida strategik rejim tuziladi. Strategiya oldinda turgan musobaqlar xarakteri va sharoitlarini, ularga tayyorlanish usullari va ko‘rinishlarini, kurash tadbirlarini, shuningdek, musobaqlar jaranonda jamoani boshqarish asoslarini qidiradi.

Shu bilan birga strategiya – bu jamoaning musobaqaga tayyorlash jarayoniga va musobaqalar jarayonida uni boshqarishga tegishli bo‘lgan amaliy faoliyat hisoblanadi.

Taktika – bu sport kurashi olib borishning usul va ko‘rinishlarini, o‘yining rivojlanish qonuniyatlarini va aniq raqibga qarshi ularni ratsional qo‘llashni amaliy va nazariy jihatdan o‘rganadigan bo‘limdir.

O‘yin olib borish tadbirlariga texnika usullari taalluqli. Aslini olganda, texnikani egallamay turib o‘ynash mumkin emas. Biroq texnik tayyorgarlik u yoki bu harakatning tarkibini o‘rganishga yo‘nalgan bo‘lsa, unda taktik tayyorgarlik basketbolchini ikki jamoa kurashi sharoitlarida o‘rganilgan usullarni maqsadga muvofiq qo‘llash mahorati va bilimlari bilan qurollantiradi.

Taktik tayyorgarlik, avvalo, har xil kurashdagi kombinatsiyalarni o‘rganishni taqozo qiladi. Kombinatsiya deganda, basketbolda halqaga hujum qilish uchun sharoit yaratishga yo‘naltirilgan, aniq sistema chegarasida guruh yoki jamoaning hamma o‘yinchilari tomonidan ilgaridan o‘rganilgan va o‘zaro kelishilgan harakatlari tushuniladi. Bundan tashqari, kombinatsiya, o‘zaro harakatlar, ularning uyg‘unligi va musobaqa tajribalari asosida o‘yinchilar tomonidan ijodiy yondashilgan va amalga oshirilgan hujumi bo‘lishi mumkin.

Taktika klassifikatsiyasi

O‘yining asosiy mazmuniga muvofiq taktika hujum va himoya taktikasiga bo‘linadi (24 a, b-rasmlar).

Uning har bir bo‘limi o‘yinchilar harakatini tashkil qilish prinsipiqa qarab yakka, guruqli va jamoaga bo‘linadi. O‘z navbatida har biri o‘yinni olib borilishi ko‘rinishlariga bo‘linadi (masalan, yakka harakatlar hujum davomida o‘yinchining to‘psiz harakati va o‘yinchining to‘p bilan harakati ham bo‘lishi mumkin). O‘yin harakatlarining aniq mazmuniga qarab, ko‘rinishlar usullarga bo‘linadi. Bajarishning har xil xususiyatlariga ega bo‘lgan usullar variantlarga ajratiladi. Masalan, markaziy o‘yinchi orqali hujum qilish sistemasi pozitsion hujum qilish usullaridan biri hisoblanadi. Bir vaqtning o‘zida tayanch markaziy o‘yinchilar sonini hisobga olib, bu sistema uchta variantga ega bo‘lishi mumkin: bitta markaziy o‘yinchi orqali, ikkita va uchta markaziy o‘yinchilar orqali hujum qilish.

O‘yin taktikasi	Hujum taktikasi	Guruhi harakatlar	Jamoa harakatlari	Pozitsion hujum	
O‘yinchining to‘psiz harakatlari	O‘yinchining to‘p bilan harakatlari	Ikki o‘yinchining o‘zaro harakatlari	Uch o‘yinchining o‘zaro harakatlari	Shiddatl hujum	Markaziy o‘yinchisiz hujum qilish sistemasi
Yakka harakat					Markaziy o‘yinchichi orqali hujum qilish sistemasi
					Qavatlangan yorib o‘tish
					Tez yorib o‘tish sistemasi
					Ikki o‘yinchiga to‘qnashtirish
					Ikkilangan to‘siq
					Kesishib chiqish
					Kichik sakkizlik
					Uchlik
					Uchburchak
					Kesishish
					To‘qnashtirish
					To‘siq
					«To‘pni oshirib berib va chiqish»
					Halqaga hujum qilish
					To‘p bilan o‘ynash
					O‘yinchini chalg‘itish uchun kurash
					To‘pni olish uchun kurash

VARIANTLAR

	O'yin taktikasi
	Himoya taktikasi
Yakka harakat	Guruhli harakatlar
To'psiz o'yinchiga qarshi harakat	To'pli o'yinchiga qarshi harakat
	Ikki o'yinchining o'zaro harakati
	Uch o'yinchining o'zaro harakati
	Konsentratsiya-langan himoya
	Bo'lib yuborilgan (targoq) harakat
	Jamoa harakatlari

Zona pressing sistemasi
Shaxsiy pressing sistemasi
Aralash himoya sistemasi
Zona himoya sistemasi
Shaxsiy himoya sistemasi
Ikki o'yinchini to'qnashtirishga qarshi
Ikkilangan to'siqqa qarshi
Kesishib chiqishga qarshi
Kichik sakkizlikka qarshi
Uchlikka qarshi
To'pni guruh bo'lib olish
Sezdirmay o'tish
Uzatish
Ehtiyyot qilish
Halqaga hujum qilishga qarshi harakat
To'pni o'ynashga qarshi harakat
Bo'sh joyga chiqishga qarshi harakat
To'pni olishga qarshi harakat

VARIANTLAR

24-b rasm. Basketbol taktikasi klassifikatsiyasi.

Basketbol o‘yin qoidasi va maydon o‘lchamlari

2000-yil 4–5-mayda Germaniyaning Myunxen shahrida Xalqaro basketbol federatsiyasi (XBF) Markaziy byurosi tomonidan basketbol o‘yin qoidalari qabul qilingan va tasdiqlangan.

Basketbol maydonining o‘lchami 28x15 m. Basketbol halqa qurilmasining o‘lchami 180x105 m, basketbol to‘ri uzunligi kamida 40 sm va ko‘pi bilan 45 sm dan oshmasligi kerak. To‘rni halqaga otish uchun 12 ta iladigan halqasi bo‘lishi kerak.

Basketbol o‘yini to‘rt bo‘limdan iborat. Har bir bo‘lim o‘n daqiqani tashkil etadi.

— Birinchi, uchinchi va to‘rtinchi, shuningdek, qo‘srimcha bo‘lim oralig‘ida tanaffus ikki daqiga bo‘ladi.

— O‘yining yarmisidan keyingi tanaffus o‘n besh daqiqani tashkil etadi.

— Hamma o‘ynaydigan jamoalar uchun o‘yin jadvalida birinchi turgan jamoa maydon egasi bo‘lib, maydonning qaysi tomonida va qaysi o‘rindiqda o‘tirishni tanlab olish huquqiga ega va ular buni o‘yin boshlanishidan 20 daqiga oldin bosh hakamga aytishlari shart.

— Jamoalar birinchi va uchinchi bo‘lim oldidan raqib maydonidagi halqa qurilmasi oldida mashq qilishlariga ruxsat etiladi.

— Jamoalar halqaga to‘p tashlaydigan tomonlarini faqat uchinchi bo‘lim oldidan almashishlari mumkin.

Agarda o‘yin boshlanish oldidan biror jamoada beshta o‘yinchilar bo‘lmasa, o‘yin boshlanishiga ruxsat etilmaydi. O‘yin maydonining to‘g‘ri burchakli yuzasi tekis, qattiq bo‘lib, hech qanday to‘siqlar bo‘lmasligi kerak.

XBF (FIBA)ning rasmiy musobaqlari uchun, shuningdek, yangi o‘yin maydoni qurayotganlar uchun eslatma: maydonning o‘lchami, chegaralovchi chiziqning ichki qirrasidan o‘lchanadi, uning uzunligi 28 metr, eni 15 metr bo‘lishi kerak.

XBFning tegishli tuzilishiga to‘g‘ri keladigan barcha musobaqlar uchun zonal komissiya yoki milliy federatsiyalarda mavjud minimal kattalikdagi uzunligi 26 metr, eni 14 metrli o‘yin maydonini tasdiqlashga haqqi bor.

Zalning balandligi – o‘yin maydonidagi past buyumdan shiftgacha 7 metrdan kam bo‘lmasligi kerak (88 a, b, d, e, f-rasmlar).



N a z a r i y

1. Basketbol o'yini qachon va qayerda o'ylab topilgan?
2. Basketbol o'yini necha bo'lim va qancha vaqt o'ynaladi?
3. Basketbol maydonining o'lchamlarini aytib bering.
4. Yerdan halqagacha necha metr bo'ladi?
5. Basketbol o'yinida nechta foldan keyin o'yinchisi maydonni tark etadi?
6. Basketbol to'pining og'irligi va aylanasi qancha bo'ladi?
7. Basketbol o'yini O'zbekistonga qachon kirib kelgan?
8. O'zbekistondagi qanday basketbol jamoalarini bilasiz?
9. Qanday masofada halqaga tushgan to'pga 3 ochko beriladi?
10. Qanday hollarda jarima to'pi beriladi?
11. Basketbol o'yini texnikasi deganda nimani tushunasiz?
12. Basketbol maydonida uchrashuv paytida harakat qilish deganda nimani tushunasiz?
13. Har bir bo'limda nechtadan tanaffus olish mumkin?
14. Qanday harakatlar xato hisoblanadi?
15. XBF (FIBA) qachon tashkil topgan?

A m a l i y o t

1. Jarima to'pini bajarish.
2. To'pni markazdan olib kelib ikki qadamda halqaga tushirish (vaqtga).
3. O'rta masofadan to'pni halqaga tushirish (6 ta belgilangan nuqtadan).
4. 3 ochkolik zonadan to'pni halqaga tushirish.
5. Maydon bo'ylab to'pni olib yurib, 4 ta belgilangan joydan to'pni halqaga tushirish.

II bo'lim. VOLEYBOL

Voleybolning kelib chiqish tarixi

Voleybol to‘p bilan o‘ynaladigan sport o‘yini hisoblanadi. To‘r bilan bo‘lingan maxsus maydonchada ikkita jamoa musobaqlashadi. O‘yinning maqsadi: to‘pni to‘r ustidan yo‘naltirib, raqib maydonchasiga tekkizish va raqibning xuddi shunday harakatiga ehtiyyot chora ko‘rish yoki oldindan bartaraf qilish. Buning uchun voleybol jamoasi to‘pga uch marta qo‘l tekkizish imkoniyatiga ega.

Voleybol 1895-yilda o‘ylab topilgan. Amerika Qo‘shma Shtatlarining Massachusetts shtatidagi Gelyaks kollejining jismoniy tarbiya o‘qituvchisi Vilyam Morgan voleybol o‘yinini kashf etdi, 1897-yilda o‘n moddadan iborat o‘yin qoidasini ishlab chiqdi:

1. Maydonni chegaralovchi chiziqlar.
2. O‘yin uchun jihozlar.
3. Maydon o‘lchami 25x50 funt (7,6x15,1m).
4. To‘rning o‘lchami 2x27 funt (0,61x8,2m). To‘ming balandligi 6,5 funt (198 sm).
5. To‘p charm yoki polontiyan bilan o‘ralgan rezinali kamera bo‘lib, aylanasi 25—27 funt (63,5—68,5 sm), og‘irligi 340 grammga teng.
6. To‘pni oshirish. To‘pni oshirishni bajaruvchi o‘yinchilari oyog‘ini chiziqqa qo‘yib turishi va to‘pga zarb berishi kerak. Agarda birinchi to‘pni oshirishda xatoga yo‘l qo‘ysa, to‘pni oshirish takrorlanadi.
7. Hisob, har bir oshirilgan to‘pni qabul qilmagan taqdirda bir ochko beriladi. Faqtgina o‘ziga tegishli bo‘lganda ochko hisoblanadi. Agarda to‘pni oshirgandan keyin o‘z tomoniga qaytib kelsa va u xatoga yo‘l qo‘ysa, to‘pni oshiruvchi o‘yinchilari joy almashadi.
8. Agarda o‘yin vaqtida to‘p (to‘pni oshirmagan paytda) to‘rga tegsa, bu xato hisoblanadi.
9. Agarda to‘p chiziq ustiga tushsa, bu xato hisoblanadi.
10. O‘yinchilar soni chegaralanmaydi.

Xullas, Vilyam Morgan o'rta va katta yoshdagi shug'ulla-nuvchilarga yangi o'yinni tavsiya qildi. U basketbol to'pi kamerasiga havo to'ldirib, 197 sm balandlikda osib qo'yilgan tennis to'ri ustidan oshirib o'ynay boshladilar. Uni 1896-yilda Springfield shahrida o'tkazilgan xristian yoshlari uyushmalari konfederatsiyasida professor Alfred T. Xalsitedi bu o'yinni «voleybol» deb atadi. Bu inglizga so'z bo'lib «uchuvchi to'p» degan ma'noni bildiradi, chunki to'p havoda ko'proq ushlab turiladi.

Voleybol o'yini o'n to'qqizinchi asrning oxirida kashf etilgan, deyish unchalik to'g'ri emas. Chunki shunday ma'lumotlar borki, odamlar shunga o'xshash o'yinlarni yuz va ming yillar ilgari ham o'ynaganlar, ya'ni yer sharining turli joylarida – xususan Yevropa, Markaziy va Janubiy Amerikada.

Qadimgi Rim qo'lyozmalarida eramizdan avvalgi III asrga taalluqli voleybolni eslatuvchi o'yinlar to'g'risida yozilgan. Nimadan yasalgani noma'lum bo'lgan to'pni musht bilan urib o'ynaganlar. Bundan tashqari, qadimdan ma'lum bo'lgan o'yin *faustbol* deb atalardi. Bu o'yin 1500-yillarda ham o'ynalganligi haqida ma'lumotlar bor. O'yinning asosiy mazmuni shundan iboratki, har bir jamoada 3–6 o'yinchi bo'lib, ular to'pni maydonchada o'rnatilgan baland bo'limgan devorcha ustidan raqib tomoniga urib o'tkazishga harakat qilganlar. Vaqt o'tishi bilan faustbol o'yini Yevropada ommaviyashdi va ko'rinishi ham o'zgarib bordi. Tosh devor ikkita daraxt o'rtasida tortilgan arqon bilan almashtirildi, maydon o'lchamlari qisqartirildi va o'yinchilar soni chegaralab qo'yildi, har bir jamoada 5 tadan o'yinchi o'ynaydigan bo'ldi. Har bir jamoaga to'pga uch marta tegishga ruxsat etildi. Maydon kattaligi va o'yin qatnashchilarining soni kamligi sababli, o'yin qoidasini yangi modda kiritishga to'g'ri keldi, bu qoida bo'yicha to'p raqib tomoniga bir marta tushishi va uni faqatgina bir marta tegish bilan qaytarishga ruxsat etildi. O'yin 15 daqiqadan ikki bo'lim o'ynalardi.

Voleybol 1900-yildan AQSHdan chiqib, jahonning boshqa mamlakatlariiga tezda tarqala boshladidi. Dastlab Kanadaga, so'ngra Hindistonga, qisqa vaqt o'tmasdan Osiyo davlatlariga kirib boradi. 1910-yilda Peru va Filippinda voleybol o'ynay boshladilar, 1912-yilda Urugvayga, 1914-yilda Angliyaga xristian yoshlari uyushmasi orqali kirib keldi, 1917-yilda Meksika va Fransiyada, 1918-yili Italiyada, 1919-yili Chexoslovakiyada, 1923-yili esa Afrika mamlakatlarda paydo bo'ldi (Misrda, Tunisda, Marokashda),

1924-yili Ispaniya va Yugoslaviyada, bir yildan keyin Gollandiyada voleybol o'ynash odad tusiga kirdi.

1900-yilda Amerikaning «Spalding» firmasi birinchi bo'lib voleybol to'pini ishlab chiqara boshladi. Hozirgi vaqtida voleybol bo'yicha rasmiy musobaqalar uchun to'pni ishlab chiqarish bo'yicha Yaponiyanining «Mikasa» birlashmasi va Angliyaning «Molten», «Wilson» firmalari birinchilikni ushlab turibdilar. 1900-yilda voleybol o'yinining birinchi rasmiy qoidasi qabul qilindi. 12 yil o'tgandan keyin o'yin qoidasi qaytadan ko'rib chiqildi.

Shu yillarda norasmiy ravishda xalqaro turnirlar o'tkazila boshlandi. Shunday qilib, 1913-yilda Manilada 16 ta erkaklar jamoasi ishtirokida birinchi marta Osiyo o'yinlari o'tkazildi, ular qatorida Xitoy va Filippin jamoalari ham bo'lgan. Uzoq Sharq o'yinlari dasturiga kiritilgan, lekin birinchi jahon urushi boshlanishi oldidan Amerika harbiy qismlari dam olish paytida voleybol o'ynaganlar, uni birinchi marta Yevropada namoyish etganlar. Bu esa ko'pchilik davlatlarda voleybol o'yinining rivojlanishiga kuchli turtki bo'ldi. 1921-yilda Uzoq Sharq Osiyo o'yinlari va Yaponiyada erkaklar o'rtasida birinchi marta milliy championat o'tkazildi. 1922-yilda AQSH va Kanadada xristian yoshlar uyushmasini rahbarligi ostida voleybol bo'yicha birinchi rasmiy championat uysushtirildi. Xuddi shu yili Chexoslavakiyada birinchi marta erkaklar o'rtasida milliy championat bo'lib o'tdi. 1929-yili Markaziy Amerika Milliy Olimpiya qo'mitasi erkaklar voleybolini Kubadagi Olimpiya regional o'yinlariga kiritdi. Shu yilning o'zida AQSH va Polshada birinchi milliy championatlar tashkil qilindi. Shuningdek, Yevropada birinchi xalqaro musobaqalar o'tkazildi: Angliyada Polsha, AQSH va Fransiya jamoalari ishtirokida turnir bo'ldi.

1922-yilda AQSH bu o'yinni Olimpiya o'yinlari dasturiga kiritish taklifi bilan chiqdi.

1932-yilda ayollar voleyboli olimpiya regional o'yinlariga kiritildi. AQSHda voleybol bo'yicha birinchi darslik nashr etildi.

1936-yilda Stokholm shahrida qo'l to'pi bo'yicha xalqaro federatsiyasi kongressida Polsha delegatsiyasi qo'l to'pi bo'yicha federatsiyaning bir qismi sifatida voleybol bo'yicha texnik komitetni tashkil etish tashhabbusi bilan chiqdi. Shundan so'ng komissiya tuzildi, uning tarkibiga 13 ta Yevropa davlati, 5 ta Amerika, 4 ta Osiyo davlatlaridan vakillar kiritildi. Bu komissiya a'zolari tomonidan birmuncha o'zgartirishlar bilan asosini tashkil qilgan Amerika qoidasi qabul qilindi.

Voleybol bo'yicha xalqaro federatsiyaning tashkil etilishiga Ikkinchı jahon urushining boshlanishi xalaqt berdi.

1947-yil 18-apreldan 20-aprelgacha Parij shahrida 14 ta davlat vakillari ishtirokida (Belgiya, Braziliya, Vengriya, Gollandiya, Misr, Italiya, Polsha, Portugaliya, Ruminiya, AQSH, Urugvay, Fransiya, Chexoslavakiya va Yugoslaviya) voleybol bo'yicha birinchi kongress o'tkazildi. Bu yig'ilishda Xalqaro voleybol federatsiyasi tashkil etildi — *Federation internationale de Volleyball* (FIVB). Uning birinchi prezidenti etib fransiyalik Pol Libo saylandi. Ta'sis etiuvchi davlatlarga Belgiya, Braziliya, Italiya, Livan, Polsha, Turkiya, Fransiya, Chexoslavakiya kirdilar. Keyinchalik voleybolni boshqarish uchun joylarda zonal birlashmalar (konfederatsiya) tashkil etildi: Osiyo (1960), Yevropa (1963), Afrika (1965), Shimoliy va Markaziy Amerika va Karib dengizida (1966).

FIVBni texnik organlari doimiy komissiya hisoblanib, u to'rt yilga sayylanadi: sport-tashkilot, hakamlar sudi, o'yin qoidalari bo'yicha.

FIVB dunyoga kelishining birinchi yilidayoq AQSH va Yevropada o'yin qoidalari aralashtirish yo'li bilan umumiy qoidani shakllantirdi: shu vaqtidan boshlab voleybolning davri boshlanadi. FIVB muntazam ravishda qit'alar va jahon birinchiligi o'tkazmoqda. 1948-yilda Rimda erkaklar o'rtasida birinchi Yevropa championati o'tkazildi, unda 6 ta jamoa qatnashdi. Chexoslavakiya jamoasi birinchi bo'lib Yevropa championligini qo'lga kiritdi.

1949-yilda Pragada ayollar o'rtasida birinchi Yevropa championati bo'lib o'tdi, unda erkaklar o'rtasida o'tkazilgan o'yin tajribalaridan foydalanildi. Pragadagi championat musobaqalaridan keyin FIVBning ikkinchi Kongressi bo'ldi, unda yangi xalqaro o'yin qoidalari qabul qilindi va FIVBni a'zolari soni 21 ta milliy federatsiyaga yetganligi ta'kidlandi.

1950-yillar oxiriga kelib, FIVB Xalqaro Olimpiya qo'mitasi bilan voleybolni Olimpiya o'yinlari dasturiga kiritish masalasi bo'yicha muzokaralar olib bordi. Voleybol birinchi marta 1955-yili Meksikoda o'tkazilgan Panamerika o'yinlari dasturida paydo bo'ldi. Ayollar o'rtasida birinchilikni Meksika terma jamoasi, erkaklar o'rtasida AQSH jamoasi qo'lga kiritdi. Nihoyat, XOQning 53-sessiyasi paytida ko'rgazmali xalqaro turnir o'tkazildi. Shu tariqa erkaklar voleyboli Olimpiya o'yinlari dasturiga kiritildi. 1962-yilda XOQ ayollar voleybolini ham Olimpiya o'yinlari sport turi sifatida qabul qildi. FIVB 1963-yilda klub jamoalari uchun birinchi marta Yevropa kubogi o'yinini o'tkazdi. 1965-yilda Polshada erkaklar terma

jamoasi uchun birinchi jahon kubogi tashkil qilindi. 1973-yilda Urugvayda ayollar terma jamoalari uchun birinchi jahon kubogi o'tkazildi.

1964-yilda Tokio shahrida voleybol bo'yicha birinchi marta olimpiadada turnir bo'lib o'tdi, unda 10 ta erkaklar va 6 ta ayollar jamoasi qatnashdi, bu esa voleybolning juda katta g'alabasi edi. Sobiq ittifoqning erkaklar va Yaponianing ayollar jamoasi birinchi marta Olimpiya o'yinlari oltin medallarini olishga muvaffaq bo'ldilar.

1960-yilning o'rtalariga kelib dunyoning juda ko'p mamlakatlarida mini-voleybol ommalashdi. FIVB mini-voleybol bo'yicha komissiya tashkil etdi va 1975-yilda Shvetsiyada mini-voleybol bo'yicha birinchi simpozium o'tkazildi. 1978-yilda Bahraynda mini-voleybol bo'yicha murabbiylar uchun xalqaro kurslar uyuşhtirildi.

1980-yili Moskva Olimpiya o'yinlari paytida FIVB navbatdagi murabbiylar kurslari o'tkazdi, unda 115 mamlakatdan 1500 murabbiy qatnashdi.

1984-yilda FIVB kongressi bo'lib o'tdi. Unda 37 yil rahbarlik qilgan Pol Libo o'rniiga, doktor Ruben Anosta FIVB yangi prezidenti etib saylandi. Meksikalik R.Anosta voleyboldagi yangiliklar tarafdarlaridan biridir. Uning tashabbusi bilan o'yin qoidalari tubdan o'zgartirildi va voleybol yana ommalashtirildi.

1988-yilda Seulda o'tkaziladigan Olimpiya o'yinlari paytida FIVBning 21-kongressi o'tkazildi, voleyboldagi besh bo'lim reglamentiga o'zgartirish kiritildi: hozir tay-breyk sistemasi bo'yicha o'ynaladi. 1990-yildan jahonning kuchli erkaklar terma jamoalari ishtirokida Jahon Ligasi xalqaro turniri o'ynaladi. Bu musobaqa voleybol nufuzini ko'tarish maqsadida tashkil etildi. 1993-yildan boshlab barcha qit'alarda tarqalgan plyaj voleyboli olimpiya sport turi sifatida XOQ tomonidan tan olindi.

O'zbekiston zaminida voleybol 1920-yillardan ommalashdi. Voleybol ham xuddi basketbol o'yini singari yurtimizda o'tkazilgan qator musobaqalarda yanada rivojlandi. Ayniqsa, 1960-yillardan boshlab Toshkentning «Avtomobilchi» ayollar voleybol jamoasi mamlakat championatlarida esda qolarli muvaffaqiyatlarga erishdi. Shu jamoa tarkibida mahoratini oshirgan Vera Duyanova ikki marta olimpiada championi (1968, 1972), Larisa Pavlova esa bir marta olimpiada championi (1972) bo'lishdi. Mustaqillik yillarida voleybol yurtimizda yangi rivojlanish bosqichiga qadam qo'ydi. Endilikda mamlakatimizda «Mukasa» xalqaro turniriga o'xshash nufuzli musobaqalar muntazam ravishda uyuşhtirilyapti va bu yaqin yillarda o'z samarasini beradi.

O'yin texnikasi

Voleybolda o'yin texnikasi deganda, o'yin jarayonida voleybolchilar tomonidan usullarning maqsadga muvofiq bajarilishi tushuniladi. Ular himoya va hujumda o'yin texnikasiga ajratiladi.

Hujumda o'yin texnikasi, to'p bilan va to'psiz bajariladigan usullardan tashkil topadi. Birinchisiga tik turish, siljish va sakrashlar, ikkinchisiga to'pni uzatish, oshirish, hujumlar, zarba va (fint) aldamchi harakatlar kiradi.


Turish. Texnik usulni yaxshi bajarish uchun o'yinchi «tayyor turishi» deb ataladigan qulay vaziyatda bo'lishi kerak. Hujum harakatida ko'proq qulay bo'lgan vaziyat yuqori tik turish bo'lsa, himoyada esa ko'proq past holatda turiladi. Tik turish qulay start holat vujudga keltiradi, keyinchalik undan kerakli yo'nalishga siljish yengil bajariladi (25-rasm).

Siljish. Maydonchada siljish, yurish, yugurish, sakrash orqali bajariladi. Voleybolchilar maydoncha bo'ylab gavdani biroz oldinga engashtirib, oyoqlarni yengilgina bukkib, yumshoqqina siljiydlar. To'pga kelish uchun tez yugurish qo'llaniladi (3–5 m masofadan). Hujum zARBASINI berishda, to'siq qo'yishda va ikkinchi to'pni oshirishda ko'proq tez-tez sakrash bilan davom etadi.

Sakrash. Sarash turgan joyda va yugurib kelib, odatdagidek ikki oyoqda depsinish bilan bajariladi. Hujum zARBASINI berish uchun sakrashdan oldin oyoqlar parallel holda 20–30 sm masofada qo'yildi. Gavda bunday holatda oldinga engashadi, qo'llarni yuqoriga siltab, o'yinchi yuqoriga sakraydi. Bir oyoq depsinib sakrash kamdan kam qo'llaniladi (26-rasm).



25-rasm.




26-rasm.

To‘pni o‘yinga kiritish. To‘pni o‘yinga kiritish muhim texnik usul hisoblanib, nafaqat o‘yin boshlashga va ochkonи yutib olishga imkon beradi.

To‘pni o‘yinga kiritish pastdan va yuqoridan, shuningdek, to‘g‘ri va yonbosh turib to‘pni o‘yinga kiritishga bo‘linadi. Ko‘pchilik o‘yinchilar to‘pni o‘yinga kiritishda aylantirish va aylantirmsandan bajaradilar. To‘pning uchish tezligi uning qanday uzatilishiga bog‘liq. Pastdan uzatganda to‘p sekin uchadi, yuqoridan esa tez uchadi.


Pastdan to‘pni o‘yinga kiritish. To‘pni o‘yinga kiritishni bajarishda, o‘yinchи to‘rga yuz bilan turishi eng qulay holat hisoblanadi. Oyoqlar yelka kengligida va biroz bukilgan holda qо‘yiladi. Bitta oyoq maydonchada oldinga qо‘yilgan. To‘p tirsakdan bukilgan qо‘lda bo‘lib, taxminan bel balandligida bo‘ladi. Zarba beruvchi qо‘l siltash uchun orqaga uzatiladi, so‘ngra yuqoriga otilgan to‘p pasayishi vaqtida past-orqa tomoniga zarba beriladi. Zarba berish vaqtida panjalar zichlashtirilgan, barmoqlar siqilgan. Gavda og‘irligi orqada turgan oyoqdan oldinda turgan oyoqqa o‘tkaziladi. To‘pning uchish yo‘nalishi va balandligi panjaning to‘pga qanday tegishiga bog‘liq bo‘ladi. To‘pni oshirishni musht bilan ham bajarish mumkin (27-rasm).



27-rasm.


Yonbosh turib to‘pni o‘yinga kiritish. To‘pni pastdan to‘g‘ri turib oshirishdan farqi shundaki, bunda o‘yinchи to‘rga yonbosh bilan turadi. To‘p chap qо‘lda bel balandligida ushlab turiladi. To‘pni 1 m balandlikka irg‘itib uruvchi o‘ng qо‘lni, to‘g‘ri ushlagan holda past-orqaga siltash uchun uzatiladi. Gavdani yengilgina burab, shu tomonga engashadi. Tananing og‘irligi o‘ng oyoqqa o‘tkaziladi. Zarbani to‘pning past-old tomoniga uriladi (28-rasm).

Tepadan to‘pni o‘yinga kiritish. O‘yinchи to‘pni tepadan o‘yinga kiritishdan oldin yuz bilan to‘rga qarab turadi. Oyoqlarni yon tomonga ochib, biroz bukib turadi. To‘pni yuqoriga irg‘itadi va bir




28-rasm.

vaqtning o‘zida o‘ng qo‘lni siltab to‘pning pasayish vaqtida, imkon boricha eng yuqori nuqtasiga zarba beriladi. To‘pga zarba beruvchi kuchni oshirish uchun zarba beruvchi qo‘lni kattaroq amplitudada yozish kerak (29-rasm).



29-rasm.

Yonbosh turib to‘pni o‘yinga kiritishda to‘pni yuqoriga chap qo‘l bilan 1,5 m balandlikka irg‘itish vaqtida o‘yinchi tana og‘irligini o‘ng oyoqqa o‘tqazadi va o‘ng qo‘lni past-orqaga uzatadi, gavda esa qo‘lni siltash tomonga qarab egiladi. To‘pni pasayish vaqtida, gavda va oyoqni rostlash boshlanadi, shuningdek, to‘p bilan eng yuqori nuqtasida uchrashish uchun o‘ng qo‘lni yuqoriga to‘g‘ri yoy bo‘ylab keskin harakatlantiriladi. Chap qo‘l pastga tushiriladi. To‘pni oshirishda yelka kamarining yuqorisi va qo‘l mushagi mos harakatlarni bajaradi, bu esa katta kuch bilan to‘pga zarba berishga imkon beradi. To‘pni qabul qilib olishni qiyinlashtirish maqsadida, to‘pni oshirish aylantirish bilan bajariladi. Aylanma harakat to‘pni



30-rasm.

markaziy nuqtasidan sirpantirib zarba berish hisobiga vujudga keladi. Bu sirpantirish chapga, yuqoriga va pastga bo'lishi mumkin. Ana shunga bog'liq holda to'p vertikal yoki gorizontal o'q atrofida aylanishi mumkin.


To'pni aylanish bilan oshirishdan tashqari, ko'p jamoalarning o'yinchilari to'pni oshirishni aylantirmsadan oddiy «uchuvchi» usulidan keng foydalanadi. To'pni aylantirmsadan bajarish texnikasi bo'yicha to'pni yuqoridan to'g'ri va yonbosh turib oshirishga o'xhash bo'ladi. Texnikasini bajarishning asosiy farqi, zarba berish qo'lni qisqa siltash orqali amalga oshiriladi (30-rasm). Aylantirmsadan to'pni oshirishda zarba berish (vektor kuchi) yo'nalishi to'pning og'irlik markazi orqali o'tadi. To'pni aylantirmsadan oshirishdan maqsad, uni to'r orqasidagi mo'ljallangan joyga tushirishdir.

To'pni uzatish

To'pni uzatish voleybol o'yinining muhim texnikasi hisoblanadi. Hujumda bir yoki ikki qo'llab to'pni uzatishdan to'liq foydalanish hisobiga samaradorlikka erishiladi. Tepadan to'pni uzatish hujumkor zarbalarни o'tkazishda hammadan ko'ra yaxshi natija beradi. Bularga eng avvalo turgan holatdan to'pni uzatish va sakrab to'pni uzatish kiradi.

Tepadan to'pni uzatish. Ko'proq tayanch holatda, o'rta, yuqoritik turish holatida, shuningdek, sakrash bilan bajariladi. Turish holatini tanlash to'pning uchish tezligi va trayektoriyasiga qarab aniqlanadi. To'pning uchish trayektoriyasi qancha past bo'lsa, tezligi shuncha katta bo'ladi (31-rasm).

O'rtacha turish holatidan to'pni uzatishga tayyorgarlik ko'rishda, o'yinchi tana og'irligini ikkala oyoq kafti yuziga bir tekisda taqsimlash bilan ikki oyoqni biroz bukkan holda turadi. Biroz oldinga engashgan bo'ladi, qo'llarni tirsakdan bukkan holatda to'pni yuzi balandligida qarshi oladi. To'pni uzatish oyoq, tana va qo'lni ketma-ket



31-rasm.

to‘g‘rilash hisobiga bajariladi. To‘pning yo‘nalishi, balandligi, tezligi va aniq uzatishga barmoqlarning yakuniy faol harakatlari orqali erishiladi.

Sakrab to‘pni yuqoridan uzatish. Asosan bu usuldan hujumni tezlatish va chalg‘itish uchun qo‘llaniladi. Sakrab to‘pni uzatishda o‘yinchining boshlang‘ich harakati hujum zarbasidagi harakati bilan o‘xhash bo‘ladi. Sakrab to‘pni uzatishi tez-tez hujum zarbasini berishni taqlid qilish bilan birga qo‘sib olib boriladi. O‘yinchi yugurib keladi, sakraydi va zarba berish uchun qo‘lni siltaydi, biroq oxirgi paytda to‘pni sherigiga uzatadi. Bunday to‘pni uzatishni orqaga uzatish yoki yashirin uzatish deb aytildi. Raqib uchun kutilmagan yashirin kombinatsiyani amalga oshirishda to‘pni uzatish har xil yo‘nalishda, turli balandlik va tezlikda bajariladi.

To‘pni yashirin uzatishning bir turi to‘pni orqaga uzatish hisoblanadi. Tayanib turgan holatdan to‘pni uzatish bilan taqqoslaganda bunday to‘p uzatishda bilak va barmoq ko‘proq yuqori holatda turadi. Qo‘l bilan to‘pga zarba berilganda bosh va yelka yengilgina orqaga engashtiriladi.

Zarba berish. Hujum qilishning asosiy vositasi hisoblanadi. To‘pni o‘yinga kiritish yoki ochko olish uchun kombinatsiyani yakunlash maqsadida bajariladi.

To‘g‘ri zarba berish. 3–4 m masofadan yugurib kelish bilan bajariladi. Ayniqsa, to‘rga nisbatan taxminan 45° – 50° burchak ostida yugurib kelish qulay bo‘ladi. Yugurib kelish ikki oyoqda depsinib ko‘tarilish va to‘g‘ri qo‘lni oldinga-yuqoriga faol harakatlantirish bilan tugallanadi. Zarba beruvchi qo‘l tirsakdan bukilib, keyin to‘g‘rlanadi va keskin harakat bilan to‘pga yo‘naltiriladi. Dastlab

bilak chiqariladi, keyin esa panja yoziladi. Qo'l panjası to'g'ri taranglashtirib to'pni past-old tomoniga zarba beradi. O'yinchi to'pga zarba berishgacha uchish yo'nalishini to'g'ri baholab va to'g'ri qaror qabul qilishi kerak. O'yinchi zarba bergandan keyin oyoqlarni bukib yumshoq qo'nadi.

O'tkazish bilan to'g'ri zarba berish. Bu usuldan raqibga to'siq qo'yilganda qo'llaniladi. O'tkazish bilan zarba berish texnikasini bajarish to'g'ri zarba berishga o'xhash bo'ladi. Farqi shundan iboratki, o'yinchi zarba berish paytida bilak va panjani keskin harakatlantirib to'pni uchish yo'nalishini o'zgartiradi.

Yonbosh turib zarba berish. Bu zarbani bajarish uchun o'yinchi sakrashdan oldin to'rga yon tomoni bilan turadi. Oyoqlarini parallel qo'yadi,depsingandan keyin qo'l yuqoriga, taxminan yelka balandligida ko'tariladi. Shu payt zarba beruvchi qo'l siltash uchun past-yon tomonga tushiriladi. Siltash gavdani beldan bukib va burilish bilan davom etadi.

Yonbosh turib zarba berish, shuningdek, to'pni o'tkazish bilan ham bajarilishi mumkin. Yuqori malakali basketbolchilar yonbosh turib zarba berishda panjani yozish bilan bir vaqtida gavdani burishni birga qo'shib bajarishadi (35—36-rasmlardan foydalaning).

Himoyada o'yin texnikasi


Keyingi vaqtida himoyada o'yin texnikasi birmuncha yaxshilandı, nisbatan juz'iy bir holni o'yinda to'pning o'rtacha uchish vaqtı 5—6 sekunddan to 7—9 sekundgacha oshganligini ko'rsatadi. Himoyadagi ilg'or texnik usul to'siq qo'yish bo'lib, u hozirgi vaqtida himoya vositasidan hujum vositasiga aylanib bormoqda. Lekin baribir to'siq qo'yish va to'pni qabul qilish himoyaning asosiy vositalari bo'lib qoladi.

To'siq qo'yish

Raqibning zarba berishiga to'siq qo'yishi birinchi himoya harakati hisoblanadi. To'siq qo'yishning ikki turi mavjud: harakat qilmaydigan (zonali) va tez harakat qiladigan. To'siq qo'yishni yakka va ko'pchilik (guruqli) bo'lib qo'yishga bo'lish mumkin. Ko'pchilik (guruqli) bo'lib to'siq qo'yish ko'proq samaradorlikni ta'minlaydi. To'siq qo'yish texnikasi quyidagilardan iborat bo'ladi: to'siq qo'yish joyiga siljish, sakrash, qo'lni qo'yish va qo'nish. Siljish

yonlama qadam tashlash bilan bajariladi. Depsinish joyini aniqlab olingandan keyin, sakrashga tayyorgarlik ko'rib, to'siq qo'yuvchi qo'l va oyog'ini bukadi. Ikki oyoqda depsingandan keyin, o'yinchil qisqa yo'l bilan qo'lni tepaga cho'zadi, agarda talab qilinsa to'r ustidan o'tkazadi, to'pni qaytaradi yoki uni bosadi. O'yinchil to'siq qo'yishdan keyin oyoq uchiga qo'nadi, keyinchalik to'liq oyoq yuziga o'tiladi (32-rasm).

Ikki va uch kishilik to'siq qo'yishda o'yinchilar bir-birlarini tushungan holda sinxron harakat qilishlari kerak.




32-rasm.

To'pni qabul qilish

To'pni qabul qilish himoyaning asosiy vositasi hisoblanadi. Keyingi barcha harakatlar muvaffaqiyati shu usul sifatiga bog'liq. To'pni qabul qilish to'pni uzatish bilan chambarchas bog'liq, chunki shu harakatning o'zi bilan qarshi hujum boshlash kerak. To'pni qabul qilish ko'pincha murakkab sharoitda bajariladi, bu esa zarba berish va to'pni o'yinga kiritishning bir-biriga bog'liqligi oshganligidadir. Tepadan to'pni uzatish bilan bir qatorda keyingi paytlarda himoyada pastdan uzatishdan keng foydalaniilmoxda.

Ikki qo'llab to'pni pastdan uzatish ko'pchilik holatda zarba berish va to'pni o'yinga kiritishda qo'llaniladi. Dastlabki siljishdan keyin to'pga tashlanish bilan bir vaqtida qo'lni to'g'ri oldinga-pastga cho'ziladi. O'yinchining gavdasi oldinga egiladi. Gavdaning egilish burchagi va qo'lni oldinga cho'zish to'pning uchish joyi va balandligiga bog'liq. To'p bilaklarni bir-biriga yaqinlashtirib, kaft bo'g'inlariga yaqin bo'lgan ichki qismi bilan qabul qilinadi. Bunda barmoqlar birlashtiriladi va pastga tushiradi (33-rasm).

Qo'llar mustahkam birlashtirilishi shart. Odatda zarba o'yinchil oldida bajariladi. Agarda to'p o'ng yoki chaproqdan kelsa, unda



33-rasm.

uchish yo‘nalishiga qarab harakatni bajarish kerak bo‘ladi. Qo‘l panjasи va bilak to‘p tomonga qarab buriladi (chapga-pastga yoki o‘ngga-pastga).

Zarba berish texnikasini bajarishni ikki usulga ajratiladi. To‘pning kuchli uchishida zarba berish harakati qo‘llarni qarshi harakatlantirmay bajariladi. Qo‘llar yelka bo‘g‘inida mustahkamlanib, faqatgina to‘pga qo‘llar qo‘yiladi. Agarda to‘p sekin uchish tezligiga ega bo‘lsa, unda qo‘llar faol harakatlantirishda davom ettiriladi. Barcha holatlarda qo‘l panjalarini iloji boricha yaqinroq ushslash kerak, chunki bu ikki marta zarba berish va xato oshirishdan saqlaydi. To‘pni qabul qilgach, uni zonaga — ijro etuvchi o‘yinchiga to‘g‘ri uzatish kerak. Bu keyingi to‘p uzatish sifati yaxshi bo‘lishiga imkon beradi.

To‘pni bir qo‘llab pastdan uzatish. To‘pning uchish yo‘nalishini aniqlab, o‘yinchi tez siljiydi va to‘pni qarshi olish uchun oldinga tashlanadi. Shu bilan bir vaqtning o‘zida to‘pni tagiga qo‘yiladigan zarba beruvchi qo‘l harakatlantiriladi. Gavda esa yaqinlashib kelayotgan to‘p tomon engashtiriladi. Agarda to‘p o‘yinchidan boshqa tomonga uchayotgan bo‘lsa, unda o‘yinchi shu tomonga tashlanadi. Zarba berish harakati qo‘lni qarshi harakatlantirish hisobiga bajariladi. To‘pga zarba pastdan panja yoki taranglashgan qo‘l mushti orqali beriladi.

To‘pni qabul qilishda quyidagi usullar ham qo‘llaniladi: to‘pni pastdan uzatish bilan yonbosh yoki orqaga dumalash; ko‘krakda sirg‘alish bilan to‘pni pastdan uzatish; orqaga yiqilish bilan tepadan uzatish va hokazo.

O‘yin taktikasi

Voleybol o‘yini davomida turli-tuman taktik harakatlar va kombinatsiyalar bajariladi. Voleybolchilar taktik vazifani hal etish

uchun yakkama-yakka, guruhli va jamoaviy taktik harakatlar qo'llaydi. Bu taktik harakatlar hujumda taktik o'yin va himoyada taktik o'yinlarga bo'linadi.

Hujumda taktik o'yin. Hujumda faqat faol harakat o'yin tashabbuskorligini egallashga va muvaffaqiyatga erishishga imkon beradi. Hujumdag'i bosh maqsad – raqib tomoniga to'pni shunday oshirish kerakki, ular to'pni qabul qilolmasin.

Yakkama-yakka harakat. Hujumdag'i yakkama-yakka taktik harakatlarga voleybolchilarning to'psiz va to'p bilan bajaradigan barcha harakatlari kiradi.

Joy tanlash. Asosiy taktik harakat — joy tanlash. Ikkinchisi uzatish uchun dastlabki holatni qabul qilish va zarba berish hisoblanadi. Shuningdek, to'pni o'yinga kiritish, uzatish va zarba berishni maqsadga muvofiq qo'llash kerak. Zamona viy voleybolda ikkinchi uzatish uchun o'ynovchi o'yinchining to'pni qabul qilishi muhim ahamiyatga ega. Zarba berish uchun joyni tanlash, shuningdek, hujum qilish zonasida tayyorgarlik holatiga o'tish uchun siljish harakati bajariladi.

Siljish xarakterini yugurib kelish va zarba berish uchun sakrash joyini ko'pincha hujumchi hal etadi. Masalan, agar hujum ikkinchi uzatish bilan olib boriladigan bo'lsa, unda hujumchi zarba berish uchun maydonni eniga (to'rdan 4–5 m masofada) maksimal yugurib kelishdan foydalanib hujum qiladi. Birinchi uzatishdan hujum qilishda (to'g'ri zarba berishga) 2- va 4-zonada hujumchi o'yinchilar yoki chiziqdicha to'rga yaqin joylashadilar. O'yinchi to'pni qabul qilib olgandan keyin ular qo'shimcha siljishi bajaradilar (tez-tez yon chiziq orqasida). Odadta 3-zona o'yinchisi maydon o'rtasida joylashadi, biroq u oldinga, o'ngga va chagpa siljishi mumkin, 3-zona o'yinchisining siljishi hujumda kutilmagan xavf tug'ilishi va asosiy hujumchilardan to'siq qo'yuvchilarni chalg'itishi mumkin.

To'pni o'yinga kiritish taktikasi

To'p uzatuvchi o'yinchining taktikasi to'pni o'yinga kiritish usulini tanlashdan boshlanadi. O'yinchi to'pni aniq o'yinga kiritishi va kuch hisobiga usulni qiyinlashtirib, ochko yutib olishga harakat qilishi kerak. Buning uchun raqibni kuchli va zaif tomonlari aniqlanadi. Agarda raqib hujumda orqa chiziqdagi o'yinchi to'r oldiga chiqishi bilan to'pni uzatish o'yin sistemasidan foydalansa, unda

to‘pni o‘yinga kiritishda aynan orqa chiziqdagi zonaga yo‘naltirish maqsadga muvofiq bo‘ladi.

Agarda raqib kuchli uzatilgan to‘pni qabul qilish uchun maydon markazidan orqaga chekinsa, unda to‘pni o‘yinga kiritish «qisqartiriladi» va to‘p hujum chizig‘iga yo‘naltiriladi. Agarda raqib kombinatsiyali o‘yinni qo‘llasa yoki birinchi uzatish bilan hujum qilsa, bunda to‘p uzatish kuchli va aniq o‘yinga kiritish bilan birga qo‘sib olib boriladi. Shu bilan bir vaqtida unutmaslik kerakki, ayniqsa, o‘yinni hal qiluvchi paytda, to‘pni o‘yinga kiritishni yo‘qotish, jamoaga psixologik jihatdan zarar keltirishi mumkin.


To‘pni uzatish taktikasi

To‘pni birinchi va ikkinchi uzatish sifati jamoaning mahoratini aniqlaydi. Tajriba qancha ko‘p bo‘lsa, to‘p oshiruvchi uzatish usuli va yo‘nalishini shuncha tez va to‘g‘ri tanlaydi. O‘z jamoasi hujumchilarining va raqib to‘siq qo‘yuvchilarining imkoniyatlarini aniq baholash to‘p oshiruvchi o‘yinchining muhim sifatlaridan birdir.

O‘yin sistemasiga bog‘liq holda birinchi uzatish to‘p oshiruvchi o‘yinchiga yoki bordaniga hujumchiga yo‘llanadi, shunda qarshi hujum uyuştirish qiyinlashadi. Hujumchi to‘liq muvaffaqiyatga erishishini ta‘minlash uchun to‘p oshiruvchi o‘yinchi, albatta, tezligi va balandligi har xil uzatishlarni (baland, o‘rtalig‘i, past) amalga oshiradi.

Zarba berish

Hujumchining texnik mahorati qancha yuqori bo‘lsa, har xil o‘yin holatlaridan kelib chiqadigan texnik vazifani shuncha yengil hal etishi mumkin. Hujumchi zarba berish yo‘nalishi va kuchini o‘zgartirishni bilishi kerak. Zarba berish usuli va hujum yo‘nalishini tanlash aniq o‘yin holatiga, raqiblarning himoyada joylashishi va to‘siq qo‘yuvchi o‘yinchilarning joylashishiga bog‘liq bo‘ladi. Chet zonalardagi harakat (4 va 2), to‘r o‘rtasidagi 3-zona hujum bilan birga qo‘sib olib borish maqsadga muvofiq. Maksimal kuch bilan zarba berish (yurish bo‘ylab) – «Chiziq bo‘ylab va qiyishiyo‘nalishda» (4-zonadan 4-zona bo‘ylab, 2-zonadan 2-zona bo‘ylab) zarba bilan birga qo‘sib olib borish samaralidir (34-rasm).




34-rasm.

To'r chetiga hujum qilishning samarali vositasi «to'siqqa tegib chiziqdan tashqariga chiqish» zarbasi hisoblanadi. To'r markazidagi harakatda hujumchilar tez-tez to'siqni aylanib o'tishni aldamchi harakat bilan almashlab boradi.

Voleybol o'yin qoidasi va maydon o'lchamlari

Voleybol o'yin maydonining o'lchami 18×9 m bo'lib to'rning balandligi har xil yoshdagilar uchun quyidagicha bo'ladi: qizlar uchun 220, ayollar uchun 224, o'smirlar uchun 240, erkaklar uchun 243 sm.


To'rning uzunligi 10 m, eni 1 metr. To'rning har bir kataklari 10×10 sm bo'ladi. Yon chiziqning yuqori qismini belgilab turuvchi antenaning uzunligi 1 m 80 sm, ya'ni to'rning yuqori qismidan 80 sm balandlikda bo'lishi kerak (89-a, b rasmlar).



35-rasm. Voleybol o'yini texnikasi.

Voleybol o'yinida har bir jamoada 6 tadan o'yinchilarni tarkibda maydonga tushadi. O'yin 5 ta bo'limdan iborat bo'lib, 1,2,3,4 bo'limlar 25 ochkogacha o'ynaladi, oxirgi 5-bo'lim 15 ochkogacha

Voleybol o'yini texnikasi



bo'ladi. Agar o'yin teng kurashlar ostida o'tsa, u holda u yoki bu jamoa 2 ta ochko farqi bilan bo'limni yutishi kerak, ya'ni quyidagicha: 24-26, 25-27, 26-28 va hokazo.

O'yinni yutish quyidagicha hisobda bo'lishi mumkin: 3-0, 3-1, 3-2. O'yinda to'pga 3 marta tegish mumkin, 3-tegishda raqib jamoa tomonga to'r ustidan o'tkazib yuborish kerak. Agarda raqib jamoasi hujum qilganda yoki to'r ustida sakrab to'siq qo'yishdagi to'pga tegish hisoblanmaydi, bu urinishdan keyin yana 3 ta to'pga tegish mumkin.

To'pni o'yinga kiritishni maydon orqa chizig'ining xohlagan joyida bajarish mumkin. To'pni o'yinga kiritish uchun 1 marta urinish beriladi va 8 sekund mobaynida to'pni o'yinga kiritish kerak bo'ladi.

To'pni kiritishda orqa chizig'ini bosish xato hisoblanmaydi. To'pni qabul qilishda quyidagi xarakter xato hisoblanadi:

– to'pni qabul qilishda to'p barmoqlarda ma'lum vaqt ushlanib qolsa;

– bitta o'yinchchi ketma-ket ikki marta to'pga tegsa.

To'pni uzatishdagi xatolar quyidagicha bo'ladi:

– to'pni qabul qilishda to'pga ikkala qo'l barmoqlari barobar tegmasa.

Hujum qilishdagi xatolar quyidagicha bo'ladi:

– sakrab to'pga zarba bera turib to'rga tegsa;

– himoya chizig'ida turib sakrash vaqtida hujum chizig'ini bossa;

– to'pga zarba bergandan keyin to'p maydonga tushmasdan oldin markaziy chiziqdandan o'tib ketsa yoki to'rga tegsa.

To'siq qo'yishdagi xatolar:

– to'siq qo'yish vaqtida to'rga tegsa;

– markaziy chiziqdandan o'tib ketsa;

– himoya zonasidan kelib to'siq qo'ysa;

– zarba berayotgan o'yinchidan oldin to'pga tegsa.

Libero o'yinchisining sport formasi jamoasidagi boshqa o'yinchilarning formasidan rangi bilan ajralib turishi kerak. Ushbu o'yinchchi 1,6,5 zonalardagi o'yinchilarga almashishi mumkin. Libero o'yinchchi himoya o'yinchisi hisoblanib, o'yinchilarga almashishi cheksiz bo'ladi.

Almashishda maydonga kirib chiqqandan keyin yana boshqa o'yinchiga almashish uchun u yoki bu jamoa bitta ochko olgandan keyin kirishi mumkin.

Libero – to'pni o'yinga kiritish, hujum qilish, oldi chiziqqa, ya'ni hujum chizig'iga o'tib to'pni hujumchiga uzatishi, to'siq qo'yishi taqiqlanadi.



N a z a r i y

1. Voleybol o'yini qayerda va qachon o'ylab topilgan?
2. Voleybol o'yini necha bo'limdan iborat?
3. To'pni o'yinga kiritishning necha usuli bor?
4. Voleybol o'yini qanday sifatlarni rivojlantiradi?
5. To'pni o'yinga kiritish uchun qancha vaqt beriladi?
6. Voleybol o'yinida, asosan, qanday kuch kerak bo'ladi?
7. To'pni qabul qilishning qanday usullari bor?
8. O'zbekistonda voleybol o'yini qachondan o'ynala boshlangan?
9. Libero o'yinchining vazifalarini aytib bering.
10. Voleybol maydonining o'lchamlarini aytib bering.
11. Voleybol to'rining o'lchamlari qanday bo'ladi?
12. To'rning balandligi o'smirlar va qizlar uchun qancha bo'ladi?
13. Voleybol to'pining aylanasi va og'irligi qancha bo'ladi?
14. O'zbekistondagi qanday voleybol jamoalarini bilasiz?
15. «Barkamol avlod» sport musobaqasiga voleybol turi kiritilganmi?

A m a l i y o t

1. Turgan joyida to'pni 1–1,5 metr balandlikka sakratib o'ynash.
2. 4–5 metr oralig'ida to'pni yuqorida bir-biriga uzatish.
3. 4–5 metr oralig'ida to'pni pastdan bir-biriga uzatish.
4. To'pni xohlagan usulda 1, 6, 5-zonalardan aniq o'yinga kiritish.

III bo'lim. GANDBOL (QO'L TO'PI)

Gandbol (qo'l to'pi) o'yinining paydo bo'lishi va ommalashishi

Qo'l to'piga 1898-yilda asos solingan. Daniyaning Ordrupe shahridagi gimnaziyalardan birining o'qituvchisi Xolger Nilson futboldan farq qiladigan, qizlar uchun ham mos keladigan o'yinni yaratdi. To'pni uzatish va otish qo'l bilan bajarilishini taklif qiladi va bu o'yinga «Handbol» deb nom berdi.

Bu o'yin katta futbol maydonida o'ynalib, bu o'yinchilardan katta jismoniy tayyorgarlik talab qilardi. O'yinda 10 ta o'yinchi va 1 ta darvozabon ishtirok etardi. Bir paytning o'zida 11:11 va 7:7 o'yin variantlarida o'ynaladi. 1904-yilda birinchi bo'lib Daniya gandbol federatsiyasi tashkil topdi. 1906-yili Kopengagen shahrida gandbol o'yinining dastlabki qoidalari nashr etildi. Ushbu qoidalar muallifi ham X. Nilson edi. Gandbol o'yini tezda butun jahonga tarqab ketdi. Yevropa mamlakatlari gandbol rivojlanishi natijasida 1928-yilda Butunjahon gandbol havaskorlari federatsiyasi tashkil topdi va shu yili Pragada xotin-qizlar o'rtasida turnir o'tkazildi.

1934-yilda gandbolning xalqaro musobaqa qoidalari ishlab chiqildi.

1936-yilda o'tkazilgan olimpiada o'yinlarida gandbol o'yinining 11: 11 varianti bo'yicha musobaqa o'tkazildi. 1938-yili bir paytning o'zida Germaniyada 11:11 va 7:7 variantlari bo'yicha musobaqa uyushtirildi. 1950-yildan boshlab gandbolning 7:7 variantlari bo'yicha musobaqalar o'tkaziladi. Gandbol bo'yicha erkaklar o'rtasida I-jahon championati 1970-yilda o'tkazilgan bo'lib, unda Ruminiya sportchilari g'olib chiqishdi. Ayollar o'rtasida I jahon championati 1971-yilda o'tkazilgan bo'lib, GDR terma jamoasi birinchi o'rinni egalladi.

1972-yil Myunxenda o'tkazilgan XX olimpiada o'yinlarida erkaklar o'rtasidagi gandbol musobaqasi dasturga kiritildi. 1976-yilda o'tkazilgan Montreal olimpiadasida ayollar o'rtasidagi gandbol musobaqasi ham dasturdan o'rinni oldi.

Hozirgi kunda Xalqaro gandbol federatsiyasiga 123 davlat a'zo bo'lib, jami 7 milliondan ortiq kishi qo'l to'pi bilan shug'ullanadi. Shu jumladan, 200 mingdan ziyod shug'ullanuvchi mamlakatimizdagи gandbolchilardir.

O'zbekistonda gandbolning rivojlanishi

Respublikamizda qo'l to'pi o'yini 1930-yillarda rivojlana boshladi. 1938-yilda respublikamizda gandbol bo'yicha birinchi championat o'tkazildi. Qo'l to'pining 11:11 varianti bo'yicha 1960-yilgacha Toshkentda harbiy kursantlar o'rtasida musobaqalar o'tkazildi. 1960-yilda O'zbekiston Davlat jismoniy tarbiya institutida gandbol bo'limi ochildi. 1960-yilda Toshkent shahar birinchiligi o'tkazildi. Bu musobaqaga 16–20 ta jamoa qatnashdi. O'zbekiston gandbolchilari 1960-yildan mamlakat championatida qatnasha boshladi. 1962-yilda o'tkazigan 2-championatda O'zbekiston erkaklar terma jamoasi muvaffaqiyatli qatnashib oliv ligaga yo'llanmani qo'lga kiritdi. O'zbekiston gandbolchilari 1970–80-yillarda yuqori natijalarga erishdi. Olyi liga jamoalari o'rtasida o'tkazilgan championatda o'zbekistonliklar oltinchi o'rinni egalladilar. Talabalar o'rtasida o'tkazilgan musobaqalarda UzDJTI jamoasi uch karra g'oliblik supasiga ko'tarildi. 1975- va 1983-yillarda o'tkazilgan spartakiadalarida O'zbekiston qizlar terma jamoasi kuchli otilikdan o'rin oldi.

O'zbekiston mustaqillikka erishgandan so'ng, 1992-yilda gandbol federatsiyasi tashkil etildi, 1993-yilda Xalqaro va Osiyo federatsiyalariga a'zo bo'ldi. 1994–1996-yillarda Markaziy Osiyo davlatlari klublari o'rtasida o'tkazilgan championatda gandbolchi qizlarimiz 1-o'rinni egalladilar. 1997-yil respublikamiz qizlar jamoasi Iordaniyada o'tkazilgan Osiyo championatida qatnashib, birinchi marta jahon championatida qatnashish huquqiga ega bo'ldilar. 1997-yilning dekabr oyida Germaniyada o'tkazilgan jahon championatida O'zbekiston gandbolchilari Xitoy, Braziliya va Urugvay jamoalarini mag'lubiyatga uchratdi. Bu muvaffaqiyatlarga erishishda murabbiylar Valeriy Tyugay, Shoislom Pavlov va Ferdus Abdurahmonovlarning xizmatlari kattadir.

Gandbol o'yin qoidasi va maydon o'lchami

Gandbol o'yining afzalliklaridan biri uning oddiyligidir. Bu o'yinni zalda va ochiq havoda tashkil etish mumkin. Ochiq havoda yer yuziga asfalt yoki chim yotqizilgan bo'lishi kerak. O'yin

maydonining o'lchami 40x20 metr, darvozalar o'lchami 2x3 metr. O'yin maydonida: maydon chegaralari, maydon o'rtasida chiziq va darvozalar oldida 6 metrlik yarim aylanalar chiziladi (90-rasm). Qo'l to'pi o'yini texnikasi ham oddiy va oson: maydon bo'ylab qadamlab va yugurib harakatlanish, to'pni bir-biriga uzatish, to'pni qo'l bilan darvozaga otish. O'yin maydon markazidan ixtiyoriy yo'nalishda to'pni otish yoki uzatib berish bilan boshlanadi. To'p darvozaga kiritilgandan so'ng o'yin yana markazdan boshlanadi. O'yinchilar to'pni bir-biriga bir yoki ikki qo'llab uzatadi. To'p faqat bir qo'llab olib yuriladi. To'pni olib yurish, uzatish yoki darvozaga otish uzatib berish bilan yakunlanadi. O'yinchi to'pni olib yurishdan so'ng ushlab olsa, u to'pni shergiga uzatishga yoki darvozaga otishga majbur. Qo'lda to'p bilan uch qadamdan ortiq yurilmaydi. To'pni qo'lda 3 soniyadan ortiq ushlab turilmaydi.

O'yinchi tomonidan darvozaga to'p otish darvozabon maydonchasiga kirmasdan bajariladi. Darvozabon to'pni barcha usullarda, qo'ldan tashqari oyoq bilan ham qaytarishga haqli. Agar to'p himoyalovchi jamoa o'yinchisidan maydon tashqarisiga chiqib ketsa, yon chiziqdan yoki burchakdan to'p o'yinga kiritiladi. Qoidabuzarlik ro'y bergen joydan erkin to'p belgilanadi. Hujum vaqtida hujumchiga qarshi himoyachi darvoza chizig'i oldida qo'polik qilsa, ya'ni to'pni uloqtirayotganda uni ushlab qolsa, turtib yuborsa, chalsa 7 metrlik jarima to'pi belgilanadi.

O'yinda raqib to'pni mustahkam egallab turganda, raqibni ushlab olish, ushlab turish, tortish, urilish, itarish, oyog'ini chalish, darvozabon maydonchasiga siqib qo'yish man etiladi. Qo'pol va sportga xos bo'limgan harakat qilib qoidani buzganlar 2 yoki 5 minutga maydondan chetlatiladi. Qaysidir o'yinchi 3 marta qoidabuzarlikka yo'l qo'ysa, o'yin oxirigacha maydondan chiqarib yuboriladi. Agar ikkala jamoa o'yinchilari bir vaqtida xatolikka yo'l qo'ysa yoki o'yin qandaydir sababga ko'ra to'xtatilgan bo'lsa, bahsli to'p tashlash belgilanadi.

Qo'l to'pi o'yinida 10 ta o'yinchi 2 ta darvozabon jamoani tashkil etadi. O'yin boshlanishida maydonga 6 ta o'yinchi va 1 darvozabon tushiriladi. Boshqa o'yinchilar maydondan tashqarida zaxirada bo'lib, jamoada o'yinchini almashtirish kerak bo'lganda maydondan chiqarilgan o'yinchi o'rniga maydonga tushiriladi. O'yinchini almashtirishda o'yin vaqtি to'xtatilmaydi.

O‘yin texnikasi

Hujum va himoya o‘yin texnikasi usullari ikki guruhdan iborat: hujumchilarning harakatlanishi (siljishi) va to‘pni olib yurish texnikasi; himoyachilarning harakatlanishi va qarshi harakat qilish texnikasi. To‘psiz bajariladigan o‘yin usullariga turish, yurish, yugurish, sakrash, to‘xtash va burilishlar kiradi. Bu usullar o‘yinchilarning kerakli yo‘nalishda baland tezlikda ishonchli harakatlanishiga xizmat qiladi. O‘yinchining turishidagi barqaror dastlabki holati hujum yoki himoyada tez va o‘z vaqtida harakatlanish imkonini beradi. Himoyachilar harakatlanishining o‘ziga xosligi – ular orqasi bilan oldinga va yonlamasiga yurishidir. Hujumchilar esa ko‘proq oldinga qarab yuguradi va harakatlanadi.


Hujumchining to‘pga egalik qilish texnikasi uzatish, ilish, olib yurish va uloqtirishlardan iborat. Himoyachining qarshi harakati to‘pni olib qo‘yish, o‘yinchini blokirovkalash (to‘sish), to‘pni urib yuborish, uloqtirish chog‘ida qo‘ldan yulib olishdan iborat. Himoya o‘yin texnikasiga darvozabonning turishi, (to‘pni ilish, qaytarish, o‘tkazishda) qo‘l va oyoqlar bilan o‘ynash, darvozada harakatlanish, uloqtirishda qarshi chiqishdan iborat o‘yini ham kiradi.

Texnik usullarning barchasini bajarish asosi harakatlar ratsionalligi va tejamkorligi, tezligi va aniqligi sanaladi. Bular tananing to‘g‘ri dastlabki holati, o‘yin usullarining alohida qismlarini ketma-ket va mos ravishda bajarish hisobiga amalga oshiriladi.

Hujum texnikasi

Harakatlanish texnikasi turish, yurish, yugurish, burilish, to‘xtash va sakrash turlaridan iborat (37-rasm).

Turishlar. Hujumchi bir oyog‘ini oldinga va oyoq kaftlarini bir chiziqqa qo‘yib turishi bilan farqlanadi. Oyoqlar yarim bukilgan, qo‘llar tirsakdan bukilgan va ko‘krak balandligida. Bosh baland ko‘tarilgan, o‘yinchı istalgan harakatlanishga yoki to‘p bilan harakatga tayyor. O‘yinchı oyoq kafti yuzasini parallel qo‘yib turadi, chunki u vaziyatga qarab har xil tomonga harakatlanishi mumkin. O‘yin kombinatsiyalarini bajarish va oldinga harakatlanishda bir oyoqni oldinga qo‘yib turish maqsadga muvofiq. Bu turli yo‘nalishda tez yugurish imkonini yaratadi.



38-rasm. Hujum texnikasining klassifikatsiyasi.

Yurish. Yarim bukilgan oyoqlarda harakatlanish dastlab yurish orqali egallanadi. Yurish va uning turlari o'yinchilarning keyingi harakatlanishiga asos bo'lib xizmat qiladi. O'yin paytida egilib, cho'qqayib, oyoq uchida, tovonda, oyoq kafti yonida yurish qo'llaniladi.

Yugurish. Egilib yugurish tezlik va harakat yo'nalishini o'zgartirish uchun dastlabki holat va harakat asosi sanaladi. Egilib yugurishning barqaror holati muvozanatni yo'qotmasdan orqamachasiga va yonlamasiga harakatlanish, yugurish turlarini almashtirish, ularni to'xtash va sakrash bilan bajarishga imkon

beradi. Harakat tezligi, asosan, qo'llar va oyoqlar harakatini o'zgartirish hisobiga bajariladi. Qadamlar kattaligi odatda o'zgartirilmaydi, chunki yugurish masofasi katta emas. Harakat yo'nalishini o'zgartirish gavdani burish va aylantirish, tana og'irligini burilish tomonga ko'chirish bilan amalga oshiriladi. Bu harakatlarni muvofiqlashtirib, tezlikni u qadar kamaytirmsandan ham harakat yo'nalishini o'zgartirsa bo'ladi. Yugurish turlari, to'xtash va burilishlar o'yinchi tayanchsiz holatda bo'lmasa, muvaffiqiyatli va o'z vaqtida bajarilishi mumkin. O'yin vaziyati o'zgarganda o'yinchi o'z vaqtida yo'nalishini o'zgartirib, zarur harakatlarni bajara oladi.

Burilishlar joyida va harakatlanib bajariladi. Og'irlik markazini kamaytirish, yanada pastroq turish hisobiga barqaror holatga erishiladi. Bunda gavda og'irligi, burilishni bajarayotgan oyoqqa o'tkaziladi. Joyida burilish gavdani burish va burilish tomonga kichik qadam tashlash bilan birga qo'shib bajariladi. Tayanch oyoq maydonchadan uzilmaydi. Joyida burilishni oldinga va orqaga to'xtash, to'pni olib yurish, uzatishlar bilan bajarilishi mumkin. Joyida burilishni o'rgatish bilan bir paytda tayanch holati tushunchasi beriladi, o'yinchining to'p bilan harakatlanish qoidalari tanishtiriladi. Harakatlanayotganda burilish orqa bilan oldinga katta qadam tashlash bilan amalga oshiriladi. Oldinda turgan oyoqda burilish gavdani aylantirish bilan bajariladi: yelka bilan oldinga harakat boshlanadi va uni oldinga surib, o'yinchi buriladi. Bosh harakati biroz oldinroq bajarilib, maydondagi vaziyat baholanadi. Bu chamalash hisobiga o'yinchi kerakli yo'nalishda tezlikni pasaytirmay harakatlana oladi. Harakatlanayotib burilish hisobiga hujumchi himoyachi ta'qibidan qutulishi, oldinga chiqishi va taktik vazifani bajarishi mumkin bo'ladi.

To'xtashlar ikki qadam tashlash yoki sakrash bilan bajariladi. Oyoqlarni bukib, o'yinchi inersiyasini pasaytiradi. Gavda harakatga qarshi tomonga og'diriladi. Ikki qadamda to'xtashda birinchi qadam birmuncha katta, ikkinchisi kichik, to'xtatuvchi bo'ladi. Sakrab to'xtash oyoqlarni bukish bilan bajariladi. Harakat tezligi qanchalik katta bo'lsa, oyoqlar to'xtashda shunchalik ko'p bukiladi. Qo'llar ko'krak balandligida, muvozanatni saqlagan holda to'pni tutish va boshqa harakatlarga shay turadi.


Sakrashlar bir oyoq bilan yoki ikkala oyoq bilan depsinib joyidan va harakatlanayotganda bajariladi. Yerga tushayotib o'yinchi muvozanatni saqlagan holda to'pni otishi va boshqa harakatlarni bajarishi zarur.

To‘pni egallab turish texnikasi

To‘pni egallab turish texnikasi to‘pni ilib olish, uzatish, olib yurish va uloqtirish (zarba)lardan iborat.

To‘pni ilib olish ikkala yoki bitta qo‘l bilan bajariladi. O‘yin davomida to‘pni turli tezlik va balandlikda tutib olishga to‘g‘ri keladi. To‘pni ilish qo‘l barmoqlarini yoyib bajariladi. Ularda egiluvchi harakat bajarilib, uzatish tezligini kamaytiriladi. Bir qo‘llab ilish kam bajariladi. O‘yinda bu usul ishonchli emas va ko‘proq mashqlarda qo‘llaniladi. Ilish qo‘lni egiluvchi harakati bilan bajarilib, uzatish kuchi kamaytiriladi va to‘p kaftga olinadi. Ilish bosh barmoqlar yordamida bajariladi.

To‘pni uzatish. Uzatishlar ikki qo‘llab yoki bir qo‘llab bajariladi. Bu uzatish uzunligi va raqibning qarshiligidagi bog‘liq. Uzatish ko‘proq bir qo‘llab bajariladi. To‘p ko‘pincha kaft bilan, bukilib yo to‘g‘ri qo‘l bilan uzatiladi. Yaqin masofaga to‘pni uzatishda kaftning qisqa harakati bilan oldindan silkinishsiz bajariladi (38—39-rasmlar).



38—39-rasmlar.

O‘yinchini to‘pni ikki qo‘llab bel balandligida tutadi. U to‘pni biror tomonga yoki uloqtirayotgan qo‘l kaftini aylantirib, qo‘l ostidan uzatishi mumkin. Kaft bilan uzatishdan oldin hech bir tayyorgarlik bajarilmaydi. Masofa kattalashgan sayin uzatish bukilgan qo‘l bilan bajariladi. Qo‘lni pastga va orqaga aylanma harakatlantirib o‘rta masofaga to‘p uzatiladi. Aylanish tirsak bo‘g‘inlarida bajariladi. Asta-sekin silkish tayyorlov harakati qisqarib boradi va uzatish yelkani biroz orqaga olish bilan bajariladi. Uzoq masofaga to‘pni uzatish to‘g‘ri uzatilgan qo‘l bilan bajariladi. Harakat gavdani burish va qo‘lni to‘g‘rilab orqaga-pastga olish bilan bajariladi. Uzatishda gavda mushaklari faol harakatlanadi. Gavdani uzatish tomonga burishda yelka va qo‘l biroz orqaga olinadi. Uzatish kaft harakati


bilan tugaydi. Uzatishning barcha turlarini bajarishda gavdaning harakatda qatnashuvchi qismlari ketma-ket to‘p uzatilayotgan yo‘nalishda harakatlanadi. Silkish qisqarishi hisobiga uzatish tezroq va raqib uchun kutilmagan bo‘ladi. Ko‘krak oldidan ikki qo‘llab uzatish to‘pni kaftlardan siqib chiqarish bilan bajariladi. Bu harakatlar keskin bajarilgani uchun to‘p katta tezlikda uchadi.

To‘pni olib yurish. To‘pni olib yurish, asosan, tez yorib o‘tishda, raqib darvozasigacha masofani tez o‘tish zarur bo‘lganda qo‘llanadi. Bu holda to‘pni baland sakratib tezroq olib yuriladi. To‘pni olib yurishda uning bir marta yerga tegishida uchta qadam qo‘yishga harakat qilish kerak. Olib yurish to‘pni bir qo‘llab maydonga itarish (urish) bilan bajariladi. To‘p kaft bilan pastga uriladi va pastki nuqtada sakrash chog‘ida kutib olinadi. Kaft va qo‘lning yuqori qismi harakatlanadi, oyoqlar bukiladi.

To‘pni otish bukilgan yoki to‘g‘ri uzatilgan qo‘l bilan turli dastlabki holatlardan bajariladi: yuqoridan, yondan, pastdan, bosh orqasidan. Gavda a‘zolari to‘pni ketma-ket quvib o‘tishi va gavda aylanishi, mushaklarning birgalikdagi harakati to‘pni otganda zarur tezlik va kuch beradi. To‘pni otish tayanch holatdan, sakrab, yiqilayotib va og‘ib borayotganda bajariladi.

Tayanch holatdan to‘pni otish. Joyida turib yoki harakatda to‘pni qabul qilib o‘yinchi to‘p ushlagan qo‘lini pastga va orqaga oladi, chap oyoqda qadam tashlash bilan bir paytda siltashni bajaradi. Zarba gavdani egish va burish hisobiga boshlanib, qo‘l harakati bilan tugaydi. To‘pni otish yelka va gavda burish hisobiga qo‘l oldinga harakatlantiriladi.

Sakrab to‘pni otish. Harakatlanayotib o‘yinchi to‘pni va to‘pni otayotgan qo‘l yelkasini orqaga oladi. Tepagadepsinib o‘yinchi to‘pni otadi, bunda son va gavda faol harakatlanadi. Barcha tayyorgarlik harakatlari yugurish paytida bajariladi. Sakraganda faqat zarba harakatlari bajariladi. Yerga depsingan oyoq bilan tushiladi (40-rasm).



40-rasm.


Yiqilib va og‘ib to‘pni otish. Himoyachidan qutulishga intilib, hujumchi yiqilishi va og‘ishi bilan zarba beradi. Bu harakatlar hisobiga u himoyachi ta‘qibidan qutuladi. Yiqilishlar oldinga va yonga bajariladi. Oldinga harakatlanish hisobiga hujumchi himoyachini quvib o‘tadi va yiqilayotib to‘pni otadi. Bu harakatda to‘p ikki qo‘lda tutiladi, hujumchi keskin oldga yoki yerga yiqilib himoyadan xalos bo‘lishi bilan zarba beradi. Zarbadan keyin o‘yinchi ikkala qo‘li bilan yerga tayanadi yoki to‘pni otayotgan qo‘l yelkasi tomonga umbaloq oshadi. Bu otish odatda chiziqdan yerga tushishi bilan darvozabon maydonchasida bajaradi. Gavda polga parallel egiladi, qo‘l ham og‘ish tomonga olinadi. Harakat son va gavda aylanishi bilan boshlanadi. Otish yiqilish va yelka osha umbaloq oshish bilan yakunlanadi.

Darvozabon maydoni ustidan to‘pni otish. To‘p darvozadan qaytgan yoki darvoza maydoniga uzatilgandan keyin to‘pni otish tayanchsiz holatdan ikkala yoki bitta qo‘llab bajariladi. Ikki qo‘llab otishni o‘yinchi to‘pni sakrab ilib olgandan keyin bajaradi. To‘pni ilib olgach, uni bitta qo‘lga olish va kaft qisqa harakati bilan to‘pni otish mumkin. To‘pni ilib olish imkon bo‘lmasa, u ikki qo‘llab darvozaga turtildi. To‘pni o‘nglash uchun vaqt kam bo‘lsa yoki himoyachi qarshilik qilsa, zarba bir qo‘llab qisqa turtish bilan ham bajarilishi mumkin. Otgandan keyin o‘yinchi darvozabon maydonchasiga yiqiladi. Barcha otishlar va ularning turlari maydondan sakratib bajarilishi mumkin (to‘p maydonga uriladi), bu darvozabonga to‘p yo‘nalishini topishda qiyinchilik tug‘diradi.

Yetti metrlik jarimani bajarish tayanch oyoq to‘pni qo‘ldan chiqarish vaziyatigacha yerdan uzmay bajariladi. Otish texnikasi qo‘lni faol siltash va gavda aylanishi bilan ajralib turadi, to‘pga kerakli kuch beradi. Yakunlovchi harakat to‘pga kerakli yo‘nalish beradi. Otish maydonchadan sakratib bajarilishi mumkin.

Harakatlarni birlashtirish va fintlar

Hujumchi o‘yinda turli usullarni chalg‘ituvchi harakatlar bilan almashtirib bajaradi. To‘p uzatish yoki otishga chog‘langan chalg‘ituvchi harakatlar bilan himoyachini muvozanatdan chiqarib, hujumchi undan xalos bo‘ladi va asosiy usullarni qarshiliksiz bajaradi. Bunday fintlar ishonarli qilib bajarilishi kerak. O‘yinchi turli usullarni o‘yin harakatida birlashtirishi mumkin. O‘yin harakati to‘pni o‘yinga kiritish yoki darvozani ishg‘ol qilishga




41-rasm.

qaratilgan aniq vazifani hal qiladi. To‘pni uch qadam olib yurib sherigiga uzatib qaytib olinsa, bu yana uch qadam tashlash imkonini beradi. Harakatlar birikishi fintlar bilan birga bajarilsa yanada muvaffaqiyatli bo‘ladi.


Fintlar to‘pni uzatish, ta‘qibdan ochish va otish bilan bajariladi. Ular turli birikishlarda bajarilishi va shu harakatlardan biri bilan tugashi mumkin. Masalan, uzatishda fint bajarib, to‘pni olib yurish bilan biror tomonga ketishi, boshqa tomonga to‘p uzatishi yoki uch qadamdan keyin to‘p uzatishi mumkin. O‘yinchining turishi, to‘pni qo‘lda ushslash holati va harakatlarni bajarishi uchun qulay bo‘lishi kerak.

To‘p uzatishda fint joydan yoki harakatlanayotganda bajariladi. O‘ng qo‘l bilan to‘p uzatish uchun o‘yinchi fint ishlatib, to‘pni chap qo‘liga oladi. U boshqa tomonga to‘p uzatishi yoki to‘pni himoyachidan gavdasi bilan to‘sib qolishi mumkin.

To‘pni otishda, harakatlanayotganda fint bajariladi. To‘pni olib yurgan o‘yinchi otishga chog‘lanadi, keyin harakat yo‘nalishini birdan o‘zgartirib, himoyachidan ochadi. Harakat to‘p uzatish



42-rasm.




43-rasm.

yoki zarba bilan tugaydi. Zarba berishga chog'langach, o'yinchi to'pni boshqa qo'liga olishi va harakat yo'nalishini o'zgartirib to'pni gavdasi bilan to'sishi mumkin.

Yorib o'tishda fint joydan yoki yurishdan boshlanib, to'p uzatish yoki otish bilan tugashi mumkin. Yorib o'tishda to'p bel balandligida ikki qo'llab tutiladi: gavda bilan yorib o'tishga fint qilingach, gavdani burish bilan harakat yo'nalishi o'zgartiriladi va boshqa tomonga yorib o'tish bajariladi. O'ng tomonga yorib o'tish chap oyoqdan boshlanadi, to'p o'ng qo'l bilan yerga tushiriladi. Chapga yorib o'tishda harakat o'ng oyoqdan boshlanadi. Shuningdek, fintlar gavda va bosh bilan ham bajariladi. Fint bajarishda asosiysi, uning ishonarligi bo'lib, bu tugaganlik va asosiy harakat ritmini saqlashga bog'liq (41–43-rasmlar).

Himoya texnikasi

Himoyachilar hujumchilarga qarshi turadi va ularning xilmalik ko'p sonli usullariga qarshilik qiladi. Qarshi turadigan himoyachi harakatlari to'p bilan bo'lgan va to'psiz bo'lgan o'yinchiga qarshilik qiladigan usullardan iborat. To'psiz hujumchi ochilishga, faol pozitsiyaga chiqishga urinadi. Himoyachi harakatlari hisobiga bu chiqishlarga qarshilik qiladi, to'pni olib qo'yish yoki o'yinchini ta'qib qilishga qulay o'rinnegallashga urinadi. To'psiz o'yinchiga qarshilik to'g'ri joyni tanlashdan boshlanadi va turli usullarda harakatlanish, burilish, sakrashlarni o'z ichiga oladi. Harakatlanish (ko'chib yurish) himoyaning asosini tashkil etadi. Himoyada turishda tez harakatlana olish, yugurish va sakrash to'p bilan bo'lgan o'yinchiga qarshi harakatlar muvaffaqiyat garovi. Hujumchiga qarshi to'pni olib qo'yish, ilib olish, olib yurganda urib yuborish va otganda blokirovkalash (to'sish) qo'llaniladi (44-rasm).



44-rasm. Himoya texnikasining klassifikatsiyasi.

Turish barcha himoyaviy harakatlarni dastlabki holati hisoblanadi. Turishda himoyachi oyoqlari biroz egilgan, muvozanatni saqlagan va istalgan tomonga hujumchi harakatini nazorat qilish imkonini beradigan tezlikda harakatlana olishga tayyor bo‘ladi. Oyoqlar parallel yoki bittasi oldinroqqa qo‘yilgan bo‘ladi. Oyoqlar parallel turganda himoyachi istalgan tomonga harakatlana oladi. Oldinga bir oyoqni qo‘yib turish himoyachiga tezda yaqinlashish, to‘pni olib qo‘yish yoki blokirovkaga chiqish, himoyadan hujumga tez o‘tish imkonini beradi. Himoyachi harakatlanishining o‘ziga xosligi uning orqaga qarab yugurishi, burilishi va tez yugurishlar bilan almashinishidir. Burilishlar texnikasi, har xil yugurish va to‘xtash, hujumchi o‘yinchining siljish texnikasida ko‘rinadi.

Himoyaviy harakatlar


Himoyaviy harakatlar to‘pni olib qo‘yish, ilib olish va otishni to‘sishdan iborat. Yana murakkabrog‘i to‘pni hujumchi qo‘lidan yilib olish sanaladi.

To‘pni ilib olish himoyachining hujumchi orqasidan yoki yonidan chiqish bilan bajarilishi mumkin. Bular to‘pni ko‘ndalang uzatish chog‘ida yoki harakatlanayotib to‘p uzatilganda ilib olishga tayyor hujumchi harakatini oldindan ko‘ra bilish hisobiga bajariladi. Himoyachilarning faol harakatlari to‘p uzatishlarni qiyinlashtirib, to‘pni ilib olish imkonini yaratadi. O‘z vaqtida tez yugurib chiqish hisobiga himoyachi hujumchidan ildamlab ketib, uzatilgan to‘pni ilib olishi mumkin.


To‘pni olib qo‘yish yoki urib yuborish to‘pni olib yurgan o‘yinchiga yaqin qo‘l bilan bajariladi. To‘p yerdan sakraganda uni pastroq nuqtada kutib olish hisobiga to‘p kaft bilan yopiladi yoki urib yuboriladi. Harakatlari yashirin va kutilmagan bo‘lishi himoyachi muvaffaqiyatining hal qiluvchi omilidir.

Otishga to‘sinq qo‘yish qo‘llar bilan bajariladi. Sakrab otganda, himoyachi qo‘llarini yuqoriga ko‘tarib sakraydi, yonga tashlab yoki oldinga sakratib otganda to‘sinq qo‘yish bir yo‘la bir necha o‘yinchi tomonidan bajariladi, bu himoyachilardan muvofiqlashgan o‘yinni talab qiladi (45-rasm). Himoyachi hujumchi yo‘liga chiqib, uning harakatiga to‘sinq qo‘yish mumkin. Buning uchun himoyachi hujumchidan ildamlab ketishi va to‘sinq qo‘yishni faqat gavda bilan bajarishga urinishi lozim.

To‘pni hujumchi qo‘lidan yulib olish sakrab otgan paytda bajariladi. Himoyachi sakrash paytida to‘pgalini qo‘yadi va otishga to‘sinqinlik qiladi. Usul himoyachi hujumchi bilan bir paytda sakraganda bajarilishi mumkin (46-rasm).



45-rasm.



46-rasm.

Darvozabon o‘yin texnikasi

Darvozabon himoyaning oxirgi chizig‘i, uning ishonchli harakati jamoa muvaffaqiyatini ko‘p jihatdan belgilab beradi. Darvozaga yo‘llangan to‘p sekundiga 25 m tezlikda uchadi, darvozabon harakati esa, undan tezroq bo‘lishi lozim. Darvozabonning to‘g‘ri joylashishi, zarba yo‘nalishini oldindan ko‘ra bilishi va tez reaksiya qilishi muvaffaqiyat omili bo‘ladi. Darvozabon o‘yin texnikasi — turish, harakatlanish (siljish), yiqilish (tashlanish)lardan iborat. Darvozabon to‘pni qo‘liga ilib olishi, qaytarishi yoki oyoq bilan qaytarishi mumkin. Darvozabonning to‘pni tashlab berishi ham uning texnik harakatlariga kiradi. Darvozabon o‘yin texnikasi o‘yin taktilasini tanlashi bilan uzviy bog‘liq. Turli holatlardan va turli burchak ostidan zarba berilganda va erkin otish o‘ynalganda qarshi hujumlarni tashkil etish darvozabon harakatlari majmuasini tashkil etadi.

Joy tanlash. Darvozabonning pozitsiyasi otayotgan o‘yinchilarning masofa va otish burchagi bilan aniqlanadi. To‘g‘ri tanlangan joy darvozani zabit etish ehtimolini minimumga olib keladi.

Hozirda darvozabonlar joy tanlashni chiqishlari bilan birlashiradi. Chiqishlar zabit etish sektorini qisqartiradi. Darvozabonning eng qiyin vazifasi—7 metrlik jarima to‘pini bartaraf etish.


Muvaffaqiyat omili darvozabon reaksiyasi, to‘p yo‘nalishini topa bilishi va joy tanlashidir. Qoidalar darvozabonning darvoza oldida, jarima to‘pni otayotgan o‘yinchidan 3 m dan kam bo‘limgan masofada turishiga yo‘l qo‘yadi. Darvozadan 2–2,5 m oldinga chiqib turgan darvozabonlar zarbani ko‘proq bartaraf etishadi. 9 metrlik erkin otish bajarilganda darvozabon 2–3 o‘yinchidan iborat «devor» tashkil qiladi, o‘zi himoyalangan burchakni yopadi. Yondan zarba berishda «devor» 1–2 o‘yinchidan iborat bo‘ladi. Tezkor hujum uyushtirilganda darvozabon uni uzib qo‘yish uchun yugurib chiqadi. Darvozabon chiqishi undan doimiy sergaklikni, o‘yin vaziyatini baholashni va o‘z vaqtida harakatlanishni talab qiladi.

Darvozabon turishlari qo‘l holati bilan farq qiladi. Tizzada bukilgan qo‘llar yelka balandligida va undan baland yoki past bo‘lishi mumkin. Kaftlar oldinga qaratiladi. Oyoqlarni bukish, ularni yelka kengligida qo‘yish va tizzalarni bukish hisobiga barqaror holat


ta’milanadi (47-rasm). Oyoqlarining joylashishi darvozbonga istalgan yo‘nalishda maksimal tezlikda tashlanishga va harakatlanishga imkon beradi.

Darvoza chizig‘i bo‘ylab siljishlar qisqa qadam tashlash yoki darvoza burchagiga tez tashlanish bilan bajariladi. Darvozabon doim maydonchaga oyog‘i mustahkam tegib turishiga intiladi, shunda oldinga, orqaga, yon tomonga harakatlanishi va qulay joylashishi imkoniyati kattaroq bo‘ladi.

To‘pni qo‘l bilan qaytarish. Darvozaga yuqori yoki o‘rtalikdan yuborilgan to‘pni qo‘li bilan bartaraf etadi. Eng ishonchlisi to‘pni ilib olishi, biroq kuchli zarbalarni darvozabon yo qaytaradi, yo maydonchaga urib tezligini kamaytirib bartaraf qiladi (48-rasm). Ilib olishda qo‘llar oldinga chiqarilib, kaftlar to‘p shaklini oladi, barmoqlar erkin, orasi ochiq. To‘pni barmoqlar qarshi oladi, keyin uni kaftlar tutib oladi. Qo‘llar bukilib, zarba



47-rasm.




48-rasm.

kuchi so‘ndiriladi. To‘pni so‘ndirish kaftlarning qisqa harakati bilan to‘pni polga yo‘llab bajariladi. Qaytarish uchib kelayotgan to‘pga qarata qo‘llarni tezkor harakatlantirish bilan bajariladi. Odatda, darvozaning yuqori burchagiga yubo-rilgan to‘plar qaytariladi.

To‘pni oyoq bilan qaytarish.

Pastki burchakka yoki poldan sakratib berilgan zARBalar oyoq bilan qaytariladi yoki tashlanib ushlab olinadi (49-rasm). To‘pni oyoq bilan qaytarganda oyoq shunday qo‘yiladiki, kaftning ich tomoni to‘pni kutib olsin. Qo‘l ham oyoq uzatilgan tomonga cho‘ziladi.




49-rasm.

To‘pni o‘yinga kiritish. To‘pni egallagach, darvozabon o‘z jamoasi hujumini tashkil etadi. To‘pni o‘yinga kiritadi. To‘p uzatish aniqligi va tezligi hujum rivojini belgilab beradi. Darvozabon qanotdan yoki markazda ochilib turgan yaqin o‘yinchiga to‘pni uzatadi yoki tez yurib o‘tishi uchun uzoqroq masofaga to‘pni tashlaydi.

O‘yin taktikasi

Hujum va himoyada o‘yin taktikasi o‘yin vaziyatiga qarab tanlanadi. Ular yakka, guruhli va jamoaviy taktika bo‘lishi mumkin. Himoya taktikasiga darvozabon o‘yin taktikasi ham kiradi. O‘yin taktikasi texnik usullar bilan chambarchas bog‘liq. O‘yin taktikasi qanchalik mukammal bo‘lsa, himoya va hujumchilarning usullari xilma-xil bo‘lsa, u yoki bu vazifani bajarish shuncha yengil kechadi.



49-rasm.

Tashlanish darvoza burchaklariga yo‘llangan to‘plarni bartaraf etishda bajariladi. Yiqilish gavda qismlariga ketma-ket tushishi hisobiga yengil-lashtiriladi (50-rasm). Avval oyoqlar, keyin gavda qismlari ketma-ketlikda polga qo‘yiladi.

To‘pni o‘yinga kiritish.

To‘pni o‘yinga kiritadi. To‘p uzatish aniqligi va tezligi hujum rivojini belgilab beradi. Darvozabon qanotdan yoki markazda ochilib turgan yaqin o‘yinchiga to‘pni uzatadi yoki tez yurib o‘tishi uchun uzoqroq masofaga to‘pni tashlaydi.


Hujum taktikasi

Yakka tartibda harakatlar. Bu hujumda to'psiz va to'pni egallab turgan o'yinchining individual harakatlaridir. O'yinchi himoyachi ta'qibidan qutulish, to'pni olish uchun yanada qulay holatga chiqishga urinadi. To'psiz o'ynash, ochilish, chiqishlar qilish malakasi hujumchi taktik harakatlarining muhim qismidir. To'pni egallagan o'yinchi to'pni o'yinga kiritishga yo darvozaga yo'llashga harakat qiladi. O'yin vaziyatiga qarab hujumni davom ettiradi (51-rasm).

Guruqli o'zaro hamkorlik. Guruqli hamkorlik hujumchilar son jihatdan himoyachilardan ko'p bo'lgan yoki teng holatda bajariladi. Son jihatdan ko'p bo'lib guruqli hamkorlik 2:1, 3:2, 4:3 va ko'proq sonli o'yinchilar tomonidan bajariladi. Hujumning yakunlovchi qismida son jihatdan ustunlik yarata olish masalasi avvaldan tayyorlangan taktik harakatlar hisobiga amalga oshiriladi. Son jihatdan ustunlik himoyadan hujumga tez o'tish va o'z vaqtida aniq to'p uzatishlar hisobiga amalga oshiriladi.

Son jihatdan tenglik bo'lganda guruqli hamkorlik to'p uzatish va chiqishlarni birlashtirish yoki hujumchilarning chaqqon harakatlari hisobiga bajariladi. To'p uzatishlar uzelishsiz bajarilsa, hujumchining erkin holatga chiqishiga imkoniyat kengayadi. To'siqlar himoyachi harakati yo'liga g'ov bo'ladi. Himoyachi bir oyog'ini oldinga qo'yib, gavdasini bukib, yon tomoni bilan turib oladi. Buning hisobiga himoyachiga to'siq qo'yiladi. Hujumga yordamga kelgan himoyachi to'siqlar borishi va shu manyovr hisobiga aniq zarbani amalga oshirishi mumkin. To'siqlar to'pni egallab yoki to'psiz turgan o'yinchi tomonidan amalga oshiriladi. Ular joyida va harakatlanayotib bajariladi. To'siqlar sistemasi yoki to'siqlarga asoslangan kombinatsiyalar hisobiga hujum imkoniyati kengayadi, to'siqlarsiz zarba berish yoki darvoza maydonchasi chizig'iga chiqish imkoniyati yaratiladi.

Hujumda jamoaviy o'yin. Hujumda jamoaviy o'yin sistemasi tez yorib o'tish yoki pozitsion hujum hisobiga amalga oshiriladi. Tez yorib o'tish qanotlar bo'ylab yoki markazdan amalga oshirilishi mumkin. Hujum bitta o'yinchi, guruqli yoki eshelonlab butun jamoa tomonidan bajariladi. Pozitsion hujum uyushgan himoyaga qarshi ma'lum joylashish orqali bajariladi.



51-rasm. Hujum o'yin taktikasining klassifikatsiyasi.

Hujumchilar darvozaga turli masofadan va turli burchak ostidan xavf soladi, turlicha joylashib, ma'lum o'yin vazifalarini bajaradi. Darvoza maydon chizig'i yonida, darvoza qarshisida joylashgan o'yinchilar chiziqdagi o'yinchilar deyiladi. Ularning vazifasi: yaqin masofadan to'pni otib hujumni yakunlash, o'yinchi darvoza chizig'i ostidandepsinib to'pni sakrab otadi. Otish darvozabon maydonchasida yerga tushish yoki yiqilish bilan tamomlanadi. Qoidaga ko'ra, o'yinchi darvozabon chizig'ini bosmasdan turib to'pni chiqarib yuborishi lozim. Yiqilish hisobiga u raqibidan qochish va darvozagacha bo'lgan masofani qisqartirishga harakat qiladi.

Maydon burchagidan hujumni amalga oshirgan o'yinchilar qanot o'yinchilari sanaladi. Ular o'yinining o'ziga xosligi darvozaga o'tkir burchak ostidan xavf solish, bu maxsus ko'nikmalarni talab qiladi. Qanot o'yinchilari gavdani og'dirish va siltaganda to'pni orqaga olish hisobiga otish burchagini kattalashtirishga urinadi. Barcha o'yinchilar to'pni darvozabon maydonchasi ustida sakrab qabul qilishi mumkin. Bunda otish to'pni ilib olgach, yoki ikki va bitta qo'l bilan itarib bajariladi. Hujum harakatlarini tashkil etadigan yoki to'pni darvoza qarshisida otish bilan yakunlaydigan o'yinchilar yarim o'rtadagi o'yinchilardir. Ular o'yinga kirituvchi bilan qanot himoyachisi orasida darvozaga nisbatan burchak ostida joylashadi. O'yin kombinatsiyalarini bajarishda o'yinga kirituvchi va o'rtadagilar zarba masofasini qisqartirishga harakat qilib, darvozabon maydonchasi chizig'i tomon yorib o'tadi yoki turli masofalardan sakrab zarba beradi. Kombinatsiyani bajarish paytida hujumchilar joy almashishi, boshqa vazifalarni bajarishi mumkin. Masalan, uzlusiz hujumlar davomida o'yinchilar navbatma-navbat chiziqdagar holatiga o'tishi, maydon chetiga chiqib, qanot hujumchisi vazifasini bajarishi mumkin. Bunday hujumlar avvaldan o'rganilgan kombinatsiyalar va birgalidagi harakatlar yordamida bajariladi.

Pozitsion hujum himoyani konkret sistemasini hisobga oladi va unga qarshi eng maqbul o'yin variantini tanlaydi. Hujum chizig'ida o'yinchilarning nisbati son jihatdan turlicha bo'lishi mumkin: ikkita chiziqdagi va ikkita o'yinga kirituvchi, boshqa variantlar. O'yinda kombinatsiyalar bir necha o'yinchi yoki butun jamoa tomonidan amalga oshiriladi. Ulardan bitta chiziq o'yinchilari yoki turli chiziq o'yinchilari birga qatnashadi. Uzlusiz hujum o'yinchilar himoyachidan xoli bo'lishga uringan yoki darvozabon maydonchasiga chiqishga harakat qilinganda qo'llaniladi.

9 metrlik erkin otish to'siqli kombinatsiyalardan keyin yoki raqib darvozasini galma-gal o'qqa tutayotgan o'yinchilarga to'p uzatishdan keyin bajariladi.


7 metrlik jarima otish qaytarilsa, yana zarba berish uchun 2-3 o'yinchi shay bo'lib, 9 metrlik chiziq oldida joylashadi. Qolgan o'yinchilar o'rta chiziqdagi joylashib, himoyani mustahkamlaydi.

Himoya taktikasi

Hujumchilar to'pni yo'qtgach, himoya harakatlarini boshlaydilar. Bu harakatlar to'pni olib qo'yish yoki hujumni tutib turish, o'z darvozasi yonida pozitsion himoyasini tashkil etishga qaratiladi. Buning uchun o'yinchilar ma'lum pozitsiyada joylashadi (52-rasm). Chiziqdagi o'yinchilar oldinga chiqqan qanot, yarim o'rtadagi va o'rtadagi himoyachilar darvozabon maydonchasi chizig'ida joylashib, yaqin masofadan bajarilayotgan to'p otishga to'sqinlik qiladi. Himoyachilar turlicha joylashib, yaqin masofadan beriladigan zARBALARGA to'sqinlik qiladilar. Oldinga turlicha sondagi o'yinchilarni chiqarishi mumkin. Bu tanlangan himoya sistemasiga bog'liq, shuningdek, raqibning kuchli tomonlari inobatga olinadi. Himoya o'yinchilari darvozabon maydonchasi chizig'i oldida joylashishi yoki faol o'ynab, kengroq maydonda hujumchiga qarshilik ko'rsatishi mumkin. Bunda himoya individual zonalar bo'yicha ma'lum prinsip asosiga quriladi.

Yakka tartibdagagi harakatlar. Yakka tartibdagagi harakatlar himoyada o'ynash asosini tashkil qiladi. Ular pozitsiya tanlash, to'p uzatish, yorib o'tish yoki chiqish, zarba va olib yurishga qarshi tobora ma'qul usullarni qo'llash malakasidan iborat. Himoyachining individual harakatlariga son jihatdan ustun bo'lgan hujumchilarga qarshi o'ynay olish, to'pni olib qo'yish, urib yuborish, boshqa qarshilik ko'rsatish usullari texnikasini egallaganligi kiradi.

Guruqli o'zaro hamkorlik. Guruqli hamkorlik o'z darvozasini ishonchliroq himoyalashga imkon yaratadi. Bunday hamkorlikka himoyachilarining joy almashuvi, xavfli holatdan muhofaza qilish, to'siqlarni qayta-qayta hosil qilishlar kiradi. Son jihatdan ustun raqibga qarshi o'ynashda himoyachilarining uyushgan harakatlari va 9 metrdan, 7 metrdan to'pni otish chog'ida darvozabon bilan hamkorlikdagi harakatlari muvaffaqiyat keltiradi. Himoyachilarining joy almashinuvida to'pni egallagan faol o'yinchi joylashgan uchastkada to'siq hosil qilishi kerak. Hujumchilar himoyachilarni uzib qo'yishga



52-rasm. Himoya o'yini taktiqasining klassifikatsiyasi.

urinadi, ular tez to‘p uzatib, tarqatib yuboradi. Kuchsiz uchastkani tez o‘tadigan himoyachilar muhofaza qilishni amalga oshiradi. Himoyaning bu uchastkadagi faolligi, xavf kam bo‘lgan, hujumchidan uzoq joylarni vaqtincha zaiflashtirish hisobiga ta‘minlanadi. Hujum boshqa zonaga ko‘chsa, o‘yinchilar o‘sha yoqqa ko‘chib, asta-sekin aralash pozitsiyani egallaydi.

Hujumchilarga to‘siq qo‘yganda zonaviy himoya ham qo‘llaniladi. Bunda himoyachilar hujumdagilar ketidan harakatlanmay, balki ularni boshqa zonaga o‘tkazadi, o‘z zonasida boshqa hujumchini qarshi oladi.

Tez yorib o‘tishga qarshi himoyani tashkil etishda kenglikda qolganlar to‘pni olib yurgan o‘yinchiga galma-gal hujum qiladi. Uni to‘pni olib yurishni tugatishga majbur qilib, himoyachilar boshqa hujumchilarni qat’iy ta‘qib etadi. Bu hujumni sekinlashtirish va himoyada son jihatdan tenglikni yuzaga keltirish imkonini beradi. Darvoza maydonchasi chizig‘i yonida kamchilikda qolgan himoyachilir tobora xavfli zona – markazni to‘sadi. Uzoqdan yoki burchakdan otilgan to‘plarga himoyachilar bittadan chiqadi va tezda o‘z joyiga qaytadi.

9 metrlik jarima to‘pini otish chog‘ida o‘zaro hamkorlik 2 yoki 3 o‘yinchidan iborat «devor» qo‘yishdan iborat. Ular hujumchining to‘pni otadigan qo‘li tomon suriladi. Darvozabon «devor» qo‘yishda oldindan himoyachilar to‘sadigan zonalarni belgilaydi, o‘yin vaqtida o‘yinchilar joylashishiga rahbarlik qiladi.

Jamo bo‘lib harakat qilish. Jamoaviy harakatlar individual, zonalar bo‘yicha yoki aralash himoya prinsipiqa qurilgan, bunda himoya o‘yinchisi hujumdagagi ma’lum o‘yinchini ta‘qib qiladi (qo‘riqlaydi). Ular butun maydon bo‘ylab, o‘z yarmida yoki darvozabon maydonchasi yaqinida faol bo‘lishi mumkin.

Individual himoya. Bu himoya sistemasi bo‘s sh qolgan o‘yinchining himoyachilarga yordam berishiga asoslangan. Hujumchi ustunlikka ega va u himoyachilarini aldab o‘tishi mumkin. Shunda hujumchilarning himoyachilarga yordam berishi hujumchini shoshirib qo‘yadi va xato qilishiga olib kelishi mumkin, to‘pni olib qo‘yish yoki ilib olish imkonini yaratadi.

Zonaviy himoya. Zonalar bo‘yicha himoya sistemasida har bir o‘yinchi o‘ziga ajratilgan zonada himoya harakatlarini olib boradi. Bu himoyaning 6:0, 5:1, 4:2, 3:3 variantlari mavjud.

6:0 yoki 6. Bunda himoya chizig‘iga hujumchilar o‘tishlariga va yaqin masofadan to‘pni otishga 6 joyda to‘siq qo‘yiladi. Zonalar

bo'yicha himoyaning boshqa variantida qancha o'yinchi otishni yoki o'yinga kirituvchi harakatlarni neytrallash uchun oldinga chiqishni belgilanadi. Zonalar bo'yicha himoya varianti raqibning kuchli va kuchsiz tomonlardidan, o'z jamoasi tarkibidan va himoyaning u yoki bu variantini qo'llay olishdan kelib chiqib tanlanadi.

Aralash himoya. Aralash himoya tizimi raqibning o'ta xavfli o'yinchilarini individual qo'riqlash va zona bo'yicha himoyani birlashtiradi. Bir-ikkita himoyachi raqibning eng yaxshi dispetcher yoki snayperini qo'riqlaydi, ular harakatini neytrallashtiradi va qiyinlashtiradi. O'yin jarayonida himoya sistemasini almashtirish hujumchilarning odatiy hamkorligini buzib qo'yishi va raqib jamoa o'yinini qiyinlashtirishi mumkin. Himoya harakatlarini tashkil etish boshqa sabablar bilan ham o'zgartirilishi mumkin: umuman jamoa yoki alohida o'yinchilarning kuchli (kuchsiz) o'yini, hisobini ushlab qolish zarurati, oxirgi daqiqalarda hisobni tenglashtirishga urinish.

O'yin texnikasini o'rgatish metodikasi

Harakatlanish. Harakalanish o'yinchining asosiy turishidan, yurish, yugurish, burilish va birga qo'shib bajarilishini o'rgatishdan boshlanadi. Dastlab alohida o'yin usullari, keyin ularning birikishi o'rganiladi. O'rgatishni takomillashtirishda shug'ullanuvchilarning tayyorgarligiga muvofiq optimal faollashtiruvchi dastur yaratiladi. Mustahkamlash estafetalar, harakatli o'yinlar (o'yin texnikasi elementlari bilan) amalga oshiriladi. Turish, yurish va yugurishni, harakatlanishning boshqa usullarini o'rganishda qo'shimcha tayyorgarliksiz bajarishga, tayyorgarlikka alohida e'tibor qaratiladi. Masalan, o'yinchi to'xtagandan keyin yuqoriga sakrashga tayyor yoki xohlagan yo'nalishga siltanib chiqish tomonida joylashgan oyoqda o'sha tomonga harakatni boshlaydi. To'xtagach, yuqoriga sakrash yoki istalgan tomonga tez yugurishga tayyor (harakat yugurish yo'nalishi tomondagi oyoqdan boshlanadi).

Namunaviy mashqlar:

1. O'tirib-turish, sakrash, turish holatidan turli yo'nalishlarga cho'qqayib o'tirib turish, yugurish.
2. Odadagicha yurishni yarim cho'qqayib va cho'qqayib o'tirgan holda yurish bilan almashtirish.
3. Oddiy va egilib yugurishni almashtirib yurish.

4. Turli tomonlarga yonlama qadam va oyoqni chalishtirib yurish bilan almashtirib yurish.
5. Chiziqqa qo'l bilan tegib, ya'ni egilib yugurish estafetasi.
6. Sherigini sultanib chiqarish bo'yicha ko'rish va eshitish signaliga ko'ra tezlikni o'zgartirib yugurish.
7. Yugurish yo'nalishini yoy bo'ylab va ilon izi qilib yo'nalishni o'zgartirib yugurish.
8. «To'p» va «qo'l» tegizish estafetalari.

To'xtash va burilishlar. To'xtash va burilishlar joyida, keyin harakatlanayotib va tez yugurish bilan almashtirib o'rganiladi. To'xtash ikki qadamga va sakrab bajarilishi mumkin.

To'xtash va burilishda muvozanatni saqlash uchun tana og'irligi orqadagi oyoqqa o'tkaziladi.

Namunaviy mashqlar:

1. To'xtash holatida orqa oyoqqa o'tirib, qo'l bilan polga tekkizib turish.
2. Mo'ljallangan tomonga qadam tashlab yurgandan keyin to'xtashni bajarish turli tezlikda yugurishdan keyin ovoz va ko'rish signali bo'yicha bajarish.
3. Joyida oldinga va orqaga, harakatlanayotib burilishlar.
4. To'xtashni oldinga va orqaga burilish bilan birga qo'shib bajarish.
5. Turli yo'nalishda to'pni uzatish va burilib ilib olgandan keyin to'xtashni birga qo'shib bajarish.

Sakrash. Sakrashni turgan joyida bir va ikki oyoqda oldinga, yon tomonga buyum ustidan o'tish bilan siljish, turgan joyida va yugurib kelib yuqoriga sakrashni o'rgatish.

Namunaviy mashqlar:

1. Bir va ikki oyoqda joyida sakrash, cho'kkalab o'tirgan holatdan sakrash, sakrash chog'ida oyoqlarni tortib sakrash.
2. Chiziqlar, to'plar, skameykalar ustidan sakrash, bir va ikki oyoqda turli yo'nalishlarda oldinga harakatlanib bir necha marta sakrash.
3. Bir va ikki oyoqda turgan joyda va yugurib kelib buyumga qo'lni tekkizish bilan sakrash.

4. Sakrash va yugurish estafetalari. «Sakrovchi va yuguruvchilar», «Xo‘rozlar jangi» o‘yinlari.

5. Pastga cho‘qqayib o‘tirgan holatdan sakrab buyumga qo‘lni tekkizish.

To‘pni egallash metodikasi

To‘pni egallash texnikasi yaxlit yoki qismlarga bo‘lib o‘rganiladi, alohida usullarda: to‘pni ilib olish har xil usullarda uzatish, olib yurish va otishlar mashq qildiriladi.

Uzatishlar: panja bilan, egilgan va to‘g‘ri uzatilgan qo‘l bilan bajarish mashq qildiriladi. Keyin joydan turib uzatishdan boshlab, to‘p uzatgach joy almashtirish, to‘xtash, burilish va tez yugurish bilan birga qo‘sib bajarish o‘rganiladi. Raqib qarshilik ko‘rsatgan paytda, o‘quv va o‘yin mashqlari, harakatli o‘yinlar va estafetalarda amalga oshirish vaqtida takomillashtiriladi.

Namunaviy mashqlar:

1. Chap qo‘l bilan to‘pni yuqoriga otish va ilib olish, qo‘llarni oldinga chiqarib, to‘p shaklini saqlab ilib olish. Ilib olishni oldin panjalar bilan bajariladi, keyin qo‘l kafti bilan nazorat qilinadi.

2. To‘pni o‘ng va chap panja bilan uzatish: yonga va oldinga, qo‘l ostiga.

3. To‘pni orqaga va pastga olib bukilgan qo‘lda uzatish, shuning o‘zi to‘g‘ri uzatilgan qo‘l bilan masofani orttirib uzatish.

4. Turli usullar bilan joy almashtirib, turli joylashishlardan to‘p uzatish.

5. Chiqishdan keyin to‘xtash va burilish birga qo‘sib to‘p uzatish.

6. 4—6 kishilik guruhda bir yoki bir necha to‘pni maydon bo‘ylab ixtiyoriy siljish bilan «To‘p chapdagisi» o‘yinida uzatish. To‘p sherika uzatiladi, u safda chap tomonda joylashadi. Uzatish usuli masofaga qarab tanlanadi.

7. Juftlik va uchliklarda harakatlanib to‘p uzatish. Joy almashib o‘yinchi oldiga chiqib yoki orqasidan to‘p olgandan keyin chiqib to‘pni uzatish.

8. «To‘p uchun kurash» o‘yinida to‘pni uzatishni takomillashtirish. «To‘p uchun kurash o‘yinida» teng tarkibli jamoalar (2 yoki undan ortiq o‘yinchilar) to‘pni uzatish yoki olib qo‘yishga urinadi, raqibidan oldin bir necha uzatishni bajargan jamoa g‘olib chiqadi.

«Uzatib to'xtatish» o'yinida 2 yoki undan ortiq o'yinchilarning qochib ketayotganlarni uchtadan ko'p qadam qo'ymasdan, to'pni qo'ldan chiqarmasdan to'xtatishi lozim.

To'pni olib yurish. Olib yurish joyda to'pni sakratib va sapchib chiqqan to'pning yo'nalishi mashq qildiriladi. Keyin harakatlana-yotib bir qo'ldan boshqasiga, o'zi oldida va tez olib yurish o'rganiladi.

Namunaviy mashqlar:

1. Turgan joyda to'pning sakrash balandligi va yo'nalishini o'zgartirib, o'ng va chap qo'lda uni olib yurish.

2. O'zi oldida, yonida, to'pni oldida har xil tomonga aylantirib, o'ng va chap qo'lda to'p sakrashi yo'nalishini o'zgartirib olib yurish.

3. Harakatlanayotib to'pning sakrash balandligi va turli tezlikda qo'ldan qo'lga o'tkazib olib yurish.

4. Turli yo'nalishlarda tezlikni o'zgartirib olib yurish yoki tez yurish bilan raqibni aldab olib yurish.

5. To'pni olib yurgan o'yinchilarning himoyachilar unga qarshi yuzma-yuz himoyada turish holatida siljiganlarida to'p bilan urishga harakat qilish.

6. Buyumlarni aylantirib tez olib yurish estafetasini.

Otish. Otish tayanch holatdan sakrab, yiqilib, og'ib va burilib otishga o'rgatiladi. Tayanch holatdan otishni o'rganganda gavda qismlari to'pni ketma-ket quvib o'tishlar bilan otish harakati o'rganiladi. Gavda burilishi va uni bukishga alohida e'tibor beriladi, bu otish kuchini oshirishga ko'maklashadi.

Namunaviy mashqlar:

1. O'ng va chap yelkani oldinga chiqarib gavdani burish. Gavdani burish va egilish hisobiga o'ng qo'l bilan chap oyoqqa tegish.

2. Juft-juft bo'lib to'pni poldan sakratib egilgan va to'g'ri qo'l bilan otish. Gavdani tezda bukish hisobiga to'p maydonga sherikdan bir necha metr masofa oldinga yo'llanadi.

3. Birinchi qadamda to'pni siltab otish. Uch qadamni koordinatsiyalash o'ng yoki chap oyoqda qadam tashlashdan boshlanadi.

4. Sakrab otish uchun siltanib yuqoriga sakrash. Bunday holatda depsinish oyog'iga qo'nish.

5. Uch qadamdan keyin otish chog'ida gavdani keskin aylantirib sakrab tashlash. Birinchi qadamda siltashni bajarish.

6. Harakatda to‘pni olgandan keyin o‘rganilgan otishni bajarish.
7. Harakatda uch qadamdan va to‘p olib yurishdan keyin otish.
8. Tizzadan ikki qo‘lga tayanib umbaloq oshish, o‘ng va chap yelka orqali umbaloq oshish. Mashq dastlab matlarda bajariladi.
9. Uch qadamdan keyin yiqilib otish va undan keyin aylanib otish.
10. O‘ng oyoq bilan o‘ngga hamla qilish va chap oyoqni o‘ng oyoq oldiga chalishtirib otishni taqlid qilish va ikki qo‘lga yiqilib tushish.
11. Harakatlanayotib to‘pni olgach yon tomonga og‘ib to‘pni otish.
12. «Otishma», «Aylanma lapta», «To‘p nishonga» o‘yinlari. «Otishma» teng tarkibli tomonlar bilan o‘ynaladi. Yuzma-yuz turib bir xil sondagi to‘pga ega bo‘lgan tomonlardan qay biri barcha to‘pni raqib tomonga otib yuborsa g‘olib bo‘ladi. «To‘p nishonga» o‘yinida ikkala jamoa basketbol to‘pini gandbol to‘pi bilan urib raqib tomonga o‘tkazishga o‘rganadi.

Fintlar asosiy o‘yin usullari o‘zlashtirgandan keyin harakatlarni birga qo‘shib o‘rganiladi.

Namunaviy mashqlar:

1. Bir tomonga to‘p uzatishga fint qilib, boshqa tomonga uzatish.
2. Keyinchalik to‘p uzatish bilan otishga fint qilish.
3. Yon tomon bilan otishni fint qilish.
4. «To‘p uchun kurash» o‘yini va variantlari.

Himoyalanish harakatlari

Himoyalanish harakatlari hujum usullari o‘zlashtirilgandan so‘ng o‘rganiladi. Hujumchi harakatini sekin bajarib, himoyachiga o‘rganilgan usullarini sinab ko‘rishiga imkon beradi. Keyinroq usullarni bajarish va himoya harakatlari tezligi ortadi.

Orqadan va yondan kelib olish. Bu 4 kishilik guruvida bajariladi, ulardan ikkitasi himoyachilar. «To‘p uchun kurash» o‘yinida takomillashtiradi.

To‘pni olib qo‘yish va urib yuborish juftliklarda navbat bilan o‘rganiladi, to‘pni olib yuruvchi orqasida turib, to‘pni turtib yuborish uni pastroq nuqtada yerga urilib qaytganda kutib olib urib yuborishni o‘rgatiladi. Yonda harakatlanib hujumchini ortda qoldirishga urinib urib yuboriladi. Olib qo‘yish va urib yuborish hujumchiga yaqin qo‘l bilan bajariladi.

Otilgan to‘pga to‘sinq qo‘yish. Otilgan to‘pga to‘sinq qo‘yish oldindan ma‘lum bo‘lgan otish usuli mashqlarini bir yoki ikki himoyachi bilan o‘rganiladi.

To‘pni qo‘ldan olish. Otishda to‘pni qo‘ldan olish mashqini qismlargacha bo‘lib o‘rgatgan ma’qul, bu murakkab usulda himoyachida harakat ritmi ishlanadi.

Darvozabon o‘yin taktikasi

Darvozabon o‘yin texnikasida avval siljishlar, tashlanish, so‘ngra yiqilish, ilish, to‘p kuchini kamaytirish, qo‘l va oyoq bilan urib yuborish o‘rganiladi.

Namunaviy mashqlar:

1. Bir turish holatidan boshqa turish holatiga yonlama qadam tashlab o‘tish. Tashlanish, yiqilish, yon tomonga yiqilish bilan otish.

2. 3–2 metr masofada devorga yuzi bilan turib sheriklari turli masofadan urganda, devordan qaytgan to‘plarni ilish.

3. Turli masofadan turib markazdan yo burchak ostidan darvozaga nisbatan yo‘naltirilib otilgan to‘pni bartaraf etish.

4. «Qal‘a himoyasi» o‘yini bir yoki ikki to‘p bilan bajariladi. Hujumchilar yoy bo‘lib turib, darvozabon himoya qilgan qal‘ani nishonga oladi.

5. 4 metrgacha bo‘lgan belgidan darvozadan chiqib va chiqmasdan, 7 metrlik jarimadan otilgan to‘pni qaytarish.

O‘yin taktikasiga o‘rgatish metodikasi

Individual harakatlar. Hujum va himoyaning bir necha usulini o‘rgangach, bu harakatlar taktikasiga ko‘chish mumkin. Har bir usulning taktik yo‘nalishi usulga o‘rgatishning dastlabki bosqichida tushuntiriladi. Mashq qilishga vazifa berib, qiyin usullar yordamida hujum yoki himoyada muvaffaqiyatli o‘ynash mumkinligi uqtiriladi. Mashqlar usullar va harakatlar taktikasini qo‘llash taxmini bilan yakun topadi.

Taktik mashqlarni o‘rganuvchilar hakamlar rolini bajaradi. Qoidalarga oid dastlabki ma‘lumotlar avvalroq, alohida usulni o‘rganish chog‘ida aytildi. Hakam vazifasini himoyachi, to‘p oshiruvchi yoki mashqda qatnashmagan o‘yinchisi bajarishi mumkin. Hakamlik vazifasini bajarayotganlar harakatlarni qo‘llash qoida-

larini, xatolarni aniqlash va ularga yo‘l qo‘yilganda hakam ko‘r-satadigan ishorani tushunishga o‘rganishdan iborat. Bir necha guruh bir paytda mashq bajarganda hakam ishorasi xato signal hisoblanadi. Ovozli signallar boshqa guruhlarning shug‘ullanishiga xalaqit beradi.

Namunaviy mashqlar:

1. Ikki hujumchi tomonidan bir himoyachiga qarshi maydonda harakatsiz yo harakatlanib to‘p uzatish. Hujumchilar erkin holatga chiqish va to‘p olishga urinadi. To‘p uzatish usuli fintlar va yerdan sakratish bilan bajariladi.

2. 1x1 chiqishlar va ta‘qib yon chiziqdan oshirayotgan o‘yinchil bilan. Chiqishdan keyin 5 to‘p uzatishini qabul qilib, hujumchi oshiruvchi, himoyachi hujumga o‘tadi.

3. Darvozabon maydonidan oshiruvchi bilan 1x1 chiqish va ta‘qib. Chiqishdan keyin to‘p olgan hujumchi to‘p kiritishga, himoyachini aldashga, fint qilishga urinadi. To‘pni oshirgan darvozabon rolini bajaradi.

4. Olib yurish, yonga qochish va zarbalar bilan 1x1 o‘yin. Himoyachi zerb chog‘ida to‘pni olishga urinadi.

Guruhi harakatlar. Son jihatdan ustunlikka ega bo‘lgan hujumchilar harakatini o‘rganish ancha qulay. Keyin chiqishlar va to‘siqlar o‘rganiladi. Himoyachilar to‘pni egallab turgan o‘yinchini straxovka qilish, to‘siq qo‘yish va to‘p uzatishni mashq qilishadi.

Guruha taktik mashqlar harakat sifatlarini tarbiyalash mashqlari bilan bir vaqtda o‘tkazilishi mumkin. Taktik mashqlar bajarilgandan keyin guruhi navbat bilan kuch, tezlik-kuch sifatlari, sakrash chidamliligi bo‘yicha mashq bajarishadi. Shug‘ullanuvchilar turli xarakterdagi mashqlarda qatnashishi mumkin. Ayni paytda instruktor va hakamlik ko‘nikmalari takomillashtiriladi.

Namunaviy mashqlar:

1. Maydon bo‘ylab siljib, ikki hujumchining bir himoyachiga qarshi to‘pni uzatishi. Bu mashq darvozaga to‘pni otish bilan bajariladi.

2. 3x2 yoki 4x3 nisbatda hujum. Guruhlarda o‘yinchilar navbat bilan himoyachi bo‘ladilar.

3. 2x2 nisbatda hujum, to‘p uzatishdan keyin erkin pozitsiyaga chiqish.

4. Maydonning birinchi yarmida 2x2, 3x3, 4x4 kishilik o‘yin. Darvozaga hujum qilishdan keyin chiqishni va to‘pni egallagan o‘yinchini muhofaza qilishni o‘rgatish.

5. Chalishtirma qadam tashlab harakat va hujumchi orqasidan chiqayotganga to‘p uzatishdan keyin otish uchun chiqish.

6. Hujumchilarni kesishma chiqishidan keyin otishga to‘sinqo‘yish va himoyachilarga qo‘shilishi.

7. Bir necha hujumchining kesishma harakati va chiqayotgan o‘yinchilarga himoyachining qarshi chiqishi.

Namunaviy mashqlarni bajarish o‘yin vazifalarini belgilash va ma’lum pozitsiyalardan hujumda va himoyada o‘ynashni o‘rganishdan boshlanadi. Keyin bitta chiziq o‘yinchilari aloqasi va turli chiziqlar o‘yinchilari o‘rtasidagi aloqalar o‘rgatiladi. O‘yin kombinatsiyalari himoyachilarsiz, keyin passiv va faol himoyachilar bilan bajariladi. Bitta o‘yinchining tez yorib o‘tishi darvozabon bilan hamkorlikda, darvozaga zarba bergandan keyin hujum qilib turli sondagi guruh bilan maydon o‘rtasi yoki qanotdan yorib o‘tish bilan o‘rganiladi. Himoya harakatlari 6:0 zonada saflanishdan boshlanib, turli sondagi oldinga chiqarilgan o‘yinchi variantlari o‘rganiladi. Asta-sekin, himoyachilar faollashadi, individual himoya va uning faol shakllari o‘rganiladi.

Jamoaviy taktik harakatlarda barcha shug‘ullanuvchilar qatnashadi. Tez yorib o‘tishni o‘rganishda mashq qarama-qarshi darvozaga navbat bilan hujum uyushtirilib oqim (potok) bo‘lib o‘rganiladi. Maydonning bir yarmida uchta jamoa hujum va himoya harakatlarini takomillashtirishi mumkin. Topshiriq bir yoki bir necha to‘p kiritish yoki hujum qilgan jamoa to‘pni oldirgunigacha bajariladi. Himoyachilar to‘pni egallagach, o‘z harakatlarini tahlil qiladi. Hujumchilar himoyaga o‘tadi, bo‘sh jamoa hujumga o‘tadi. Uchta jamoa qarama-qarshi darvozaga hujum uyushtiradi, to‘p yo‘qotilgach hujumdan himoyaga o‘tiladi. Jamoa muvaffiqiyat qozonsa, qarama-qarshi darvozaga hujumni davom ettiradi. Jamoa harakatlarini sardorlar tashkil etadi. Harakatlar ustamovkasi va tahlil o‘qituvchi tomonidan boshqariladi. Bu mashqlarni bajarayotib, instruktorlik va hakamlik amaliyotini takomillashtirish imkoniyati mavjud.

Namunaviy mashqlar:

1. To‘pni darvozabondan qabul qilgan o‘yinchining qanotdan tez yorib o‘tishi. Mashq doira bo‘yicha bajarilib, 9 metrlik zarba bilan tugallanadi.
2. Maydon markazi yo qanotdan o‘yinchilar guruhi tez yorib o‘tishi. Hujumni himoyachisiz o‘yinchi yakunlaydi.
3. Maydonning birinchi yarmida zona himoyasiga qarshi o‘yin. Asta-sekin darvozabon maydonchasi chizig‘iga yorib o‘tib, hujumchilar to‘pni himoyachilar bo‘sh qoldirgan zonaga uzatadi.
4. Zonaning turli variantlariga qarshi hujum, bir yoki bir nechta chiziqdagi o‘yinchi bilan.
5. Individual himoyaga uzlucksiz to‘sinq bilan hujum. Himoyachilar ko‘chishlarni o‘rganadi.
6. Turli kuchga ega raqiblar bilan o‘quv mashq o‘yinlari.



NAZORAT SAVOLLARI

N a z a r i y

1. Qo‘l to‘pi o‘yini qachon paydo bo‘lgan?
2. Qo‘l to‘pi o‘yinining dastlabki qoidalari qanday bo‘lgan?
3. Xalqaro gandbol federatsiya qachon tashkil topgan?
4. Qo‘l to‘pi o‘yini bo‘yicha dastlabki jahon, Yevropa chepionati va olimpiada o‘yinlari haqida ma’lumot bering.
5. O‘zbekistonda qo‘l to‘pi o‘yini qachondan o‘ynala boshlandi?
6. To‘pni boshqarishning qanday usullari mavjud?
7. To‘p otishning qanday usullarini bilasiz?
8. To‘pni uzatishning qanday usullarini bilasiz?
9. To‘pni olib yurishning qanday usullarini bilasiz?
10. Qanday hollarda jarima va 7 metrlik jarima to‘pi belgilanadi?
11. Darvozabon o‘yini va uning harakatlari haqida nimalarni bilasiz?
12. Qo‘l to‘pi maydoni va jihozlarining o‘lchamlarini aytинг, gandbolchi sport formasiga qanday talablar qo‘yiladi?
13. Qanday hollarda 2 daqiqalik jarima beriladi?
14. Qo‘l to‘pi o‘yini texnikasi haqida nimalarni bilasiz?
15. Qo‘l to‘pi o‘yini taktikasi haqida nimalarni bilasiz?

A m a l i y o t

1. To‘pni vaqtga olib yurib, darvozaga aniq otish.
2. 3–4 metr oraliqda to‘pni tezlik bilan uzatish va qabul qilish (2–3 kishi bo‘lib, vaqtga).
3. 9 metrlik chiziqdan joyda turib, darvozaga otish.
4. Markazdan to‘pni olib yurib, 9 metrlik chiziqdan 3 qadam tashlab, darvozaga otish.
5. 7 metrlik jarima to‘pini aniq bajarish.

IV bo‘lim. FUTBOL

Futbol o‘yini rivojlanish tarixi

Futbol inglizcha *foot*—oyoq, *ball* — to‘p degan so‘zlardan olingan bo‘lib, Fransiya, Ispaniya, Rossiyada shu nom saqlanib qolgan. Germaniyada u «fusbal», Vengriyada «labduragach», Polshada «pilka nashka», Italiyada «kalchio» Amerikada «sokker» deyiladi.

Hozirgi zamon futbolining «ajdodi» bundan ikki ming yil avval qadimgi Sharq xalqlari va antik dunyo davlatlari — Yunoniston va Rimda ma’lum bo‘lgan «garpanon» (o‘sha paytda futbol shunday atalar edi) o‘yini hisoblanadi. Qadimda Yunoniston yoshlari, to‘pli o‘yin o‘ynagani yozilgan. Yuliy Sezarning rimlik legionerlari har qanday usul va uslublarni qo‘llagan holda to‘pni ustunlar orasiga kiritishga harakat qilganlar. Eramizdan avvalgi VI—IV asrlarda Xitoydagagi to‘pli o‘yin futbolga o‘xshagan. U harbiy tayyorgarlikning muhim elementlaridan biri hisoblangan.

Xitoy xonlar sulolasi tarixida (uning podshohlik davri eramizdan avvalgi 206-yildan to‘ eramizning 25-yillarigacha) «chju-ke» o‘yinini tavsiyi yoki bayoni saqlanib qolgan (chju — oyoqda tepish, ke — charmli to‘ldirma koptok ma’nosini bildiradi).

Yozma manbalarda bayon qilinishicha, imperatorning tug‘ilgan kunida saroy oldida ikkita kuchli jamoa o‘rtasida o‘yin o‘tkazilgan. O‘yinga maxsus maydoncha tayyorlangan. 30 fut balandlikdagi bambukli tayoqchalarni o‘rtasiga ipli to‘r tortilgan. To‘rdagi teshiklar diametri bir fudtan ko‘proq bo‘lgan. Ikkala jamoaning o‘yinchilari teshikka koptokni oyoqlari bilan tepib kiritishga harakat qilishgan. G‘oliblar esa gullar, mevalar va kumush billurlar bilan taqdirlangan. Ayni vaqtida mohir o‘yinchilar xizmat vazifasi bo‘yicha lavozimga ko‘tarilgan. Shunday vaqtlar bo‘lganki, bir o‘yinchilar koptok bilan chiroyli o‘yin ko‘rsatsa, unga general lavozimi berilgan. Shu bilan birga yutqizgan jamoaning sardori odatda oshkora ravishda qamchilash bilan jazolagan. Ko‘rinib turibdiki, yutqizgan jamoa

ham xatardan xoli emas edi. Tabiiyki, Xitoy futbol o‘yiniga o‘xshash o‘yinlar o‘ynalgan qadimiy davlatlardan biri bo‘lgan, xolos.

Mashhur fransuz futbol tarixchisi Moris Pefferkarning ta’kidlashicha, «lasul» o‘yinini hozirgi zamon futbolining ajdodi deb aytish mumkin. Chunki bu o‘yinda 2 ta jamoa ichiga latta yoki havo bilan to‘ldirilgan charm koptokda o‘ynashgan. Bu o‘yin O‘rta asrdayoq mamlakatda ommaviy o‘yin hisoblangan.

Italiya sport tarixchisining ta’kidlashicha, hozirgi zamon futboli Florensiyada XVI asrda «lasul» o‘yinidan emas, balki «kalchis» o‘yinidan kelib chiqqan. Italiyada O‘rta asrdayoq «kalchis» o‘yini hozirgi vaqtida ham saqlanib qolgan. An’anaga ko‘ra bu o‘yin Florensiya maydonida yiliga 2 marta – may oyining birinchi yakshanbasi va 24-iyunda o‘tkaziladi. Jamoalarning biri «Vyani» (oqlar), boshqasi esa «Rossi» (qizillar) deb ataladi. Ularning har birida 27 tadan o‘yinchilarning shulardan 15 tasi hujumchi, 12 tasi himoyachi vazifasini bajaradi. Ular butun maydon kengligida yoyilib, darvozani himoya qilishgan. 1339-yili qiroq Eduard III o‘zining maxsus farmonida London sheriflari (amaldorlari) diqqat-e-tiborini quyidagilarga qaratgandi: kamondan o‘q otish yoshlar uchun foydali bo‘lsa ham, har xil befoyda va futbolga o‘xshash «qonunsiz» yoki qoidaga xilof bo‘lgan o‘yinlar ko‘payishi hisobiga bu mashg‘ulot ikkinchi o‘ringa surilib qoldi. Xullas, qiroqga futbolning birinchi raqamli o‘yini yoqmagandi. Futbolni cheklash ishlari amalga oshirilishi shart edi. Lekin sheriflar qiroq farmonini bajarishga harakat qilmadilar. 40 yildan keyin Richard II yangi farmon qabul qilib, qirolliklarda futbol o‘ynashni man etdi.

Xuddi shunga o‘xshash farmon 1401-yilda Genrix IV tomonidan qabul qilindi. Lekin yana yoshlar sevib qolgan o‘yinni taqiqlashga, qilgan urinish zoye ketdi. Ana shunday taqiqlashlarga qaramasdan, koptok o‘yini o‘ziga baribir yo‘l ochdi. Koptok o‘yini birinchi navbatda Angliya kollej va universitetlarida tarqaldi. XIX asrning 2-yarmiga kelib bu o‘yin takomillashtirildi, dastlabki qoidalari ishlab chiqildi. Kembrij kollejida 1863-yili futbol uyushmasi tashkil etilib, futbol to‘pni oyoqda o‘ynash o‘yini deb ataldi. Koptokni ham qo‘l, ham oyoq bilan o‘ynaladigan o‘yin regbi deb nomlandi.

1863-yil 26-oktabrda Angliya futbol uyushmasi tomonidan 13 punktdan iborat futbol o‘yin qoidalari ishlab chiqildi. Albatta, uni hozirgi zamon qoidalari bilan solishtirib ko‘rliganda katta o‘zgarishlar bor. Lekin ushbu qoidalalar qo‘llanilib, asta-sekinlikda zamonaviy ko‘rinishga keldi.

1866-yilda darvoza ustunlari tepasidan arqon tortishga qaror qilindi. Arqonning yerdan balandligi 5,5 m qilib belgilandi.

1870-yilda burchak to'pi tepish qoidasi joriy etildi.

1871-yildan darvozabonga qo'lda o'ynashga ruxsat etildi.

1875-yilda ustunlarni birlashtiruvchi arqonlarning yerdan balandligi 2,44 sm va eni 7,32 sm ga almashtirildi. O'sha yili darvozaga to'p kiritilgandan keyin tomonlar almashinish qoidasi o'rniga o'yinchilar tanaffusdan qaytgandan keyin almashinish qoidasi kiritildi.

1880-yildan o'yinni hakam boshqardi. 1881-yildan boshlab, hakam maydonga 2 ta yordamchi bilan chiqadigan bo'ldi.

1891-yildan o'yin qoidasiga o'ta qat'iy jazo 11 metrlik jarima to'pi belgilanishi kiritildi.

1904-yili Xalqaro futbol federatsiyasi (FIFA) tuzildi.

1908-yildan boshlab futbol olimpiada o'yinlari dasturiga kiritildi.

1930-yildan har to'rt yilda futbol bo'yicha jahon championati o'tkaziladi.

1954-yildan boshlab UEFA (Yevropa futbol ittifoqi) va OFK (Osiyo futbol konfederatsiyasi) tashkil etildi.

O'zbekistonda futbolning rivojlanishi

Futbol o'yini O'zbekistonda XX asr boshlarida keng tarqala boshladi. 1912-yilda futbol o'yini Farg'ona va Qo'qon shaharlariga kirib keldi. O'zbek futboli tarixidagi ilk futbol jamoalari ham shu vohada paydo bo'lgan. Shundan so'ng Samarcand, Toshkent, Namangan, Andijon hamda O'zbekistonning boshqa shaharlariga tarqala boshladi va havaskor futbol klublari tashkil topdi. 1914-yil 25-mayda Toshkentda o'tkazilgan o'yinda Toshkent va Farg'ona futbol jamoalari qatnashdi. Bu o'yinda Toshkent jamoasi 3:2 hisobida g'alaba qozondi. 1920-yillarda futbol o'yini respublikaning barcha hududlarida ommalashdi. Futbol o'yinini yoshlar, talabalar, ishchi va dehqonlar ham o'ynay boshladilar. 1921-yilda Toshkent va Moskva futbolchilari uchrashdilar. 1927-yilda o'tkazilgan birinchi Butuno'zbek spartakiadasiga futbol o'yini ham kiritildi. 1928-yilda O'zbekiston terma jamoasiga asos solindi. O'sha kezlarda endi tashkil etilgan jamoa Moskvada o'tgan sobiq ittifoq bahslarida qatnashib, yaxshi natijalarni qayd etdi. Bu spartakiadada 27 ishchi futbol klublari, Angliya, Germaniya, Avstriya, Shvetsariya va Finlyandiya terma jamoalari qatnashdilar. Eng qiziqarli uchrashuv Shvetsariya —

O'zbekiston jamoalari o'rtasida bo'lib o'tdi. O'zbek futbolchilari jamoaviy o'yin ko'rsatib (asosiy vaqtida hisob 3:3), qo'shimcha vaqtida 8:4 hisobida g'alaba qozondilar.

1932-yilga kelib, o'zbekistonlik futbolchilar xalqaro o'yinlarda qatnashdilar. Jamoamiz havaskor futbolchilardan tashkil topgan Norvegiya va Germaniya terma jamoalarini mag'lubiyatga uchratdi. 1932-yilda O'zbekistonga Germaniya futbolchilari kelishdi. Bu jamoa juda kuchli futbolchilardan tashkil topgan bo'lib, ko'pchiligi Germaniya championati ishtirokchilari edi. O'zbekistonlik futbolchilar bu uchrashuvga yaxshi tayyorgarlik ko'rib, 4:2 hisobida g'alaba qozondi. 1934-yilda Toshkentda birinchi O'rta Osiyo spartakiadasi bo'lib o'tdi. O'zbekistonlik futbolchilar juda yaxshi qatnashib, barcha raqiblarini: Turkmanistonni — 3:1, Tojikistonni — 5:0, Qirg'izistonni 10:1 hisoblarida mag'lubiyatga uchratdilar. Qo'qondagi mashhur «Muskomanda»ni Kamol va Husan Muhiddinovlar, Oxunjon Boymatov, Hoshimjon Aminov kabi fidoiy kishilar tashkil etishgan. Keyinchalik unga toshkentlik Vladimir Dovjenko ustozlik qilgan. 1930-yillarda jamoa shuhrati Turkiston o'lkasi bo'yab keng tarqaldi.

«Muskomanda» 1934-yilda O'rta Osiyo va Qozog'iston respublikalari spartakiadasida g'olib bo'ldi. O'sha spartakiadada O'zbekiston futbol bo'yicha 2 ta jamoa bilan ishtirok etdi. Biri — «Muskomanda», ikkinchisi respublika terma jamoasi. «Muskomanda»ning yetakchi futbolchilari terma jamoa safidan joy olishdi.

Birinchi uchrashuvni turkmanistonliklar bilan o'tkazib 2:0 hisobida, ikkinchi o'yinda Tojikiston terma jamoasini 1:0 hisobida yutdi. Qirg'iz futbolchilari esa «Muskomanda» bilan maydonga tushmaslikni afzal ko'rdilar. «Muskomanda» shu tariqa O'rta Osiyo va Qozog'iston respublikalari spartakiadasining g'olibi bo'ldi. Husan Muhiddinov, darvozabon Kimyogarov va Jo'ra Saidov turnirning eng yaxshi o'yinchilari deb tan olindi.

1939-yildan e'tiboran O'zbekistonning yetakchi jamoalari Toshkentning «Dinamo», «TOLS», «Spartak» kabi futbol klublari sobiq ittifoq birinchiligidagi, mamlakat kubogi o'yinlarida, «B» toifasidagi sport ustalari o'rtasidagi musobaqlarda ishtirok eta boshladilar. Ayniqsa, 1947—49-yillarda respublikada futbol yuksalayotgan davr yaqqol sezildi. Bu davrda O'zbekiston futbolchilarining jismoniy tayyorgarligi yaxshilanib, texnik va taktik jihatidan kamol topayotgani ko'zga tashlandi. Biroq undan keyingi yillarda O'zbekiston futbolchilarining o'yin mahorati pasaya

boshladi, bu respublikamizda yoshlар o'rtasida futbolni ommashtirish yaxshi yo'lga qo'yilmagani, yosh futbolchilarning jismoniy tayyorgarligiga yetarlicha e'tibor berilmayotganining natijasi edi.

O'sha yillarda yoshlardan tuzilgan bir necha kuchli jamoalar paydo bo'ldi. Masalan, 1947-yilda «Pishchevik» ko'ngilli sport jamiyatining yosh jamoasi respublika championi bo'ldi.

1947-yilda Toshkent Okrug ofitserlar uyining futbol jamoasi «B» liga musobaqalariga qatnasha boshladi. Jamoa O'rta Osiyo musobaqalarida birinchi o'rinni egallab, zonalar g'oliblari o'rtasida o'tqazilgan final o'yinlarida qatnashish huquqini oldi.

Futbol qishloq joylarda ham keng yoyila boshladi. Juda ko'p xo'jaliklarda futbol jamoalari tuzilib, ular o'z mahoratlarini tinmay takomillashtira bordi.

1948-yilda Toshkent viloyatidagi «Polyarnaya zvezda» xo'jaligining jamoasi qishloq jamoalari o'rtasida respublika championi bo'ldi. O'sha yilning o'zida O'zbekiston futbolchilari O'rta Osiyo va Qozog'iston spartakiadasida g'olib chiqdi. Toshkent Okrug ofitserlar uyining jamoasi mamlakat Qurolli kuchlari jamoalari o'rtasida champion bo'ldi.

1951-yilda O'zbekistonning yoshlар jamoasi mamlakat birinchiligining O'rta Osiyo zonasida birinchi o'rinni egalladi.

Shundan keyingi yillarda respublika birinchiliklari mutazam ravishda o'tkazilib turildi va bu musobaqalarda O'zbekiston shaharlarining ko'plab jamoalari qatnashdi. 1953-yilda Toshkentdagi yoshlар sport maktabining futbol jamoasi respublika championi bo'ldi. Bu yoshlар o'rtasida futbol rivojlanayotganligidan dalolat berar edi. Respublika birinchiliklaridan tashqari, har yili O'zbekiston kubogi uchun ham musobaqalar o'tkazildi. Bu musobaqalarda yil sayin ko'proq jamoalar ishtirok etdi. Masalan, 1954-yili O'zbekiston kubogi uchun o'tkazilgan musobaqalarda 300 dan ortiq jamoa qatnashdi.

1956-yilda nafaqt O'zbekistonning, balki Osiyoning eng kuchli jamoalaridan biri «Paxtakor» futbol klubiga asos solindi. «Paxtakor» jamoasi 1962- hamda 1982-yillarda sobiq ittifoq championatida oltinchi o'rinni egalladi. 1968-yilda esa jamoa sobiq ittifoq kubogi bahslarining final ishtirokchisi bo'ldi. Final uchrashuvida Moskva-ning «Torpedo» jamoasiga 0:1 hisobida imkoniyat boy berildi.

1965-yil championat yakuniga ko'ra «Paxtakor» jamoasi «Вечерняя Москва» gazetasining maxsus sovriniga ega bo'ldi. Toshkent viloyatining «Do'stlik», Jizzaxning «Bo'ston», Farg'o-

naning «Neftchi», Namanganning «Navbahor», Samarqandning «Dinamo» futbol klublari ham sobiq ittifoq championatining birinchi ligasida muvaffaqiyatli ishtirok etishdi.

1991-yilda O'zbekiston mustaqillikka erishgach, 1992-yildan futbol bo'yicha O'zbekiston milliy championati o'tkazila boshlandi. O'zbekiston futbol federatsiyasi (O'FF) 1994-yil 7-iyundan FIFAg'a hamda dekabr oyida Osiyo futbol konfederatsiyasi (OFK)ga a'zo bo'ldi. Shu tariqa mamlakat jamoalari yirik xalqaro turnirda ishtirok etish huquqini qo'liga kiritdi. Jahon, Osiyo championatlari, olimpiada va Osiyo o'yinlari musobaqalarida ishtirok etishga imkoniyat yaratildi.

O'zbekiston terma jamoasi 1994-yilda Yaponiyaning Xirosima shahrida o'tkazilgan Osiyo o'yinlarida champion bo'ldi. Bu yutuq O'zbekiston terma jamoasining eng katta yutuqlaridan biri sanaladi. O'zbekiston futbol jamoalaridan Farg'onaning «Neftchi», Qarshining «Nasaf» hamda Toshkentning «Paxtakor» jamoalari Osiyo futbol konfederatsiyasi tomonidan o'tkaziladigan Osiyo championlar ligasi hamda Osiyo kubogi musobaqalarida muvaffaqiyatli ishtirok etib kelishmoqda. 2002-yil Qarshining «Nasaf» jamoasi Osiyo championlar kubogi musobaqasi saralash o'yinlarining 5 tasida g'alaba qozonib, yarim finalda Eronning «Istiqlol» jamoasiga 5:2 hisobida mag'lubiyatga uchrab 4-o'rinni egalladi. 2003-yil «Paxtakor» jamoasi Toshkentda Osiyo championlar ligasida Turkmaniston «Nisa» – 3:0 Eron («Piruz» – 1:0) va Iroqning («At-Tolib» – 3:0), futbol jamoalarini mag'lubiyatga uchratib, yarim finalda Tailandni «Bek-Tero Sosana» jamoasiga 2 o'yin natijasiga ko'ra imkoniyatni boy berdi. 2002-yilda 20 yoshgacha bo'lgan futbolchilardan iborat bo'lgan O'zbekiston yoshlar terma jamoasi jahon championatining final qismiga yo'llanmani qo'liga kiritdi. 2007-yilda esa «Paxtakor» MDH va Boltiqbo'yi davlatlari championlari kubogida g'olib chiqdi.

Qisqa davr ichida futbol klublari va terma jamoamizning xalqaro maydonda erishayotgan muvaffaqiyatlariga hukumatimizning shu sport turini mamlakatimizda rivojlantirish borasida ko'rsatayotgan g'amxo'rligining samaralari deb qarashimiz kerak. Yurtimizda futbolni yuksaltirishda O'zbekiston Respublikasining 1992-yilda (yangi tahrirda 2000-yilda) qabul qilingan «Jismoniy tarbiya va sport to'g'risida»gi qonuni, Vazirlar Mahkamasining futbolni rivojlantirishga yo'naltirilgan 1993-yil 18-mart va 1996-yil 17-yanvarda chiqargan qarorlari, O'zbekiston Respublikasi Prezidentining

futbolni yanada rivojlantirishga qaratilgan 2006-yil 30-mayda qabul qilgan qarori muhim ahamiyat kasb etayapti. Bu qarorlarni amalga oshirish jarayonida ko‘plab futbol maktab-internatlari, futbolga ixtisoslashtirilgan sport maktablari ochildi, mavjud internat-maktablarning moddiy-texnik bazasi yaxshilandi, futbol klublari faoliyati takomillashtirildi, futbolchi va futbol mutaxassislarini tayyorlashga e’tibor kuchaytirildi.

O‘yin texnikasi

O‘yinda qo‘yilgan maqsadga erishmoq uchun xilma-xil tarzda qo‘shib qo‘llaniladigan maxsus uslublar to‘plami futbol texnikasini tashkil etadi.

Texnik uslublar – bu futbol o‘yinini vujudga keltirish vositasi. Yuksak sport natijalariga erishish ko‘p jihatdan futbolchining ana shu xilma-xil vositalarni qanchalik bilishiga, raqib jamoa o‘yinchilari qarshilik ko‘rsatayotgan, ko‘pincha esa charchoq ortayotgan sharoitda, o‘yin faoliyatidagi turli holatlarda ularni mohirlik bilan samarali qo‘llashiga bog‘liq. Futbol texnikasini yaxshi bilish futbolchining har tomonlama tayyorgarlik ko‘rishi va garmonik kamol topishidagi ajralmas qismidir.

O‘yin taraqqiyotining keyingi yuz yildan ortiq tarixi mobaynida futbol texnikasida muayyan o‘zgarishlar bo‘ldi. Bu evolutsiyaning asosiy yo‘nalishlari quyidagilardan iborat: boshning chakka qismi va orqasi bilan zarba berish, to‘pni boldir bilan to‘xtatish singari noratsional uslub va usullarni qo‘llanish ancha kamayib ketdi, oyoq yuzi bilan zarba berishdan, to‘pni son va ko‘krakda to‘xtatishdan, to‘pni qo‘l bilan tashlash (darvozabon texnikasi)dan foydalanish koeffitsiyenti oshdi, aldash harakatlari (fintlar) ko‘paydi.

Hozirgi futboldagi texnik uslublar o‘yin harakatlari tezligi va aniqligini oshirish uchun kuchdan yetarlicha tejab foydalanish imkonini beradigan, biomexanika nuqtayi nazardan maqbul harakat tizimi bilan xarakterlanadi. Tez va ishonchli, soddaligini samarali bo‘lsin! Futbol texnikasini qo‘llashga qo‘yiladigan hozirgi kundagi talab ana shulardan iborat.

Futbol texnikasining klassifikatsiyasi (tasnifi)da texnik uslublar umumiy (yoki o‘xshash) va o‘ziga xos belgilariiga qarab guruhlarga bo‘linadi.

O‘yin faoliyati xarakteriga qarab futbol texnikasida ikkita yirik bo‘lim ajratiladi: maydon o‘yinchisi texnikasi va darvozabon

texnikasi. Har qaysi bo'lim esa quyidagi: harakatlanish texnikasi va to'pni boshqarish texnikasi bo'limchalariga bo'linadi. Kichik bo'limlar turli usullar iじro etiladigan aniq texnik uslublardan: harakatlanish texnikasi uslublari va usullaridan iborat. Bulardan maydon o'yinchilari va darvozabon foydalanadi. Ammo ayrim uslub va usullar o'zining muayyan turlariga ega. Usul va turlarda harakatning asosiy mexanizmi umumiy bo'lib, detallarigina farqlanadi. Har xil usul, uslub va turlarni iじro etish shartlari futbol texnikasini yanada turli-tuman qiladi.

O'рганилаган materialni sistemalashtirish, uslub, usul, turlarni tuzukroq tushunishga, ularni to'g'ri tahlil qilishga, ta'lim va olingen bilimlarni takomillashtirish vazifalarini muvaffaqiyatli hal qilishga yordam beradi.

Futbol texnikasining xarakteristikasi maydon o'yinchisi va darvozabon uchun umumiy kichik bo'lim bo'lgan o'yinda harakatlanish texnikasidan boshlanadi (53-rasm).


O'yinda harakatlanish texnikasi

O'yinda harakatlanish texnikasi quyidagi uslublar guruhini o'z ichiga oladi: yugurish, sakrash, to'xtash, burilish. O'yin vaqtida harakatlanish texnikasi uslublaridan xilma-xil tarzda qo'shib foydalaniladi. Yugurishning xilma-xil uslublarini sakrash, to'xtash, burilish bilan birga qo'shib olib borish futbolchi harakatlanishiga xos xususiyat hisoblanadi.


Harakatlanish texnikasining uslublari maydon o'yinchilari va darvozaboning to'pni boshqarish san'ati bilan chambarchas bog'liq. Harakatlanish texnikasi uslublarini unumli hamda kompleks tarzda qo'llash ko'p taktik vazifalarni (to'p olish uchun ochilish va raqibini chalg'itish, pozitsiya tanlash, o'yinchini to'sib olish va h. k.) samarali hal qilish imkonini beradi (54-rasm).

Yugurish. Futboldagi asosiy harakatlanish vositasidir. To'pni boshqarayotgan futbolchilar ham yugurish yordamida maydonda turlicha joylashib oladilar. Bundan tashqari, yugurish tarkibiy qism sifatida to'pni boshqarish texnikasiga ham kiradi. Futbolda yugurishning quyidagi uslublari qo'llaniladi: oddiy yugurish, tisarilib yugurish, chalishtirma qadam tashlab yugurish, juftlama qadam tashlab yugurish.

Oddiy yugurishdan asosan to'g'riga borayotgan o'yinchilar bo'sh joyga chiqish, raqibni quvish va hokazolarda foydalanadi. Bu



53-rasm. Futbol texnikasining klassifikatsiyasi.



54-rasm. Harakatlanish texnikasining klassifikatsiyasi.

harakat tizimi tuzilishi yengil atletika yugurishidan farq qilmagani uchun uni oddiy yugurish deyiladi. Qadam uzunligi, chastotasi va ritmidagina farqi bor, xolos.

Yugurish qadamingning uzunligi sprinterlarda 2—2,2 m ga teng bo'lsa, katta yoshli futbolchilarda o'rtacha 1,3—1,5 m ga teng. Qadamlar chastotasi sprinterlarda sekundiga 4—4,5 qadamga teng. Futbolchilarda chastota sal ortiqroq, sekundiga 5,1—5,5 qadam bo'ladi. Bu esa, havoda uchish fazasi qisqaroq bo'lgani sababli tez to'xtashga yoki tez burilib olishga yordam beradi.

Tisarilib yugurishdan asosan to'pni olib qo'yishda va to'sib olishda qatnashayotgan himoyadagi o'inchilar foydalanadilar. Yugurishning bu turi ham siklik (qo'shaloq qadamli) bo'ladi. Qisqa-qisqa, lekin tez-tez qadam tashlash, havoda uchish fazasining qariyb yo'qligiunga xos xususiyatdir. Buning sababi sultanish oyog'i orqaga uzatilganda sonning yozilishi cheklangan ekanidadir.

O'yin sharoiti ko'pincha maksimal tezlikda tisarilib yugurishni talab qilib qoladi. Bunda tezlik qadam chastotasini oshirish hisobiga ortadi, bu ko'proq oyoqning orqaga faol harakat qilishiga bog'liq.

Tisarilib yugurayotganda o'inchchi ba'zan muvozanatni yo'qotib yiqilib tushadi. Tayanch oyoq vertikal turgan paytda gavdaning og'irlik markazi o'qi tayanch yuzasining tepasida turishi o'yinchining holati turg'un bo'lishi shartlaridan biridir.

Chalish tirma qadam tashlab yugurishdan harakat yo'nalishini o'zgartirish uchun turgan joydan o'ngga yoki chapga sultanib yugurish paytida, burilib olgandan keyin foydalaniladi. U harakatlanishning o'ziga xos vositasi bo'lib, asosan boshqa yugurish turlari bilan birga qo'shib qo'llaniladi (55-rasm).



55-rasm.

Chalishtirma qadam tashlab yugurish yon tomonga bajariladigan yugurish qadamlari bilan xarakterlanadi. Qadam tashlash siklining birida sultanuvchi oyoqni tayanch oyoqning oldiga chalishtirib o'tkaziladi. Yugurish paytda havoda uchish fazasi juda qisqa.

Juftlama qadam tashlab yugurishdan taktik jihatdan kerakli holatga o'tishda (masalan, o'yinchi oldini to'sib olishda) foydalaniladi. U dastlab harakatlanish fazasi sifatida, keyinroq o'yindagi vaziyatga qarab, harakatlanish texnikasining turli uslublari sifatida ijro etiladi.

Juftlama qadam tashlab yugurish oyoqlarni sal bukib bajariladi. Birinchi qadamni harakat yo'nalishiga yaqin oyoqdan boshlab, yon tomonga tashlanadi. Ikkinci qadamda oyoqlar juftlanadi. Depsinish va siltanish harakatlari zo'r berish yuqori tomonga emas, balki yon tomonga yo'naltiriladi.

Sakrash. To'xtash va burilish uslublarining ba'zilarini ijro etishda sakrashdan foydalaniladi. Sakrash zarba berishning ayrim usullari, to'pni oyoqda, ko'krakda, bosh bilan to'xtatib qolish va ba'zi holdagi fintlar texnikasining tarkibiy qismlaridan biriga kiradi. O'yinda oldinga, yon tomonlarga, yuqoriga hamda shularga yaqin turadigan yo'nalishlarda sakraladi. O'yindagi vaziyat ko'p vaqtarda maksimal baland yoki maksimal uzun sakrashni talab qilmaydi. Bunda sakrashning samaradorligi futbol o'ynayotgan qadamning koordinatsion qobiliyati bilan belgilanadi va futbolchi o'zining turli dastlabki holatlaridan fazo, vaqt va kuch xarakteristikalarini optimal holatida bo'lgan harakatlar qilishi kerak bo'ladi.

Barcha xil sakrashlarda depsinish, havoda uchish va yerga tushish fazalari bo'ladi. Sakrashning ikki xil uslubi mavjud: bir oyoqda depsinib sakrash va ikki oyoqda depsinib sakrash.

Bir oyoqda depsinib sakrash oldinga, yon tomonlarga, yuqoriga bajariladi. Bunday sakrashda faol depsinib, ikkinchi oyoqni silkitib, gavda og'irlilik markazining o'qi sakrash tomonga o'tkaziladi. Sakrashning trayektoriyasi va kuchi o'yindagi vaziyatga bog'liq. Bir oyoqda yoki ikki oyoqda yerga tushiladi. Qisqa masofali, qattiq amortizatsiya keyingi harakatlarga tezroq va samaraliroq o'tish imkonini beradi. Og'irlilik markazi o'qining proyeksiyasi tayanch yuzasining chegarasida yoki undan tashqarida bo'lishi ham shunga yordam beradi.

Sakrab to'pga bosh qo'yganda ko'pincha maksimal baland ko'tarilish kerak bo'ladi. Bunda yugurib kelib depsinadigan oyoqni


taqqa to‘xtaydigan qilib (tayanchga nisbatan burchak hosil qilib) qo‘yish yordam beradi. Sal cho‘qqaygandan keyin yuqoriga yoki yuqorilab oldinga tomon faoldepsinish kerak bo‘ladi, bunda qo‘llarni ko‘krak baravar silkitib ko‘tarish depsinishning samaradorligini oshiradi.

Ikk i oyoqdadepsinib sakrash – bunday usul bilan oldinga, oldinlab yon tomonga va oraliq yo‘nalishlarida sakraladi. Turgan joydan sakraganda o‘yinchi depsinish oldidan tezda salgina cho‘nqayadi. Oyoqlarini faol to‘g‘rilash bilan birga gavda og‘irlilik markazining o‘qi sakrash tomoniga o‘tkaziladi va qo‘llar silkitiladi. Yugurib kelib sakrayotganda so‘nggi qadamda bir oyoqni taqqa to‘xtaydigan qilib qo‘yiladi. Cho‘nqayish paytida ikkinchi oyoq birinchisi yoniga tezlik bilan juftlanadi. Depsinish havoda uchish va yerga tushish fazalari turgan joydan sakragandagi kabi bo‘ladi.

To‘xtash. Harakatlanish texnikasida to‘xtashga harakat yo‘nalishini o‘zgartirishning samarali vositasi deb qaraladi. To‘satdan to‘xtab qolganda, raqiblarning qayerda, qanday joylashganiga qarab turib to‘p bilan ham, to‘psiz ham o‘sha ketayotgan tomoniga qarshi tomoniga yo‘naladi, o‘ngga yoki chapga ochib qolinadi.

To‘xtashda ikki xil uslub vositasi qo‘llaniladi: sakrab to‘xtash va tashlanib to‘xtash.

Sakrab to‘xtash uchun sal yuqoriga qisqaroq sakrab, siltangan oyoqda yerga tushiladi – bunda turg‘unlik bo‘lishi uchun shu oyoq sal egiladi. Ammo ko‘pincha yerga ikki oyoqlab tushiladi (56-rasm).



56-rasm.

Tashlanib to'xtash so'nggi yugurish qadami hisobiga bajariladi. Bunda siltangan oyoqni oldinga uzatib, tovonga tiralinadi, keyin oyoqni rostmana yerga qo'yiladi. Tashlanib to'xtash oyoqlarni anchagina bukib, ikki oyoqqa tayanib qolish bilan xarakterlanadi.

Barcha xil to'xtashlardan keyin, odatda, turli yo'nalishlarda harakat davom ettiriladi. Shuning uchun to'xtashdagi so'nggi holat harakatning start holati bo'lishi kerak.

Burilish. Burilish yordamida futbolchilar tezlikni minimal kamaytirib, yugurish yo'nalishini o'zgartiradilar. Odatda turgan joyda burilgandan keyin start harakatlari boshlanadi. Shuningdek, burilish, zarba berish, to'pni to'xtatish, to'pni olib yurish va fintlarning ayrim usullarini bajarish texnikasi tarkibiga ham kiradi.

Burilishning quyidagi uslublaridan foydalilanadi: hatlab o'tib burilish, sakrab burilish, tayanch oyoqda burilish. O'yin sharoitiga qarab yon tomonlarga va orqaga burilish mumkin. Burilish turgan joyda ham, harakat paytida ham bajarilaveradi.

Hatlab o'tib burilganda qisqa-qisqa 2–3 qadam tashlash hisobiga kerakli yo'nalishga qarab olinadi. Harakat yo'nalishini to'satdan va tez o'zgartirishda s a k r a b b u r i l i sh samaraliroqdir. Bu ish burilish tomonga faoldepsinib bajariladi. Silkinishda oyoqning kafti ham shu tomonga aylantiriladi. Sakrash unchalik baland bo'lmasa ham to'la-to'kis bajariladi.

Tayanch oyoqda burilishning ikki turi bor. Birinchisida burilish yo'nalishidan uzoqdagi oyoqqa tayanib burilinadi. Bunda futbolchi gavda og'irlilik markazi o'qining proyeksiyasini tayanch sath chegarasidan chiqarib, tayanch oyoq uchida burilish tomoniga aylanadi. Ikkinchisida harakat yo'nalishiga yaqin oyoqqa tayanib burilinadi, gavda og'irlilik markazining o'qi burilish tomoniga ko'chadi. O'tkaziladigan oyoqni ham shu yo'nalishda tayanch oyoqning old tomoniga chalishdirib qo'yiladi. Burilish sal bukilgan tayanch oyoq uchida bajariladi.

Maydon o'yinchisining texnikasi

Maydon o'yinchisining texnikasi ikkita kichik bo'limdan iborat. Bulardan biri harakatlanish texnikasi bo'lsa, ikkinchisi to'pni boshqarish texnikasidir.

Maydon o'yinchilari harakatlanish texnikasining yuqorida tahlil qilingan xilma-xil uslublari, usul va turlarining barchasidan foydalananadilar.

To‘pni boshqarish texnikasiga quyidagi uslublar guruhi kiradi: zarba berish, to‘pni to‘xtatish, to‘pni olib yurish, aldash harakatlari (fintlar), to‘pni olib qo‘yish. Bundan tashqari, qo‘lda bajariladigan spetsifik usul — yon chiziqning narirog‘idan to‘pni tashlab berish ham to‘pni boshqarish texnikasiga kiradi.


O‘yin vaqtida qaysi usul qancha miqdorda ijro etilishi futbolchilarining o‘yindagi funksiyalariga bog‘liq. Usullarning ijro etish sifati esa maydon o‘yinchilarining hammasida yuksak darajada bo‘lishi kerak.

To‘pga zarba berish

To‘pga zarba berish futbol o‘ynashning asosiy vositasi hisoblanadi. To‘pga oyoq bilan va bosh bilan turli usullarda zarba beriladi. Zarba berishning klassifikatsiyasi berilgan (57-rasm). Zarba berishning barcha usullari muayyan maqsadga qaratilgan bo‘lib, bu to‘pning keraklicha trayektoriya bo‘ylab harakatlanishi va optimal (ko‘pincha esa maksimal) tezligi bilan xarakterlanadi. To‘pning uchish tezligi zarba beruvchi bo‘g‘in (oyoq yoki bosh) bilan to‘pning o‘zaro to‘qnashgan paytdagi boshlang‘ich tezligiga, shuningdek, ular massasining bir-biriga nisbatiga bog‘liq. O‘zaro ta’sir etuvchi bo‘g‘inlarning massasi nisbatan muhim bo‘lgani sababli to‘pning uchish tezligini oshirish uchun zarba beruvchi bo‘g‘in tezligini oshirish kerak bo‘ladi.

To‘pga oyoq bilan zarba berish. To‘pga oyoq bilan zarba berish oyoq kaftining ichki tomoni bilan, oyoq yuzining ichki, o‘rtaligida va tashqi qismlari bilan, oyoq uchi bilan, tovon bilan bajariladi. ZARBALAR harakatsiz turgan to‘pga, shuningdek, turli yo‘nalishlarda dumalab va uchib kelayotgan to‘pga turgan joydan, harakat vaqtida, sakrab turib, burilib, yiqla turib beriladi.

Oyoq kaftining ichki tomoni bilan tepish asosan qisqa va o‘rtaligida masofaga to‘p uzatishda, shuningdek, mo‘ljalga yaqin masofadan tepilayotganda qo‘llaniladi. Shunday zarba berish texnikasining ba’zi xususiyatlarini ko‘rib chiqamiz. Yugurish boshlanadigan joy, to‘p va mo‘jal (nishon) taxminan bir chiziqda bo‘ladi. Zarba beruvchi oyoqni orqaga tortish so‘nggi yugurish qadamidagi ortki depsinish hisobiga bajariladi. Tepish harakati sonni oldinga bukish bilan bir vaqtida zarba beruvchi oyoqni tashqari tomon burishdan (supinatsiyadan) boshlanadi. Zarba berish paytida taranglangan oyoqning uchi tashqari tomon burilgan, uning kafti esa to‘p



57-rasm. *To'pga zarba berishning klassifikatsiyasi.*

uchadigan yo'nalishga nisbatan aniq to'g'ri burchak hosil qilgan bo'lishi kerak. Oyoq uchi sal ko'tarilgan bo'ladi. Zarba berish oyoq kafti ichki sathining o'rtasi bilan ijro etiladi. Oyoqning zarba berish vaqtidagi holati to'pni surib borish vaqtida ham saqlanib qoladi (58-rasm).




58-rasm.

Oyoq kaftining ichki tomoni bilan tepilganda to'pga oyoqning kattaroq sathi tekkan uchun bunday tepish anchagina aniq bo'ladi. Biroq zarba beruvchi oyoqning orqaga tortilishi maksimal darajaga yetmagani sababli, bu usulda berilgan zarbaning kuchi boshqa usullardagiga nisbatan kamroq bo'ladi. Bu esa tos-son bo'g'inining chekka holatdagi baquvvat paylari yozilayotganda son suyagi boshini bo'g'in churuchasiga siqib, sonning zarba berish harakati uchun zarur bo'lgan supinatsiyasini yo'q qilib qo'yishi bilan bog'liq.

Oyoq yuzining ichki qismi bilan tepish o'rtacha va uzun uzatishlarda, darvoza qarshisidan zarba berish va hamma masofalardan nishonga tepish paytalarida qo'llaniladi. Mazkur tepishni bajarishda to'p va nishonga nisbatan 45° hosil qilib yugurib kelinadi. Yo'l qo'yish mumkin bo'lgan xususiy chetlanishlar 30° dan 60° gacha bo'lishi mumkin. Bunda zarba beruvchi oyoqning orqaga tortilishi maksimal darajaga yaqin bo'ladi. Tizzasi sal bukilgan tayanch oyoq kaftining tashqi qismi (oyoq tagining tashqi cheti) yerga qo'yiladi. Gavda tayanch oyoq tomonga sal engashadi. Tepish harakati sonni bukishdan boshlanib, boldirni keskin yozib yuborish bilan tugaydi. Oyoq uchi pastga cho'zilgan, oyoq tarang bo'ladi. Zarba paytida to'p bilan tizza bo'g'inini birlashtirib turuvchi shartli o'q frontal tekislikda og'ibroq turadi. Ana shu shart, shuningdek, zarbani to'pning o'rta qismiga berish natijasida to'p past trayektoriya bo'ylab uchadi. Oyoq yuzining o'rta qismi bilan tepishni bajarish ko'p jihatdan oyoq ichki qismi bilan tepishga o'xshaydi, lekin uni bajarish detallari biroz farq qiladi (59-rasm).

Yugurib kelish chizig'i, to'p va nishon taxminan bir chiziqdada bo'ladi. Oyoqni orqaga tortish ham, zarba berish harakati ham qat'iyan sagittal tekislikda (oldinga-orqaga yo'nalishida) bajariladi.



59-rasm.


Tayanch oyoqning tovoni to'pning yon tomoniga qo'yiladi — bunda oyoq bilan to'p baravarlashadi. Tepish harakati davomida to'p tayanch oyoq kafti tovonidan yumalab uchiga ko'tariladi. To'p bilan

tizza bo'g'inini birlashtirib turuvchi shartli o'q zarba paytida qat'ian vertikal bo'ladi. Bu holat to'pni surib borish vaqtida saqlanib qoladi.

To'p bilan oyoqning to'qnashish sathi kattagina ekanı zarba berishni anchagina aniq bajarish imkonini beradi. Yugurib kelish, oyoqni orqaga tortish va tepish bir tekislikda bajarilgani uchun harakat sistemasi biomexanika jihatidan kerakligicha ishlataladi hamda boshqa usullardagiga nisbatan kattaroq kuch bilan tepiladi. Biroq, oyoq yuzining o'rta qismi bilan tepilganda oyoq uchi maksimal darajada pastga tortilgan bo'lishini yodda tutish kerak. Buning natijasida oyoq kafti yerga tegib ketib, oyoq og'rishi va lat yeishi mumkin. Bu esa ehtiyyot tormozlanish oqibatida ko'pincha harakat amplitudasi o'zgarishiga, zarba kuchi kamayishiga, uning samaradorligi pasayib ketishiga olib kelishi mumkin.

Oyoq yuzining tashqi qismi bilan tepish burama zarba berish paytida eng ko'p qo'llaniladi. Oyoq yuzining o'rta va tashqi qismlari bilan tepishdagи harakatlarning strukturasi o'xshash bo'lib, farqi bunda tepish harakati vaqtida boldir bilan oyoq kafti qismi ichkari tomonga qarab buriladi.

Oyoq uchida tepish kutilmaganda, tayyorgarlik ko'rmay turib, nishonga tepib qolish zarur bo'lib qolganda bajariladi. Bundan tashqari, bu tepish raqibdagи to'pni tashlanib yoki shpagat qilib tepib yuborishda ancha samaralidir (60-rasm).



60-rasm.

Tepish paytida yugurib kelish ham, to'p va nishon ham bir chiziqda bo'ladi. Yugurib kelganda o'ng qadamdagи depsinish, tepish uchun oyoqni tortish ham hisoblanadi. Tepish harakati

tizza sal bukilgan tarang oyoqda bajariladi. Tepish paytida oyoq uchi sal ko'tarilgan bo'ladi.

Oyoq uchining zarba beruvchi sathi juda kam bo'lgani uchun bu usulda, ayniqsa to'p yumalab kelayotgan bo'lsa, tepish unchalik aniq chiqmaydi.

Harakatsiz to'pni tepish. Boshlang'ich, jarima va erkin to'p tepish, burchakdan to'p tepishda, shuningdek, darvozadan to'p tepishda o'yinchi harakatsiz yotgan to'pni tepadi. Zarba berishning barcha usullaridagi ijro texnikasining yuqorida zikr etilgan struktura xususiyatlari harakatsiz yotgan to'pni tepishga ham to'lig'icha taalluqli bo'lib, faqat taktik vazifalar qandayligiga qarab tayyorlov fazasida yugurib kelishning uzoq-qisqaligi va tezligi har xil bo'ladi.


Dumalab kelayotgan to'pni tepish. Dumalab kelayotgan to'pni tepishda ham zarba berish asosiy usullari va turlarining hammasi qo'llaniladi. Bunday zarba berishdagi texnik harakatlar yerda harakatsiz yotgan to'pni tepishdagi harakatlardan farq qilmaydi. Asosiy vazifa o'z harakati tezligini to'p harakatining yo'nalishi va tezligi bilan muvofiqlashtirib olishdan iborat. To'pning quyidagi asosiy harakat yo'nalishlari bor: o'yinchidan nari ketish, o'yinchi ro'parasidan, yon (o'ng va chap) tomonidan, shuningdek, shu yo'nalishlar oralig'idan kelish.

Tayanch oyoqni yerga qo'yish, ya'ni kichik fazani qanday bajarishning xususiyatlari ana shu yo'nalishlarga qarab belgilanadi. O'yinchidan nariga dumalab ketayotgan to'pni tepishda tayanch oyoq to'pdan nariroq o'tkazilib, uning yon tomoniga qo'yiladi. Ro'paradan dumalab kelayotgan to'pni tepishda tayanch oyoq to'pga yetib bormaydi. Agar to'p yon (o'ng yoki chap) tomonidan dumalab kelayotgan bo'lsa, uni to'pga yaqinroq oyoq bilan tegpan ma'qul.

Hamma hollarda ham tayanch oyoqni to'pdan qancha oraliqda qo'yish to'pning harakat tezligiga bog'liq bo'lib, buni zarba berish harakati vaqtida to'p tayanch oyoq bilan tenglashib qoladigan qilib mo'ljallash kerak. Ana shu holat zarba berish uchun eng qulay hisoblanadi.

To'pga bosh bilan zarba berish


Bu texnik uslub muhim vosita hisoblanadi. To'pga bosh qo'yish o'yin jarayonida yakunlovchi zarba berishda ham, sheriklarga to'p oshirishda ham qo'llaniladi. Peshana bilan zarba berish va shuning



61-rasm.

odimlab tik turishdir. Boshni orqaga tortishda o'yinchi gavdasini orqaga engashtiradi, orqadagi oyog'ini bukib, gavda og'irligini shu oyoqqa o'tkazadi. Qo'llar tirsakdan sal bukilgan bo'ladi (61-rasm). Zarba berish harakati orqada turgan oyoqni to'g'rakash va gavdani rostlashdan boshlanib, boshning old tomon keskin harakati bilan tugallanadi. Gavdaning og'irligi oldindagi oyoqqa o'tkaziladi.

Sakrab peshana bilan zarba berish bir oyoqda yoki ikki oyoqda depsinib, yuqoriga qarab bajariladi (62-rasm).




62-rasm.

To'pni to'xtatish

To'pni to'xtatish to'pni qabul qilish va egallah vositasi bo'lib xizmat qiladi. To'xtatishdan maqsad keyingi kerakli harakatlarni amalga oshirish uchun dumalab va uchib kelayotgan to'pning tezligini so'ndirishdan iborat. «To'pni to'xtatish» terminini ba'zida «to'pni moslash», «to'pni qabul qilish» deb yuritiladigan ma'noda tushunish kerak bo'ladi. Shuning uchun to'pni to'xtatish usullarini ko'rib chiqayotganda futbolchi to'pni butunlay to'xtatib olmay, balki uni keyingi harakatlarini bajarish uchun moslab (o'tkazib) olishini nazarda tutamiz. To'pni oyoq bilan, gavda va bosh bilan to'xtatiladi. To'pni to'xtatish klassifikatsiyasi berilgan (63-rasm).

variantlari bu uslubdagi eng ko'p foydalananiladigan usullardir. Shuning uchun o'yindagi vaziyatga qarab peshana bilan zarba berishning ikki xil varianti qo'llaniladi: sakramay zarba berish va sakrab zarba berish.

Sakramay peshana bilan zarba berishdagi dastlabki holat kichikroq (50—70 sm)




Turli trayektoriya va turli yo'nalishda yumalab hamda uchib kelayotgan to'pni turgan joyda, harakat vaqtida, sakrab turib oshirish

63-rasm. To'pni to'xtatish klassifikatsiyasi.

To'pni oyoq bilan to'xtatish — eng ko'p qo'llaniladigan texnik uslub. Uni turli usullarda bajariladi. Oyoq kaftining ichki tomoni, tagcharrm, oyoq yuzi, o'rtा qismi, son, oyoq yuzi ichki qismi, oyoq kafti tashqi tomoni, ko'krak, qorin, peshana bilan to'xtatish. Harakatning asosiy fazalari hamma usullar uchun umumiyligiga ega.

Oyoq kaftining ichki tomoni bilan to'p to'xtatish yumalab va uchib kelayotgan to'plarni qabul qilishda qo'llaniladi. To'xtatuvchi yuza bilan amortizatsiyalash yo'li anchagina katta bo'lgani sababli



64-rasm.

bu to‘xtatish usulining ishonchililik darajasi katta bo‘ladi (64-rasm).

Dumalab kelayotgan to‘pni to‘xtatish uchun dastlabki holat — to‘p tomonga qarab turish. Gavda sal bukilgan, og‘irlik tayanch oyoqda. To‘xtatuvchi oyoq olg‘a tomon (to‘p qarshisiga) uzatiladi. Oyoq kafti tashqariga 90° buriladi. Oyoq uchi sal ko‘tariladi. To‘p bilan oyoq kafti to‘qnashgan paytda to‘xtatuvchi oyoq tayanch oyoq

darajasi qadar orqaga olinadi. To‘xtatuvchi yuza oyoq kafti ichki yuzasining o‘rtasiga to‘g‘ri keladi.

Pastlab, ya’ni tizza baravar uchib kelayotgan to‘plarni to‘xtatishdagi harakatlar dumalab kelayotgan to‘plarni to‘xtatishdagi harakatlardan unchalik farq qilmaydi. Biroq, past uchib kelayotgan to‘pni to‘xtatadigan oyoq tayyorlov fazasida bukilib, to‘p balandligiga qadar bukiladi.

Balandlab uchib kelayotgan to‘plar sakrab to‘xtatiladi. Bir yoki ikki oyoqda depsinib, yuqoriga sakraladi. To‘xtatuvchi oyoqning tos-son va tizza bo‘g‘inlari qattiq bukiladi. Oyoq kafti tashqari tomonga buriladi. To‘p to‘xtatilgandan keyin bir oyoqda yerga tushiladi.

Tagcharm bilan to‘pni to‘xtatish dumalab kelayotgan va pastga tushayotgan to‘plarni to‘xtatishda qo‘llaniladi. Dumalab kelayotgan to‘pni to‘xtatishdagi dastlabki holat — to‘p tomonga qarab turish, gavda og‘irligi tayanch oyoqda. To‘p yaqinlashib qolganda to‘xtatuvchi oyoq sal tizzadan bukilib to‘p tomonga uzatiladi. Kaftining uchi $30-40^{\circ}$ yoziq (yuqori ko‘tarilgan) bo‘ladi. Tovon yer yuzasidan 5—10 sm yuqoriroqda turadi (65-rasm).



65-rasm.

To‘p bilan tagcharm to‘qnashgan paytda ozroqqina orqaga sindiruvchi harakat qilinadi. Pastga tushib ketayotgan to‘pni tagcharm bilan to‘xtatish uchun uning yerga tushadigan joyini aniq mo‘ljal qila bilish kerak. To‘xtatuvchi oyoq tizzadan bukilib, to‘p tushadigan joy tepasiga keltiriladi, oyoqning uchi sal ko‘tarilgan, ammo oyoqning o‘zi biroz bo‘sashtirilgan bo‘lishi kerak. To‘pni u yerga tekkan paytda to‘xtatish mumkin. Bunda oyoq kafti to‘pni yerga qisib qoladi (lekin bosib yurolmaydi).


Oyoq yuzi bilan to‘p to‘xtatish keyingi yillarda keng tarqalgan bo‘lib, harakat tizimini aniq idora qilishni talab etadi. To‘xtatuvchi yuza, ya’ni oyoqning yuzi anchagina qattiq va o‘lchami kichik bo‘lgani sababli harakat tuzilishida salgina adashish yoki to‘pning trayektoriyasi va tezligini noaniq mo‘ljallab to‘xtatishda jiddiy xatoga olib keladi.

Oyoq yuzasi bilan ko‘pincha o‘yinchining oldiga kelib tu-shayotgan to‘p to‘xtatiladi. Pastlab kelayotgan, ya’ni trayektoriyasi past to‘pni to‘xtatishda tos-son va tizza bo‘g‘inlari taxminan 90° bukilgan to‘xtatuvchi oyoq oldinga uzatiladi. Uning uchi buzik (pastga tortilgan). To‘p bilan oyoq yuzi to‘qnashgan paytda (to‘p juda tez kelayotganda esa sal oldinroq) orqaga amortizatsiyalovchi harakat qilinadi. To‘xtatuvchi sath oyoq yuzining o‘rta qismiga to‘g‘ri keladi.


Baland trayektoriyali, tushib kelayotgan to‘pni to‘xtatishda to‘xtatuvchi oyoqning kafti yerga parallel turadi. To‘p oyoq yuzining pastki qismiga (barmoqlarga yaqin joyga) tushiriladi. Pastlatib orqaga tomon so‘ndiruvchi harakat qilinadi.

Son bilan to‘p to‘xtatish hozirgi futbolda ko‘p qo‘llaniladi. Buning sababi shundaki, tushib-keleshdagи trayektoriyasi har xil to‘plarni son bilan to‘xtatish mumkin. Bundan tashqari, to‘xtatuvchi sath bilan amortizatsiyalash yo‘li anchagina katta bo‘lgani uchun bu juda ishonchli hisoblanadi (66-rasm).

Oyoq yuzining ichki qismi bilan to‘pni o‘tkazish. Bu usul bilan ko‘pincha yon tomonga yoki orqaga to‘p o‘tkaziladi. Dastlabki holat – tushib kelayotgan to‘p tomonga yarim burilib turish. To‘pga yaqinroq turgan to‘x-



66-rasm.



67-rasm.

tuzilishining uch fazali ekanı ko'krak bilan to'p to'xtatishga xos xususiyatdir (67-rasm).

Tayyorlov fazasida to'pni to'xtatish uchun qulay holatda turib olinadi: futbolchi to'p tomonga qarab oladi; oyoqlar kerilgan yoki kichikroq qadam (50–70 sm) kengligida ochilgan holda turiladi; ko'krak sal oldinga olingan, qo'llar tirsagi sal bukilgan, past tushirilgan. Ishchi faza so'ndiruvchi harakat bilan xarakterlanadi. To'p yaqinlashib kelganda gavda orqaga tortilib, yelka bilan ikki qo'l oldinga chiqariladi. Yakunlovchi fazada og'irlik markazi o'qi to'p bilan harakat qilish mo'ljallangan tomonga o'tkaziladi.

Ko'krak balandligida uchib kelayotgan hamda turli trayektoriyada pastga tushib kelayotgan to'plarnigina ko'krak bilan to'xtatsa bo'ladi. Turli trayektoriyada uchib kelayotgan to'plarni to'xtatishda harakat mexanizmi asosan bir xil bo'lib, ayrim detallaridagina farq bor.

Ko'krak balandligida kelayotgan to'pni to'xtatishda o'yinchi oyoqlarini kichikroq qadam kengligida ochib, to'ppa-to'g'ri tik turadi, gavdaning og'irligi oldində turgan oyoqqa tushadi. So'ndiruvchi harakat qilganda gavda og'irligi orqadagi oyoqqa o'tkaziladi.

Pastga tushayotgan to'pni to'xtatishda gavda orqaga tortiladi. Og'ish burchagi to'pning uchish trayektoriyasiga bog'liq (ko'krak tushib kelayotgan to'pga nisbatan to'g'ri burchak hosil qilish kerak).

Ko'krak bilan to'p to'xtatishdagi amortizatsiyasini juda aniq mo'ljallay bilish hamda so'ndiruvchi harakatni o'z vaqtida bajarish lozim.

tatuvchi oyoq tizzadan sal bukilgan bo'lib, yon tomonga, to'p qarshisiga uzatiladi. To'p yaqinlasha boshlaganda oyoq uning ketidan harakat qilaveradi. To'p yerdan sapchish paytida unga yetib olib, oyoq kafti bilan bosib tushish kerak.


Ko'krak bilan to'p to'xtatish.

Bunda ham to'pni to'xtatish amortizatsiya va so'ndiruvchi harakatga asoslangan bo'ladi. Harakat


To‘pni olib yurish

To‘pni olib yurish yordamida o‘yinchi har xil joyga ko‘chib yurishi mumkin. Bunda to‘p doim o‘yinchi nazoratida bo‘ladi. To‘pni olib yurishda yugurib (ba’zan yurib), to‘pga turli xil zarba beriladi. Zarba berish ketma-ket va turli maromda, oyoq bilan yoki kalla bilan ijro etiladi.

To‘pni olib yurish klassifikatsiyasi 68-rasmida berilgan. To‘p olib yurishning ba’zi usullari mustaqil ahamiyatga ega bo‘lmay, o‘yinda o‘z holicha kamdan kam qo’llaniladi. Ammo ularni to‘p olib



68-rasm. To‘pni olib yurish klassifikatsiyasi.



69-rasm.

yurishning boshqa xillari bilan birga qo'shib olib borilishi o'rinli bo'ladi. Masalan, son yoki bosh bilan (huqqa-bozlikdagi singari) to'p olib yurish ko'p jihatdan noo'rin. Lekin o'yinda ko'pincha shunday vaziyatlar yuzaga keladiki, unda to'pni oldin bir necha marta boshda urib, keyin sonda ozroq o'ynatib, pirovardida oyoq bilan kerakli usulda olib yurishga o'tiladi.

Oyoq bilan to'pni olib yurish. To'pni olib yurishning bu asosiy uslubi yugurish (goho yurish) hamda to'pga oyoq bilan turli usullarda zarba berib borishning birga qo'shilganidir. Yugurish va to'pga oyoq bilan zarba berish texnikasining tahlili alohida-alohida yuqorida berilgan. Shuning uchun to'p olib yurishning eng muhim detallari va xususiyatlariga to'xtalib o'tamiz (69-rasm).

To'pni olib ketayotganda taktik vazifalardan kelib chiqib to'pga har xil kuch bilan zarba beriladi. Kattaroq masofani bosib o'tish kerak bo'lsa, to'pni o'zidan 10–12 m uzoqlashtirib yuguriladi. Bunda raqib qarshilik ko'rsatsa, to'pni olib qo'yishi mumkin. Shuning uchun to'pni uzluksiz nazorat qilib borish va 1–2 m dan ortiq uzoqlashtirib yubormaslik kerak. Shu bilan birga to'pga tez-tez zarba beraverish ham to'pni olib yurish tezligini kamaytirib yuborishini unutmaslik kerak.

Ko'rilgan ikkala holda ham zarba berish uchun maxsus silkinish harakatlar qilishning zarurati yo'q. Orqa oyoqda depsinish zarba berish uchun tayyorlov fazasi bo'ladi. Tayanch oyoq to'pning yonginasiga qo'yiladi. Silkish oyog'i to'p tomon harakat qilib zarba beradi.

To'pni olib yurishning o'yinda eng ko'p qo'llaniladigan bir nechta turi bor. Ular bir-biridan zarba berish usuli bilangina farq qiladi.

Oyoq yuzini o'rta qismi bilan va oyoq uchi bilan to'p olib ketayotganda asosan to'g'ri chiziqli harakat qilinadi. Oyoq yuzining ichki qismi bilan olib yurish yoy bo'ylab harakatlanish imkonini beradi. Oyoq kaftini ichki tomoni bilan to'pni olib yurish harakat yo'nalishini keskin o'zgartirishga imkon beradi. Oyoq yuzining

tashqi qismi bilan to‘p olib yurishni universal usul deb hisoblasa bo‘ladi. Bu usul to‘g‘ri chiziqli harakat qilish, yoy bo‘ylab harakatlanish va yo‘nalishni o‘zgartirish imkonini beradi.

Sakrab borayotgan to‘pni olib yurishda oyoq yuzining o‘rta qismi bilan yoki son bilan zarba berib boriladi. Bu ikkala usulda to‘pni yerga tushirmay olib yurish mumkin.

Bosh bilan to‘pni olib yurish. Bu uslubni qo‘llaganda o‘yinchi turli yo‘nalishlarda harakatlar qiladi va ketma-ket bosh qo‘yish yordamida to‘pni yerga tushirmay olib yuradi. Asosan peshana bilan zarba beriladi. To‘pni oldinga tomon uning ketidan yetib borib yana bosh urishga ulguradigan darajada kuch va trayektoriya bilan yo‘naltiriladi.


Aldash harakatlari (fintlar)

Futbol texnikasining raqib bilan bevosita yakkama-yakka kurashda bajariladigan uslublar guruhi aldash harakatlari (fintlar)ni tashkil etdi. Fintlar raqib qarshiligini yengish va o‘yinni davom ettirish uchun qulay sharoit yaratish maqsadida ishlataladi (70-rasm). Fintlardan foydalanish hujumda ham, himoyada ham ko‘p taktik masalalarni muvaffaqiyatli hal qilish imkonini beradi.

Futbol texnikasida aldash harakatlarining quyidagi asosiy uslublari ko‘zga tashlanadi: «qocha turib» aldash, «zarba berib» aldash, «to‘pni to‘xtatib» aldash. Bu fintlar va ularning turlarini bajarishning xilma-xil usullari fintlar klassifikatsiyasida berilgan.

Oyoqni to‘p ustidan o‘tkazib «qochish». Bu fint ko‘pincha raqib orqadan hujum qilganda qo‘llaniladi. To‘p o‘zida bo‘lgan o‘yinchi tayyorlov harakatlarida yon tomonga (masalan, chapga) ketmoqchi ekanini ko‘rsatadi. Gavdasini chap tomonga buradi, o‘ng oyog‘ini chalishtirib to‘p ustidan o‘tkazadi-da, chap tomonga tashlanadi. Orqadan hujum qilayotgan raqib to‘pni ko‘rmaydi. Tashlangan o‘yinchi ergashib, u ham chapga tashlanadi. Ana shu paytda to‘p o‘zida bo‘lgan o‘yinchi tezlik bilan o‘ngga aylanib, to‘pni oyoq yuzining tashqi qismi bilan oldga yo‘naltiriladi-da, keyin o‘yindagi vaziyatga qarab, harakatni davom ettiradi.

To‘pni «tepib» fint qilish. Ana shu fintni bajarishning ba’zi xususiyatlarini ko‘rib chiqamiz. Yakkama-yakka tortishuvda qatnashayotgan raqib ro‘paradan yoki oldindan sal yon tomondan kelayotgan bo‘lsa, unga yaqinlashayotib, zarba beruvchi oyoq orqaga tortiladi. Bunday holat to‘p nishonga tepilishi yoki uzatib



70-rasm. Fintlarning klassifikatsiyasi.

yuborilishidan dalolat beradi. Buni ko'rgan raqib to'pni tortib olishga yoki to'p uchib o'tishi kerak bo'lgan zonani to'sishga harakat qiladi. Buning uchun u harakatni sekinlashtiradigan va to'xtatib qo'yadigan tashlanish, shpagat, sirpanish harakatlarini bajaradi. Bundan tashqari, ana shunday holatlarda yakkama-yakka tortishuv harakatlariga o'tish uchun bir qadar vaqt kerak bo'ladi. O'yindagi vaziyat, sheriklar-u raqiblarning turishi, qarshilik ko'rsatayotgan




71-rasm.

raqibning holati qandayligiga qarab, asl niyatini amalga oshirish bosqichini tegishli usulida sekingina tepilib, raqibdan oldinga, o'ngga, chapga yoki orqaga qochib ketiladi.

Bordi-yu, to'p uzatilgan bo'lib, sheriklardan biri to'pning harakat yo'lida (qulayroq) vaziyatda turgan bo'lsa, asl niyatini amalga oshirish bosqichida to'p ochiq turgan sherikka o'tkazib yuboriladi.

To'pni oyoqda «to'xtatib» fint qilish. To'pni oyoqda to'xtatib qilinadigan aldash harakati to'p olib yurganda va uni sheriklaridan biri oshirib bergandan keyin turli usullarda bajariladi (72-rasm).

To'pni olib ketayotganda raqib uni yon tomondan va yondan, orqaroqdan kelib, olib qo'yishga harakat qilganda to'pni tagcharm bilan bosib va bosmasdan «to'xtatish» finti ishlataladi.



72-rasm.

Birinchi holatda to‘p olib kelayotgandagi yugurish qadamining navbatdagisida o‘yinchi tayanch oyog‘ini to‘la to‘p ortiga yaqin qo‘yib, uni raqibdan uzoqroq oyog‘i tagcharmi bilan bosib qoladi. Go‘yo to‘p bilan birga to‘xtatmoqchidek harakat qilinadi. Raqib bunga javoban harakatni sekinlashtiradi, ana shu paytda to‘pni old tomon sekingina tepiladi-da, yana olib ketilaveradi.

Ikkinci holda esa, tayyorlov bosqichida to‘pni to‘xtatayotganga o‘xshash harakat qilinadi. O‘yinchi harakatini sal sekinlatib, oyoq kaftini to‘p ustiga qo‘yadi. Asl niyatni amalga oshirish bosqichi oldingi yo‘nalishda tezlatib ketilaveradi.


Sherik to‘pni uzatgandan keyin «to‘xtatib» aldash harakatini bajarishda bir oyoqqa tayanch holatga o‘tib, to‘xtatuvchi oyoq to‘p kelayotgan tomonga uzatiladi. Raqib to‘pni qabul qilib olayotgan o‘yinchiga hujum qiladi. Ana shu paytda o‘yinchi to‘pni to‘xtatish o‘rniga, o‘tkazib yuboradi-yu, 180° ga aylanib, yana egallab oladi.

To‘pni olib qo‘yish

Asosan raqib to‘pni olib ketayotganda yoki qabul qilib olayotganda undan to‘pni olib qo‘yishga harakat qilinadi. To‘pni olib qo‘yishning samarali chiqishi futbolchining vaziyatni baholash qobiliyatiga, ya’ni raqibgacha va to‘pgacha bo‘lgan masofani, ularning harakatlanish tezligini, o‘yinchilar qanday turganligini va h.k. ni aniq mo‘ljallay bilish qobiliyatiga bog‘liq. Raqibga yaqinlasha borayotib yoki ungacha bo‘lgan oraliq masofani saqlab turib, raqib to‘pni sal o‘zidan uzoqlashtirganda unga hujum qilish kerak. Ana shu paytda hujum qilgan o‘yinchi otilib borib, to‘pni tepib, to‘xtatib yoki raqibni yelka bilan turtib, to‘pni tortib oladi.


To‘p olib qo‘yish ikki xil bo‘ladi: to‘la olib qo‘yish va chala olib qo‘yish. To‘lasida olib qo‘yuvchining o‘zi yoki uning sherigi to‘pni egallab oladi. Chalasida esa to‘pni ma’lum masofaga uzoqlashtiriladi yoki yon chiziqdan chiqarilib yuboriladi. Bunda to‘pni raqib egallab olsa ham uning hujum qilish harakatiga xalaqit beriladi va himoyani oqilonqa qayta tuzib olish uchun vaqtadan yutiladi. Raqib hujum sur’ati va rejasini o‘zgartirishga majbur bo‘ladi.

Murakkab o‘yin vaziyatlarida to‘pni olib qo‘yish maqsadida tashlanib olib qo‘yish, sirpanib olib qo‘yish degan murakkab usullar qo‘llaniladi. To‘pni olib qo‘yishning klassifikatsiyasi ko‘rsatilgan (73-rasm).



73-rasm. To'pni olib qo'yishning klassifikatsiyasi.

To'pni tashlanib olib qo'yish raqibdan o'zib, 1,5–2 m masofadagi to'pni olib qo'yish imkonini beradi. Raqib o'ng yoki chap tomondan o'tib ketmoqchi bo'lganida shu usul qo'llaniladi. To'p tomoniga tez harakat qilib unga tashlaniladi. Tashlanish kengligi to'pgacha bo'lgan masofa qanchaligiga bog'liq. Yetish qiyin bo'lgan to'plarni yarim shpagat yoki shpagat qilib olib qo'yiladi. Tashlanib to'pni olib qo'yishda to'pni tepish yoki to'xtatishdan foydalaniladi. Birinchisida raqib oyog'idan to'p ko'proq oyoq uchi bilan tepib yuboriladi. To'xtatishga harakat qilganda esa oyoq kafti bilan to'p yo'li to'siladi va uning harakati yo'nalishida olib ketilishiga imkon berilmaydi.




74-rasm.

Sirpanib to‘pni olib qo‘yish o‘yinchidan 2 m dan ham narida bo‘lgan to‘pni egallab olish imkonini beradi. Bunda ko‘proq orqadan yoki yon tomondan kelib to‘pni olib qo‘yiladi. Hujum qiluvchi o‘yinchi raqibga yaqinlashib qolganda yiqila turib oyoqlarini oldinga uzatib yuboradi. O‘yinchi o‘t usida sirpanib borib, to‘p

yo‘lini to‘sib qo‘yadi yoki uni tepib yuboradi (74-rasm).


Raqibni yelkada turtib yuborib to‘pni olib qo‘yish o‘yin qoidalariiga muvofiq bajarilishi kerak. To‘pni boshqarayotgan o‘yinchi masofada faqat yelka bilan raqibning yelkasiga turtishga ruxsat etiladi (75-rasm). Faqat to‘pni olib qo‘yish maqsadida turtish mumkin bo‘lib, bu hech qachon qo‘pol va xavfli xarakterda bo‘imasligi lozim. Bu uslublardan muvaffaqiyatliroq foydalanish uchun yelkada turtishni raqib bir oyoqqa (uzoqroqdagi oyog‘iga) tayanib turganida bajarish kerak.



75-rasm.

To‘pni tashlash – maydon o‘yinchilari qo‘lda bajaradigan yagona uslub. To‘p tashlash harakatining tuzilishi ko‘p jihatdan futbol qoidalari talabiga qarab belgilanadi va unchalik murakkab hisoblanmaydi. Biroq to‘pni uzoqroq (25–30 m) masofaga yetkazib tashlash uchun maxsus ko‘nikma hosil qilingan bo‘lishi va qorin, yelka kamari hamda qo‘ldagi mushak guruhlariga muayyan darajada kuch berilishi kerak.

To‘pni tashlashda uni keng yozilgan barmoqlar yon tomonidan (o‘yinchiga qaragan tomoniga yaqinroq) qamrab turadigan qilib, bosh barmoqlar qariyb bir-biriga tegadigan darajada qo‘lga olinadi (76-rasm).



76-rasm.

Qo‘lni yuqoridan orqaga tortish tayyorlov bosqichi hisoblanadi. Dastlabki holat – oyoqlarni (yelka kengligida) kerib turish yoki bir qadam tashlagan holatda turish. To‘pni tutgan qo‘llar tirsakdan sal bukiladi va yuqori ko‘tarilib, boshdan orqaga o‘tkaziladi. Gavda orqaga egiladi, oyoqlar tizzasi bukilib, gavdaning og‘irligi (qadam tashlab turgan holatda) orqadagi oyoqqa tushadi.


Darvozaboning o‘yin texnikasi

Darvozaboning o‘yin texnikasi maydon o‘yinchisining o‘yin texnikasidan tubdan farq qiladi. Bu darvozabonga qoidaga binoan jarima maydoni ichida qo‘l bilan to‘pni o‘ynashga ruxsat etilgani bilan bog‘liqdir.

Quyidagi uslublar guruhi darvozaboning texnikasiga kiradi: to‘pni ilib olish, qaytarish, yo‘nalishini o‘zgartirish va tashlash. O‘yinda sheriklar va raqib jamoasi o‘yinchilarining qayerda turganiga, shuningdek, to‘p harakatining yo‘nalishi, trayektoriyasi va tezligiga qarab darvozabon harakatining xilma-xil uslublari, usul va turlari qo‘llaniladi. Ularning klassifikatsiyasi berilgan (77-rasm).

O‘yin jarayonida darvozabon maydon o‘yinchisi ixtiyoridagi kerakli texnik uslublardan foydalanaveradi.

Texnik uslublarning muvaffaqiyatli bajarilishi ko‘p jihatdan darvozaboning harakatga qanchalik tayyor turganligi bilan belgilanadi. Darvozaboning to‘g‘ri dastlabki holatda bo‘lishi uning harakatga tayyor ekanligi omillaridandir. Bunday dastlabki holat oyoqlarni yelka kengligida kerib, sal bukib turish bilan xarakterlanadi.



77-rasm. Darvozabonning texnikasining klassifikatsiyasi.

Yarim buzik qo'lllar ko'krak balandligida oldinga uzatilgan bo'ladi. Kaftlar orqa tomon, ichkariga qaragan. Barmoqlar sal bo'-shashtirilgan. Dastlabki holatning to'g'ri bo'lishi darvozabonga og'irlik markazi o'qini tezlik bilan tayanch sathidan tashqari chiqarib, lozim bo'lgan harakatlarni oddiy, juftlama yoki chalishtirma qadam tashlab, sakrab va yiqilib bajarish imkonini beradi.

To'pni ilib olish


To'pni ilib olish – darvozabon o'yin texnikasining asosiy vositasi. Bu ko'pincha ikki qo'llab amalga oshiriladi.

To'pning yo'nalishi, trayektoriyasi va tezligi qandayligiga qarab, uni pastdan, yuqoridan yoki yondan ilib olinadi. Darvozabondan anchagina naridan uchib borayotgan to'plarni yiqila turib ilib olinadi.

To'pni pastdan ilib olish darvozabon tomon yumalab kelayotgan, yuqoridan tushib kelayotgan va past (ko'krak balandligada) uchib kelayotgan to'plarni egallab olishda qo'llaniladi.

Yumalab kelayotgan to'pni ilib olishning tayyorlov bosqichida darvozabon oldinga engashib, qo'llarini pastga tushiradi (78-rasm). Bunda kaftlar to'pga qaragan, sal yoziq, yarim buzik barmoqlar yerga tegay deb turadi. Qo'llarni haddan tashqari tarang tutmasligi kerak. Oyoqlar juftlangan, bukilmagan yoki sal bukilgan bo'ladi.

Keyingi bosqich shundan iboratki, to'p qo'lga tegishi paytida barmoqlar uning ostidan tutib oladi, qo'llar tirsakdan bukilib, to'pni qorin tomon torta boshlaydi. Pastga tushirilgan qo'llar vaznining amortizatsiyasi ta'siri va bukilishi hisobiga to'pning tezligi so'ndiriladi. Yakunlovchi bosqichda darvozabon qaddini rostlaydi.



78-rasm.


Hozirgi zamon futbolida yumalab kelayotgan to‘pni ikki qo‘llab pastdan ilib olishning boshqa variantlari ham qo‘llaniladi. Bu variantning xususiyati shundaki, unda oldinga engashish o‘rniga taxminan 50–80° tashqariga burilib turib bir oyoqda cho‘nqayiladi. Tizzasi anchagina bukilib, uchiga tayanib turilgan ikkinchi oyoq ham tashqariga buriladi. Pastga tushirilgan qo‘llarning kafti to‘pga to‘g‘rilangan bo‘ladi. To‘pni bevosita ilib olish yuqorida tasvirlangan variantlardagi singari bo‘ladi. Yakunlovchi bosqichda oyoqlarni burish va to‘g‘rilash hisobiga darvozabon qaddini rostlab, keyingi harakatlar uchun kerakli dastlabki holatni oladi. To‘sinqning muhofaza qilish sathi anchagina bo‘lgani uchun to‘p ilib olishning bu varianti dinamik jihatdan ishonchliroqdir.

Past (qorin balandligi darajasida) uchib kelayotgan va darvozaboning old tomonida yuqoridan tushib kelayotgan to‘plarni ilib olishda tayyorlov bosqichida salgina bukilgan qo‘llar kaftlarini oldinga qaratib, to‘p qarshisiga uzatiladi. Barmoqlar biroz yoziq va yarim bukik bo‘ladi. Ayni vaqtda gavda ozroqqina oldinga engashadi, oyoqlar esa sal bukiladi. Oyoqlarning qay darajada bukilishi to‘pning uchib kelish trayektoriyasiga bog‘liq. To‘p qo‘lga tegish paytida darvozabon uning ostidan barmoqlari bilan tutib oladi-da, qorni yoki ko‘kragi tomon torta boshlaydi. To‘p anchagina tez kelayotgan bo‘lsa, oyoqlarni to‘g‘rilash va gavdani oldinga engashtirish hisobiga orqa tomonga surilib qo‘srimcha so‘ndiruvchi harakat qilinadi.


O‘yin jarayonida darvozaboning yon tomonidan yumalab va past uchib kelayotgan, shuningdek, uning old tomonida ancha nariga tushayotgan to‘plarni ilishga ham to‘g‘ri keladi. Bunday hollarda oldin to‘pning harakat yo‘nalishi tomonga qarab jiladi.

Bu ish yugurish qadami, juftlama qadam yoki chalishtirma qadam bilan, shuningdek, ko‘proq bir oyoqda depsinib yuqoriga, old bilan yuqoriga yoki yon tomonga yuqorilab sakrash bilan amalgalashiriladi. Shundan keyingi harakatlar sistemasining tahlili yuqorida berilgan.

To‘pni yuqoridan ilib olish o‘rtacha trayektoriyada (ko‘krak va bo‘y baravar) uchib kelayotgan, shuningdek, baland uchib kelayotgan to‘plarni egallab olish uchun qo‘llaniladi (79-rasm).



79-rasm.




80-rasm.

Baland to‘plarni, ya’ni baland trayektoriyada uchib kelayotgan to‘plarni qo‘lga kiritish uchun sakrab ikki qo‘lda yuqorida ilib olish qo‘llaniladi (80-rasm). To‘pning uchish yo‘nalishiga qarab bir yoki ikki oyoqda depsinib yuqoriga, yuqorilab oldinga yoki yonga sakraladi. Harakatlanayotgan paytda asosan bir oyoqda, joyda turganda esa ikki oyoqda depsinib sakraladi. Depsinish paytida qo‘llar bilan silkinish harakat qilib, qo‘l o‘ng tomon yuqoriga uzatiladi. To‘pni ilib olgandan keyin oyoqlarni biroz egib yerga tushiladi.

To‘pni yondan ilib olish darvozabonning yon tomoniga o‘rtacha trayektoriyada uchib kelayotgan to‘plarni qo‘lga kiritish uchun qo‘llaniladi (81-rasm).

Tayyorlov bosqichida qo‘llar cho‘zilib yonga, to‘p uchib kelayotgan tomonga uzatiladi. Panjalar deyarli parallel, barmoqlar sal yoziq va yarim bukik. Gavdaning og‘irligi to‘p ilinadigan tomonagi oyoqqa o‘tkaziladi. Gavda ham shu tomonga sal buriladi. Keyingi va yakunlovchi bosqichlarning bajarilish strukturasi jihatidan to‘pni yuqoridan ikki qo‘llab ilib olishdagiga o‘xshaydi.

To‘pni yiqila turib ilib olish darvozabondan chetga qo‘qqisdan, aniq, goho esa juda qattiq yo‘naltirilgan to‘plarning qo‘lga kiritishning samarali vositasidir. To‘p uzatilganda (darvoza bo‘ylab «g‘izillatib» berilganda) ushlab qolish va raqib oyog‘idagi to‘pni olib qo‘yishda qo‘llaniladi.




81-rasm.

Yiqila turib to‘p ilishning ikki varianti bor: uchish bosqichisiz ilish va uchish bosqichida bo‘limganda ilish.

Birinchi variantda odatda darvozabonning yon tomoniga undan 2–2,5 m narida yumalab yoki past uchib kelayotgan to‘plarni ilib olish uchun qo‘llaniladi. Tayyorlov bosqichida to‘p harakati tomonga katta qadam tashlanadi. To‘pga yaqin turgan oyoq qattiq bukiladi. Og‘irlilik markazining o‘qi tayanch sathidan chiqarilib, pastroq tushiriladi. Qo‘llar to‘p tomonga keskin uzatiladi, bu gavdaning harakatlanishiga ham, yiqilishiga ham yordam beradi. Yerga tushish quyidagi tartibda bo‘ladi: oldin oyoqning boldir qismi, keyin tos-son va gavdaning yon qismlari yerga tegadi. Parallel uzatilgan qo‘llar to‘p yo‘lini to‘sib chiqadi. Panjalarning turishi, shuningdek, bevosita to‘p ilib olish yiqilmay ikki qo‘llab yuqorida ilishda qanday bo‘lsa shunday. Darvozabon g‘ujanak bo‘layotganida qo‘llarini bukib, to‘pni ko‘kragiga tortadi. Ayni vaqtida oyoqlarini ham bukadi.

Darvozabondan ancha narida dumalab va uchib kelayotgan to‘plarni ilib olish uchun bosqichli yiqilish qo‘llaniladi (82-rasm).



82-rasm.

Dastlabki bosqichida darvozabon uchib kelayotgan tomonga tezda bitta yoki ikkita jutflama yoki chalishtirma qadam tashlaydi. Bunday paytda qanday harakatlanish usulini tanlash va undan foydalanish darvozabonning hosil qilgan ko‘nikmalariga bog‘liq. Depsinishga tayyorlanish gavdani oldinga engashtirib, og‘irlilik markazi o‘qini tayanch sathidan chetga chiqarishdan boshlanadi. To‘p kelayotgan tomonga yaqin oyoqda depsiniladi. Qo‘llar to‘p tomonga keskin uzatiladi. Ularning harakati va ikkinchi oyoqning silkib bukilishi depsinish kuchining oshishiga yordam beradi. Depsinish bur-chagining qanday bo‘lishi to‘pning uchish balandligiga bog‘liq. Baland kelayotgan to‘plarni ilib olishda yuqorilab yon tomonga, o‘rtacha balandlikda kelayotganlarini ilishda esa yon tomonga depsinib

chiqiladi. Dumalab kelayotgan va past uchib kelayotgan to‘plarni ilib olishda gavda ko‘proq engashadi, depsinuvchi oyoqning bukilishi ko‘proq, darvozabonning uchish trayektoriyasi past, yer bilan parallel bo‘ladi. To‘p darvozabonning uchish bosqichida ilib olinadi. To‘p qo‘lga kiritilgandan keyin g‘ujanak bo‘linadi (oyoqning tos-son bo‘g‘ini bukiladi), bu old-ort o‘qi atrofida oldga tomon aylanishiga olib keladi. Tortish kuchi ta‘sirida quyidagi tartibda yerga tushiladi: oldin bilak, keyin yelka, gavda va tosning yon qismlari, oyoqlar yerga tegadi.

To‘pni qaytarib yuborish

To‘pni ilib olish mumkin bo‘lмаган hollarda (raqibning xalaqit berishi, juda qattiq tepilganligi, to‘pga yetish qiyinligi va h.k. sababli) to‘p qaytarib yuboriladi. Darvozabonning darvozaga ketayotgan to‘p yo‘lini to‘sishdagi, to‘g‘ridan g‘izillatib uzatilgan va yuqorida uzatib tushirilgan to‘plarni olib qolishdagi harakatlari to‘pni qaytarib yuborilishiga kiradi. Bunda darvozabon to‘pni egallab olmaydi.

To‘pni ikki qo‘llab ham, bir qo‘llab ham qaytarib yuboriladi. Birinchi uslub ishonchliroq, chunki bunda to‘sib qoluvchi sath kattaroq bo‘ladi. Biroq ikkinchi uslub darvozabondan ancha narida o‘tayotgan to‘plarni qaytarib yuborish imkonini beradi.

To‘pni bir qo‘llab yoki ikki qo‘llab qaytarishda dastlabki va tayyorlov bosqichlaridagi harakatlar ko‘p jiqatdan to‘pni yuqoridan va yondan ilib olishdagi harakatlarga o‘xshaydi. To‘pning harakat yo‘nalishi va trayektoriyasiga moslab, darvozabon taranglashgan, barmoqlari sal yoziq bitta qo‘lini yoki ikkala qo‘lini tezlik bilan to‘p qarshisiga uzatadi. To‘pni ko‘pincha qo‘llar bilan qaytariladi. Gohida to‘p bilakka tegib qaytadi. To‘pni qaytarib yuborganda darvozadan yon tomonga yo‘naltirish tavsiya etiladi.


Darvozabondan ancha naridagi to‘plarni yiqila turib bir yoki ikki qo‘llab qaytarib yuborish kerak. Bunda qaytarib yuborish qiyinroq bo‘lgan to‘plarga bir qo‘lda yetib olish mumkinligini nazarda tutish kerak.

To‘p harakatining yo‘nalishi, trayektoriyasi va tezligi qandayligiga qarab, yiqila turib to‘p ilishdagi singari dastlab, to‘p tomoniga siljilinadi-da keskin depsiniladi. Tarang uzatilgan bir yoki ikkala qo‘l to‘p qarshisiga chiqib, bir yoki ikkala kaft bilan, bir yoki ikkala qo‘lni musht qilib to‘p qaytarib yuboriladi. Yakunlovchi

bosqichda to‘pni yiqila turib ilishdagi harakatlarga o‘xshab g‘ujanak bo‘lib yerga tushiladi.

To‘g‘ridan g‘izillatib uzatilgan va yuqoridan uzatib tushirilgan to‘plarni to‘sib qolayotganda darvozabon raqib o‘yinchilari bilan kurashda to‘pni anchagina nariga qaytarib yuborishi kerak. Buning uchun to‘pni u bir yoki ikkala qo‘lini musht qilib urib yuboradi. Musht bilan to‘pni qaytarishda zarba berishning ikki varianti bor: yelkadan boshlab urish va bosh ortidan boshlab urish.

Yelkadan boshlab urishning tayyorlov bosqichida darvozabon tirsagi bukilgan zarba beruvchi qo‘lini yelkasi tomon tortadi (83-rasm). Gavdasi ham shu tomonga buriladi. Zarba berish harakati gavdani dastlabki holat tomonga burishdan boshlanib, qo‘lni keskin to‘g‘rilash bilan tugaydi. Qo‘l to‘la to‘g‘rilanib olguniga qadar to‘p



83-rasm.

mushtga tegadi. Zarba barmoqlarning birinchi suyagiga to‘g‘ri keladi.

Bosh ortidan boshlab urish uchun sal bukilgan qo‘l yuqori ko‘tarilib, bosh orqaga tortiladi. Gavda ham orqaga egiladi. Gavda bilan qo‘lni keskin to‘g‘rinishi hisobiga zarba beriladi. To‘pga u sal oldinda paytida bevosita zarba berishi kerak. Zarba barmoqlarning o‘rta suyagi bilan beriladi.

To‘pni ikkala qo‘lni mushtlab qaytarib yuborish ishonchliroq bo‘ladigan vaziyatlar ham (masalan, to‘p ho‘l va og‘ir bo‘lsa) uchrab turadi. Zarba berishdan oldingi dastlabki holat – tirsaklar bukilgan, musht tugilgan qo‘llar ko‘krak oldida (bunda har ikkala musht tugilgan qo‘l barmoqlari juftlanib, bir-biriga tegib turishi kerak). Tarang tortilgan ikkala qo‘lni baravariga to‘g‘rilab, mushtlar bilan to‘pga zarba beriladi.

To‘pni joyida turib, qadam tashlab, turli harakatlanishlardan keyin va ayniqsa sakrab turib bitta yoki qo‘lni musht qilib urib qaytarib yuborish mumkin. Sakrab to‘p qaytarish darvozabonga baland to‘plar uchun raqibga qarshi muvaffaqiyatli kurashish imkonini beradi. Bunda bir yoki ikkala oyoqda depsinib, yuqorilatib oldga tomon sakraladi. Uchish bosqichida tayyorgarlik harakatlari qilinadi. Zarba berish harakati ko‘tarilishning eng yuqori nuqtasiga yetganda (yoki shundan sal oldinroq) boshlanadi. Yerga oyoqlarni sal bukib tushiladi.

To‘pni qo‘ldan sirg‘anib ketishiga yo‘l qo‘ymaslik uchun barcha hollarda to‘pgal mushtning o‘rtaligini bilan zarba berilishi kerak.

To‘pni tashlab berish


Hozirgi futbolda darvozabonlar to‘pni ko‘pincha tashlab beradilar, chunki bunda to‘pni tegpandagidan ko‘ra aniqroq yo‘naltirib berish mumkin. Tashlash masofasiga kelganda esa, tegishlichcha jismoniy tayyorgarligi va a’lo darajada ratsional texnikasi bo‘lgan darvozabon to‘pni anchagina (35–40 m) masofaga tashlab bera oladi.

Bu texnik uslub odatda bir qo‘llab, ahyon-ahyonda ikki qo‘llab bajariladi.

To‘pni bir qo‘llab tashlab berish yuqoridan, yondan va pastdan bajariladi (84-rasm).

To‘pni yuqoridan tashlab berish — eng ko‘p tarqalgan usul. Bu usulda sheriklarga turli trayektoriyada, anchagina masofaga va yetarlicha aniq to‘p tashlab berish mumkin.

To‘p tashlashdan oldingi dastlabki holat — bir qadam tashlab tik turish. To‘p shundoqqina kaft ustida bo‘lib, yoziq va yarim bukilgan barmoqlar uni tutib turadi. Tayyorlov bosqichida qo‘l tortiladi. To‘p tutgan qo‘l tirsagi bukilib, yon tarafдан orqaga tortilib, bosh balandligida (yoki yana sal balandroq) yuqori ko‘tariladi. Gavda shu qo‘l tortilgan tomonga burilib, sal oldinga enga-




84-rasm.

shadi. Tana og'irligi orqadagi sal bukilib turgan oyoqqa o'tkaziladi. Oldindagi oyoqning uchi yerda bo'ladi. Asosiy bosqichdagi tashlash harakati oyoqlarni to'g'rilib, gavdani burishdan boshlanadi. Shundan keyin qo'l faol yozilib, uloqtirish tomonga harakatlanadi, bu harakat panjaning keskin yo'naltiruvchi harakati bilan tugaydi. Tananing og'irligi orqadagi oyoqqa o'tkaziladi.

To'pni yondan tashlashda u anchagina uzoqqa yetib borsa ham uning aniqligi unchalik bo'lmaydi. Tayyorlov bosqichida bir qadam tashlab turgan dastlabki holatda qo'l tortiladi. To'p tutgan qo'l yonlatib orqaga (yelkadan sal pastroq) uzatiladi. Gavda shu tomonga buriladi. Gavda og'irligi orqadagi sal bukilgan oyoqda. To'p tashlash oyoqning uchida ko'tarilib, keskin to'g'rilanish va gavdaning burilishi hisobiga bajariladi. Bu uzuvchi harakatlar qo'lning to'g'ri tutilib, yon tomondan oldinga keskin harakat qilishi bilan tugaydi. To'p frontal tekislikka yaqinlashib qolganda panjadan «uziladi». Tashlashning bundan oldin bo'lishi yoki kech qolishi to'pning uchish yo'nalishidagi anchagina xatolar bo'lishiga olib keladi.

To'pni pastdan tashlash uni past trayektoriyali qilib (asosan, yerda dumalatib) tashlashda ishlatiladi. Dastlabki holatda bir qadam tashlagan holda oyoqlar anchagina bukilib turadi. Panjasni to'pni tagidan tutib turgan qo'l quyi tushiriladi. Keyin darvozabon qo'lini orqaga tortib, gavdasi og'irligini oldindagi oyog'iga o'tkazadi. To'p



85-rasm.

tutgan qo'l yerga parallel tarzda oldga tomon keskin harakat qiladi. Gavda ozgina engashadi. Shu tarzda eng oxirgi holatda to'p qo'ldan tushib, mo'ljal tomon otilib ketadi (85-rasm).

To'pni ikki qo'llab tashlash ko'pincha yuqoridan, bosh ortidan boshlab bajariladi. Bundagi harakatlar ko'p jihatdan yon chiziq narirog'idan to'p tashlashdagi harakatlarga o'xshash. Shuni qayd etish lozimki, qoidaning to'p tashlash paytida ikki oyoqqa tayanib turish haqidagi talabi darvozabonning to'p tashlashiga aloqador emas.

To'pni joyida turib, qadam qo'yib tashlayversa bo'ladi. Yurib yoki yugurib borib to'p tashlab berish qoidada qat'iy chegaradan bajariladi.

O'yin taktikasi

Taktika deganda o'yinchilarning raqib ustidan g'alaba qozonishga qaratilgan individual va jamoa harakatlarni tashkil qilishini, ya'ni jamoa futbolchilarining muayyan rejaga binoan aynan shu aniq vaqtida muvaffaqiyatli kurash olib borishiga imkon beradigan birgalikdagi harakatlarni tushunish kerak.

Taktikadagi asosiy vazifa hujum va himoya harakatlarning maqsadga erishtira oladigan eng qulay vosita, usul va shakllarini belgilashdan iboratdir.

Qanday taktikani tanlash har bir jamoa oldida turgan vazifalarga, kuchlar nisbati va o'yinchilarning o'zaro kurashuvchi guruhlariga, maydonning ahvoliga, iqlim sharoiti va hokazolarga bog'liq. O'yin taktikasining klassifikatsiyasi 86-rasmda berilgan.


Futbol uchrashuvi ko'p martalab hujumdan himoyaga va himoyadan hujumga o'tishdan iborat bo'lgani uchun tabiiyki, har qaysi jamoaning hujum va himoya harakatlari uyushgan bo'lishi kerak.

Taktika uchrashuv vaqtida butun o'yin faoliyatining asosiy mazmuni hisoblanadi. Aniq raqibga qarshi to'g'ri tanlangan kurash taktikasi muvaffaqiyat qozonishga yordam beradi, noto'g'ri tanlangan yoki uchrashuv paytida asqotmagan taktika esa, odatda mag'lubiyatga olib keladi.

Raqiblarni neytrallash vazifalarini to'g'ri hal qila bilish va hujumdagi o'z imkoniyatlaridan muvaffaqiyatli foydalana olish umuman jamoaning ham, uning alohida o'yinchilarining ham taktik yutuqlarini ko'rsatadi. Hujum va himoyada hamma futbolchilarning harakatlari yaxshi uyuştirilgan hamda albatta faol bo'lgandagina jamoa muvaffaqiyatga erishadi.

Murabbiy uchrashuvning taktik rejasini qanday tuzgan bo'lmasin, bu reja alohida futbolchilarning harakatlari bilan amalga oshiriladi. Ana shuning uchun ham individual taktik kamolotga erishmay turib, jamoaning o'yini chiroqli va risoladagidek qiladigan aniq taktik harakatlarni xayolga ham keltirib bo'lmaydi.

Futbol o'yinida taktika bilan texnika bir-biriga chirmashib ketgan bo'ladi. To'pni kimga va qanday uzatishni, raqibni dog'da qoldirish uchun aylanib o'tishni ishlatish kerakmi yoki to'pni sherikka oshirgan ma'qulmi, darvozaga qaysi paytda zarba berishni hal qilayotgan o'yinchi taktik tafakkurdan foydalanadi, ahd qilgan harakatini amalga oshirayotganda esa u texnik mahoratini namoyish



86-rasm. Futbol o'yini taktikasining klassifikatsiyasi.

etadi. Demak, texnika o'yinchining taktik rejalarini amalga oshirish vositasi bo'lib xizmat qiladi. Texnik tayyorgarlik a'lo darajada bo'lsagina xilma-xil taktik harakatlarni bajarish mumkin.

Kuchi teng jamoalar uchrashuvidagi mag'lubiyatga iroda kamlik qilgani, jismoniy va texnik tayyorgarlik bo'sh bo'lgani sabab qilib ko'rsatiladi. Biroq futbol o'yinidagi g'alaba ko'pincha taktik rejalar kurashi bilan belgilanadi. Taktika ikki jamoaning jismoniy, texnik va ma'naviy-irodaviy tayyorgarlik darajalari teng bo'lganda, ulardan birining g'alaba qilishini ta'minlab beradigan muhim omildir. Yirik musobaqalardagi ko'plab misollar shundan dalolat beradi.


Ustalik bilan ishlatilgan taktikagina muvaffaqiyat keltiradi. Ba'zan jamoalar har qanday raqibga qarshi o'ynaganda ham bir xil taktika ishlatadilar. Taktik jihatdan bunday qashshoqlik, bir xillik mahoratning o'sishiga to'sqinlik qiladi. Har bir jamoa, ayniqsa, yuqori mahoratlari jamoa xilma-xil taktik rejada o'ynay bilishi kerak. Aks holda bunday jamoa ayrim yutuqlari bo'lishiga qaramay, musobaqalarda katta g'alabaga erisha olmaydi. O'quv-mashg'ulot jarayonida taktik tayyorgarlikka jiddiy e'tibor berish lozim.

Har bir o'yinchi va umuman jamoa harakatlarning xilma-xil variantlarini mukammal egallagan bo'lishi kerak. Hujum harakatlari bilan himoya harakatlarining doimiy kurashi natijasida o'yin taktikasi uzuksiz takomillashib boradi. Xuddi ana shu kurash futbol taktikasi taraqqiyotining asosiy harakatlantiruvchi kuchi hisoblanadi.

O'yinchilarning vazifalari. Raqibga qarshi kurashayotgan jamoa harakatlaridagi uyushqoqlikka futbolchilar o'rtasidagi vazifalarni aniq taqsimlash bilan erishadi. Hozirgi vaqtida o'yinchilarning vazifalari (o'yindagi ixtisosiga) ko'ra bo'lishi ularning tayyorgarligidagi universallikka asoslangan bo'ladi. Bu hamma ishni barcha birdek bajara oladi, degan so'z emas, albatta.

Ammo har bir futbolchi o'yinning hamma texnik usullarini egallagan bo'lishi, hujumda ham, himoyada ham bilib harakat qilishi kerak. O'yindagi ayrim vazifalarni yaxshi ijro etadigan bo'lishi lozim. Futbolchilar vazifalariga ko'ra darvozabonlarga, qanot himoya-chilarga, markaziy himoyachilarga, o'rta qator himoyachilari, qanot hujumchilari va markaziy hujumchilarga bo'linadi. Har qaysi ixtisos o'yinchilariga bo'lgan talablar va ularning asosiy vazifalarini ko'rib chiqamiz.

Darvozabon. Hozirgi vaqtida darvozabonning o'yini turli-tuman va murakkabdir. Darvozabonning jismoniy, texnik va taktik



tayyorgarligi, uning psixikasi mustahkamligiga yuksak talab qo'yilayotganligi ham ana shundan.

Odatda, darvozabon baland bo'yli (175 sm va undan ham baland), a'lo darajada jismoniy tayyorgarlik ko'rgan, reaksiya juda tez, start tezligi juda yuqori o'yinchi bo'ladi. U dovyurak va jur'atl, sakrovchan, epchil va hozirjavob bo'lishi, harakatlarni yaxshi muvofiqlashtira oladigan, yaxshi mo'ljal oladigan va rejalar oladigan, to'pning uchish yo'nalishi tezligi va trayektoriyasini darhol aniqlay oladigan bo'lishi, himoya qatorlarini idora qilishi, ya'ni unga izchillik va uyushqoqlik kiritishi kerak.

Darvozabon joyida turganda ham, harakat va sakrab o'ynaganida ham texnik uslublarning hammasini a'lo darajada bilishi zarur. Darvozaboning mahorat darajasi ana shu uslublarning nechog'lik to'g'ri, aniq va ishonchli bajarishiga bog'liq. Darvoza oldidagi o'yin bilan, darvozadan chiqib harakat qilishning muvaffaqiyatli qo'shib olib borishi hamda o'z darvozasini himoya qilish va hujum uyushtirishda sheriklari bilan bahamjihat mohirona harakat qilish ham darvozaboning yuksak mahoratini ko'rsatadi (87-rasm).

Harakatlanish texnikasini o'rgatish metodikasi

Harakatlanish texnikasiga o'rgatishni dastlabki mashg'u-lotlardan boshlash kerak bo'ladi. Harakatlanish texnikasini takomillashtirish butun sport faoliyati davomida amalga oshiriladi.

Harakatlanish texnikasini o'rgatish jarayoni quyidagi harakat sifatlarini, ya'ni tezkorlik, epchillik, sakrash, tezlanish va chidamlilikni tarbiyalash bilan uzviy bog'liqdir. Mashg'ulotda umumiy va maxsus jismoniy tayyorgarlik vositalari, ko'proq yengil atletika, sport va harakatli o'yinlardan foydalanish mumkin. Quyida berilayotgan bir guruh maxsus mashqlar harakatlanish texnikasiga oid alohida uslub va usullar hamda ularning birikmalarini o'zlashtirishga qaratilgan.

Start tezligini, burilish va to'xtashni o'zlashtirishga qaratilgan mashqlar:

1. Oddiy yugurishda start tezligi va to'xtash.
2. Chalishtirma qadamlashda start tezligi va to'xtash.
3. Oyoqni juftlab yurishdagi start tezligi va to'xtash.
4. Turli uslublarda doiraviy yugurishdagi start tezligi va to'xtash.

5. Burilgandan so‘ng to‘g‘ri va doiraviy turli uslubda yugurishda start tezligi.

6. Turli start holatlarida yuqori va pastki yarim cho‘qqayib, yotgan holatda start tezligi.

Quyidagi guruh mashqlarni bajarish tezkorlik sifatini tarbiyalashi bilan birga qo‘sib olib boriladi. Sakrashni o‘rgatishga oid quyidagi mashqlar turlari bajariladi:

1. Bir oyoqlab oldinga va orqaga siljib o‘ng va chapga sakrash.
2. Bir oyoqlab o‘ng va chapga siljib oldinga va orqaga sakrash.
3. Oldinga va orqaga siljib, galma-galdan o‘ng va chap oyoqlab sakrash.

4. O‘ng va chapga siljib, oyoqlarni almashtirib to‘g‘riga va orqaga sakrash.

5. O‘ng oyoq bilan o‘ngga sakrab, yerga chap oyoq bilan tushish va teskarisi.

6. Ikki oyoqlab turli yo‘nalishlarda sakrash.

Mashqlarni bajarish vaqtida sakrash uzunligi va balandligiga, shuningdek, uni bajarish tezligiga e’tibor beriladi.

To‘pga zarba berishni o‘rgatish metodikasi. To‘pga zarba berishni o‘rgatish uchun to‘pning tezligi va aniqligini iloji boricha aniq bilishga, uning yo‘nalishi va tezligini ixtiyoriy o‘zgartira olish ko‘nikmasiga ega bo‘lishga erishmoq kerak. Zarur aniqlikka erishish uchun shug‘ullanuvchilar mashg‘ulot jarayonida ularga to‘pni muayyan nishonga tegishga o‘rgatadigan mashqlar beriladi.

Aniqlikni tarbiyalashda mashg‘ulot jarayonida ko‘pincha futbol darvozasidan nishon o‘rnida foydalaniladi. Nishon o‘rnidagi darvozani kichraytirish uchun tasma bilan turli hajmdagi kvadratlarga bo‘linadi. Shuningdek, maxsus devordan foydalaniladi, unga bo‘yoq bilan futbol darvozasi chiziladi va kvadratlarga bo‘linadi har bir kvadrat raqam bilan belgilanadi. Bunga qo‘srimcha maydonda har xil o‘lchamli turli halqalardan foydalanish mumkin.

Aniqlikni tarbiyalashda nishonlar orasini o‘zgartirib turish lozim. Musobaqlar vaqtida to‘pni mo‘jalga aniq tepish uchun mashg‘ulot chog‘ida to‘pga zarba berishni musobaqa sharoitiga yaqinlashtirib o‘rgatish kerak. To‘pga zarba berayotganda himoyachilar va darvozabon to‘sinqinlik qiladilar. To‘pga zarba berish to‘pni turli nishonlarga aniq yo‘naltirish vazifasi bilan cheklanmaydi. Shug‘ullanuvchi to‘pni kerakli tezlik bilan sheriklariga uzatishni ham bilishi kerak.

To‘pga zarba berishni o‘rgatish uchun namunaviy mashqlar:

1. Turgan va dumalab kelayotgan to‘pni muayyan usul bilan: oyoq yuzi, oyoq uchi bilan zarba berish va boshqalar.
2. Turli tezlikda kelayotgan to‘pga chap va o‘ng oyoq bilan zarba berish.
3. Ikki kishi yuqorida aytilgan usullarda to‘pni to‘xtatib va to‘xtatmay bir-biriga uzatish mashqlari.
4. Yerdan sapchigan to‘pga chap va o‘ng oyoq bilan istalgan usulda zarba berish.
5. To‘pni havoda yerga tushirmsandan zarba berish.
6. Darvozaga yoki qo‘yilgan nishonga turli usul bilan, turli masofadan, turli burchak bilan, turli tezlikdan zarba berish.
7. 11 metrdan, jarima maydonidan va burchakdan darvozaga zarba berish.
8. Jarima maydonidan tashqaridan har xil joydan to‘pni to‘sqliarga tegizmasdan zarba berish.
9. Sakramay va sakrab bosh bilan urish.
10. Sakramay va sakrab turib to‘pni darvozaga bosh bilan urish.
11. Bosh va oyoq bilan voleybol o‘ynash.
12. Osib qo‘yilgan to‘pga oyoq va bosh bilan zarba berish.
13. To‘pni yerga tushirmsandan oyoqda va boshda o‘ynash.
14. O‘yin mashqlari 3x2, 4x2 va boshqalar har xil usulda.

To‘pni to‘xtatib qolishni o‘rgatish metodikasi. To‘pni to‘xtatishdagi asosiy talab – uslubni qisqa vaqt ichida bajarish va to‘pni har bir aniq vaziyatda eng foydali o‘ringa olib kelishdir. Bunda shug‘ullanuvchi har qanday tezlikda uchib kelayotgan to‘pni to‘xtatishga o‘rganishi lozim. Yerdan dumalab kelayotgan, havoda uchib kelayotgan va yuqoridan tushib kelayotgan to‘pni oyoq, gavda va bosh bilan to‘xtatish mumkin.

To‘pni to‘xtatib qolish to‘pga zarba berishni o‘rgatishda qo‘shib o‘rgatilib boriladi. To‘pni to‘xtatib qolishni o‘rgatishga oid mashqlar.

1. Tashlab berilgan to‘pni turli usullarda to‘xtatish.
2. Sherigi yoki murabbiy tepib yuborgan yoki qo‘li bilan tashlagan to‘pni, turli usullar bilan to‘xtatib qolish.

To‘pni tashlashni o‘rgatish metodikasi. Shug‘ullanuvchi to‘pni ikki qo‘llab uzoqqa, aniq tashlashni bilishi kerak. To‘pni tashlashga o‘rgatishda shug‘ullanuvchi sherigi bilan mashg‘ulot olib borgani ma‘qul. Bu mashqda aniq tashlash takomillashadi, chunki sherigi to‘pni qo‘liga yoki oyog‘iga, boshiga, ko‘kragiga turli tezlikda tashlab berishni talab qiladi. Natijada to‘pni tashlab berish mashg‘uloti,

to'pga zarba berish oyoqda va boshda hamda to'pni to'xtatish mashg'uloti bilan qo'shib olib boriladi.

Aldab o'tish harakatlarini o'rgatish metodikasi. Aldamchi harakatlar shunday bajarilishi kerakki, u haqiqatga yaqin bo'lsin va raqib ham shunga ishonsin. Gavda harakatlarini boshqara bilish va mo'ljalni yashirishni bilish lozim. Aldamchi harakatlarni bajarish shug'ullanuvchi individual harakatlariga bog'liqdir. Aldamchi harakatlarni o'rganishda harakatli va sport o'yinlarining ahamiyati kattadir.

To'pni olib qo'yish. To'pni olib qo'yish musobaqa va mashg'ulotlar jarayonida mashq qilinadi. To'pni olib qo'yishga oid mashqlar kam uchraydi. To'pni olib qo'yish uchun uni olish lahzasini aniq belgilash muhim. Shug'ullanuvchilar to'pni gavda bilan turtish, oyoq bilan tepish orqali, to'p yaqinlashib kelganda unga oyoq qo'yib qolish bilan to'pni olib qo'yishni mashq qiladilar.

Darvozaboning texnik uslublarini o'rgatish metodikasi. Mashg'ulotda darvozabon sifatida ishtirok etadigan shug'ullanuvchi yuqorida sanab o'tilgan uslublardan tashqari, faqat ular uchun ruxsat etiladigan uslublarni ham bajaradilar: ya'ni to'pni qo'l bilan ushslash, to'pni qo'l bilan tashlash, to'pni qo'l bilan olib yurish.

Darvozaboning texnik uslublarini o'rgatish uchun namunaviy mashqlar:

1. Dumalab, to'g'ridan, yondan va yuqoridan uchib kelayotgan to'pni ilib olish.
2. Sherigi yonga tashlab bergan to'pni yiqilib ilib olish.
3. Har xil dastlabki holatlarda turib, (o'tirib, yotib va boshqalar), sherigi tashlab bergan to'pni ilib olish yoki qaytarish.
4. Burchak va jarima to'plarini ilib olish yoki bir qo'lida va ikki qo'lida qaytarib yuborish.
5. Tepadan tushayotgan to'pni sakrab ilib olish.
7. 11 metrlik jarima to'pni qaytarish.
8. 2–3 marta oldinga yoki orqaga umbaloq oshib, 1,5–2 metr narida yotgan to'pga tashlanish.

Taktik tayyorgarlik

Taktika ta'lim va takomillashish jarayoni mashg'ulotining juda muhim hamda murakkab bo'limidir. Taktik tayyorgarlik shartli ravishda umumiy va maxsus tayyorgarlikka bo'linadi.

Shug'ullanuvchining umumiy taktik tayyorgarligi. Bunga sport o'yinlarining umumnazariy taktik asoslarini bilish, ulardan turli

sharoitlarda amaliy foydalana olish, taktik fikrlashni tarbiyalash kiradi.

Maxsus taktik tayyorgarlik bevosita futbol materiallari asosiga quriladi va taktik ko'nikma, malaka va qobiliyatlarni chiqurlashtirib takomillashtirishga qaratiladi. Shug'ullanuvchilarning texnik tayyorgarligi nazariy va amaliy mashg'ulotlar yordamida amalga oshiriladi. Taktikaga doir nazariy bilimlar hajmini kengaytirish uchun adabiyot manbalaridan foydalanish, videomateriallarni ko'rish, musobaqa va o'quv mashg'ulotlarini kuzatish, o'yin qoidasini o'rganish kerak.

Taktik tayyorgarlik jarayonida quyidagi vazifalar hal qilinadi:

1. Shug'ullanuvchilarda taktik fikrlashni, maydonda mo'ljalga olishni, turli o'yin vaziyatlarini hal qilishda ijodiy tashabbuskorlik ko'rsatishni rivojlantirish.

2. Sherik bilan hujum chizig'ida ham, himoya chizig'ida ham hamkorlikda harakat qilish. Shug'ullanuvchilarda qo'yilgan vazifalarni hal qilishda texnik uslublarni va taktik harakatlarni alohida-alohida tarzda, samarali foydalana bilishni shakllantirish.

3. Shug'ullanuvchilarda maydondagi o'yin vaziyatiga qarab bir jamoa harakatidan ikkinchisiga moyil va tez o'ta bilish qobiliyatini rivojlantirish.

Shug'ullanuvchilarning taktik ko'nikmalarini takomillashtirishda o'zlashtirilgan va o'rganilgan mashqlarni ko'p marta takrorlash taktikadagi ta'lim va mashg'ulotning asosiy uslubi hisoblanadi. Taktik tayyorgarlik yakka, guruh va jamoa harakatlarini egallashni ko'zda tutdi.

Musobaqa jarayonida shug'ullanuvchilar quyidagi ikki asosiy vazifani hal qiladilar: to'pni o'zga jamoa darvozasiga ko'proq olib borish va o'z darvozasiga hech yaqinlashtirmaslik. Buning uchun shug'ullanuvchi sheriklari yordamida o'yin qoidalaridan chetga chiqmasdan har qanday imkoniyatdan foydalanim bo'lsa ham ikki vazifani: himoya qilish va hujum qilish vazifasini bajaradi.

Futbol o'yin qoidasi va maydon o'lchami

Futbol o'yini asosan ochiq havoda chim yotqizilgan maydonda yoki usti yopiq sun'iy chim yotqizilgan manejlarda o'ynaladi.

Maydon o'lchami eniga 45–90 m, uzunligi 90–120 m bo'ladi. Darvozani o'lchami eniga 7 m 32 sm, balandligi 2,44 sm. Maydonda chegara chiziqlari chiziladi: maydon o'rtasida markaziy chiziq

bo'ladi va markazdan 9 metrlik radiusli aylana chiziladi. Jarima maydoni darvoza ustunidan uzunligi 16,50 m, eniga 16,50 m bo'ladi va ikki nuqta birlashtiriladi. Darvozabon maydonchasi uzunligi 5,50 m, eniga 5,50 m bunda ham ikki nuqta birlashadi. Jarima maydonida darvoza chizig'idan 11 metr narida 11 metrlik jarima to'pi bajariladigan belgi bo'ladi. Shu belgidan 9 metrlik radiusli yarim oy shaklidagi chiziqni jarima maydoniga chiziladi. Maydonni to'rtta burchagida 1 metrlik yarim aylana chiziladi, bu aylana burchak to'pini tepish uchun belgilanadi. Har bir burchakda balandligi 1,5 metr bo'lgan bayroqlar o'rnatiladi. Bayroqning rangi har xil bo'lishi mumkin. Maydonning ko'rinishi 91-rasmda ko'rsatilgan.

O'yinda har bir jamoadan 11 tadan o'yinchi o'ynaydi: 1 ta darvozabon va 10 ta o'yinchi. O'yin maydon markazidan to'pni oldinga uzatish bilan boshlanadi. Agar biron bir jamaa o'z darvozasidan to'p o'tkazib yuborsa, o'yin yana maydon markazidan boshlanadi. O'yin vaqtida hakam ruxsati bilan 3 yoki 5 ta o'yinchi almashtirilishi mumkin, maydondan chiqib ketgan o'yinchi qaytib maydonga tushmaydi. O'yin 2 taym 45 daqiqadan davom etadi, taymlar orasida 15 daqiqalik tanaffus beriladi. O'yinda 5 ta hakam — 1 ta hakam o'rtada, 2 ta hakam yon chiziqda, 1 ta yordamchi hakam, 1 ta nazoratchi hakam ishtirok etadi.

Erkin to'p. To'p raqib jamoasidan tashqariga chiqib ketganda darvozabon maydonchasidan to'pni tepib o'yinga kiritiladi hamda o'yin vaqtida raqib jamoasi o'yinchilariga taqiqlangan harakatlar qo'llansa, ya'ni raqibni ushlab qolish, turtsa, itarsa, chalsa, beixtiyor to'p jarima maydonidan tashqarida qo'lga tegsa, himoyachi to'pni atayin darvozabonga uzatganda darvozabon ushlasa erkin to'p beriladi.

Jarima to'p. Maydonda va jarima maydoni oldida to'p bilan o'ynayotgan o'yinchiga nisbatan atayin taqiqlangan harakatlar qo'llansa jarima to'pi belgilanadi.

Burchak to'pi va yon chiziqdan to'pni o'yinga kiritish. To'p darvozabon yoki himoyachiga tegib maydondan chiqib ketsa burchakdan to'pni tepib o'yinga kiritiladi. Burchak to'pi tegpanda to'p darvozaga kirsa gol hisoblanadi.

Yon chiziqdan to'pni tashlab o'yinga kiritish maydon o'yinchilarining yagona qo'lda o'ynaydigan usuli bo'lib, to'p raqib jamoasidan maydon yon chizig'idan chiqib ketsagina qo'llaniladi.

To‘pni tashlash vaqtida maydon ichiga kirish, oyoqni ko‘tarish yoki sakrash man etiladi. Shunday holat ro‘y bersa to‘p raqib jamoasiga beriladi. To‘pni tashlagandan so‘ng to‘pni tashlagan o‘yinchi to‘pni sherigi yoki raqibdan qaytgandan so‘ng o‘ynashi mumkin.

11 metrlik jarima to‘pi. Himoyachilar va darvozabon tomonidan jarima maydoni ichida hujumchiga qarshi qo‘pollik ishlatsa, himoyachini qo‘liga to‘p tegsa 11 metrlik jarima to‘pi belgilanadi. 11 metrlik jarima to‘pi bajarilayotgan vaqtida to‘p 11 metrlik nuqtaga qo‘yiladi, jarima maydoni ichida faqat darvozabon va 11 metrlik jarima to‘pini tepuvchi o‘yinchi qoladi. Qolgan hamma o‘yinchilar jarima maydonidan tashqarida bo‘ladi.

Taqiqlangan o‘yin qoidalarini qo‘llagan qo‘pol va sportga xos bo‘limgan harakat qilib intizomni buzgan o‘yinchiga hakam tomonidan sariq kartochka ko‘rsatiladi. O‘yin vaqtida yana shunday harakatlarni bajarsa hakam sariq kartochka ketidan qizil kartochka ko‘rsatib o‘yinchini maydondan chiqarib yuboradi. Maydondan chiqarilgan o‘yinchi qaytib maydonga tushmaydi. Jamoa o‘yinni 1 kishi kam bo‘lib davom ettiradi. Agar ikkala jamoa o‘yinchilari bir vaqtida xatolikka yo‘l qo‘ysa yoki o‘yin qandaydir sababga ko‘ra to‘xtatilgan bo‘lsa, bahsli to‘p tashlash belgilanadi.



NAZORAT SAVOLLARI

N a z a r i y

1. Futbol o‘yini qachon tashkil topgan?
2. Futbol o‘yining dastlabki qoidalari qachon e‘lon qilingan?
3. FIFA va UEFA qachon tashkil topgan?
4. Futbol o‘yini qachon olimpiada o‘yinlari dasturiga kiritilgan?
5. O‘zbekistonda futbol o‘yini qachondan o‘ynala boshlandi?
6. To‘pni boshqarishning qanday usullari mavjud?
7. To‘pga zarba berishning qanday usullarini bilasiz?
8. To‘pni to‘xtatishning qanday usullarini bilasiz?
9. To‘pni olib yurishning qanday usullarini bilasiz?
10. Qanday hollarda jarima va 11 metrlik jarima to‘pi belgilanadi?
11. Darvozabon o‘yini va uning harakatlari haqida nimalarni bilasiz?
12. Futbol maydoni va jihozlarining o‘lchamlari hamda sport formasiga qanday talablar qo‘yiladi?
13. Qanday hollarda sariq va qizil kartochkalar beriladi?
14. Futbol o‘yini texnikasi haqida nimalarni bilasiz?
15. Futbol o‘yini taktikasi haqida nimalarni bilasiz?

A m a l i y o t

1. To'pni vaqtga to'siqlar orasidan olib yurish.
2. 3–4 metr oraliqda to'pni sheringiga xohlagan usulda uzatish va qabul qilish (vaqtga).
3. To'pni yerga tushirmasdan boshda va oyoqda o'ynatish.
4. To'pni o'rta va uzoq masofaga aniq mo'jalga tushirish.
5. Jarima chizig'idan darvozaga to'pni aniq yo'llash.

V bo'lim. MUSOBAQAGA TAYYORGARLIK VA UNI O'TKAZISH

Jismoniy tayyorgarlik

Zamonaviy sport o'yinlari – bu yuqori faol o'yin harakatlari, o'yinchidan funksional imkoniyatlari, tezlik, kuch sifatlarini safarbar etishni talab qilishi bilan ifodalanadigan atletik o'yin.

Jismoniy tayyorgarlikning asosiy maqsadi – sportchini har tomonlama rivojlantirish, uning funksional imkoniyatlarini oshirish va salomatligini mustahkamlashdir. O'yinchilarning jismoniy tayyorgarligini rivojlantiruvchi bo'llimlar quyidagi vazifalarni yechishga qaratilgan:

– organizmning funksional tayyorgarlik darajasini oshirish va uning imkoniyatlarini kengaytirish (funksional tayyorgarlik);

– o'yin faoliyati samaradorligini ta'minlab beradigan jismoniy sifatlar: kuch, tezkorlik, chaqqonlik, chidamlilik, egiluvchanlik bilan bevosita bog'langan kompleks jismoniy qobiliyatlar – sakrovchanlik, start tezkorligi va irg'ituvchanlik harakatining quvvati, o'yin chaqqonligi, o'yin chidamliligi darajasini oshiradi.

Kuchni tarbiyalash

Kuch insonning jismoniy imkoniyatlarini tavsiflovchi ko'rsatkich – bu mushaklar kuchlanishi oqibatida tashqi qarshilikni yengish yokiunga qarshilik ko'rsatish qobiliyatidir.

Kuch o'z xarakteriga ko'ra: absolut kuch, nisbiy kuch, «portlovchi» va «startga oid» bo'lishi mumkin.

«Absolut kuch» – o'yinchi og'irligidan qat'iy nazar mushagi (yoki mushaklar guruhi) qisqargan vaqtida maksimal kuchni rivojlantirishi.

«Nisbiy kuch» – o'yinchi tanasi og'irligining bir kilogrammiga to'g'ri keladigan miqdor.

«Portlovchi kuch» — sport mashqi yoki o‘yin harakati sharoitida reglamentlashtirilgan minimal vaqt ichida katta kuchlanishga erishish qobiliyatini bildiradi. Bu kuchni sport o‘yinlarida sakrashda, tez yorib o‘tishda, katta masofaga to‘pni qattiq kuch bilan uzatishda amalga oshiradilar. Shuningdek, «portlovchi kuch»ning darajasi mushakning reaktiv qobiliyatiga bog‘liq bo‘ladi. Ishlayotgan mushaklar kuch bilan mexanik cho‘zilgandan keyinroq mushak qisqarishi natijasida keskin harakatlanish hosil bo‘ladi. Qo‘zg‘algan mushaklarning elastik o‘zgarishidagi dastlabki cho‘zilish ularda kinetik energiyani o‘ziga olishi tufayli, bo‘ladigan ayrim kuchlanish potensialining jamg‘arilishini ta’minlab beradi. Bular sportchining qanday tezlanishda harakatni boshlanishini, ya’ni **«startga oid»** kuchini belgilaydi.

Sport mashg‘ulotlarida mushaklar o‘z uzunligini o‘zgartimasdan (statik, izometrik rejim) va o‘z uzunligini qisqartirgan holatda kuch ko‘rsatadi.

Mushaklar cho‘zilganda uzun keladigan va to‘siksiz rejimlar birgalashib «dinamik rejim» tushunchasini hosil qiladi. Kuchni tarbiyalash jarayonida kuch qobiliyatlarini barcha turlarini rivojlantirish kerak.

Kuchni og‘irliliklardan foydalanish xarakteri bo‘yicha rivojlantirishga qaratilgan mashqlarni ikki guruhga bo‘lish mumkin: tashqi og‘irlilik va qarshilik hisobiga, o‘z og‘irligi yoki badanning qisman og‘irligi hisobiga bajariladigan mashqlar.

Tezkorlik

Tezkorlik — bu kishining harakatni mumkin qadar yuqori tezlikda bajarish qobiliyatidir. Harakat tezligini (masalan, yugurishda, ayniqsa qisqa masofaga yugurishda) va harakat reaksiyasi tezligini (masalan, to‘satdan berilgan signalni ilg‘ab olish — yugurish, sakrash, o‘yin va boshqalardagi sifat) farqlash mumkin. Jismoniy tarbiyada tezkorlik sifatini rivojlantirish uchun quyidagi mashqlar qo‘llaniladi: tez bajariladigan turli mashqlar, startlar, qisqa masofaga tez yugurish, tezlikni oshirib yugurish, estafeta yugurishi, yugurib kelib o‘nlikka sakrash, uzun yoki kalta arg‘amchida sakrash, tezkor reaksiya va harakat faoliyatini talab qiluvchi o‘yinlar.

Epchilllik

Epchilllik – bu harakatni koordinatsiyalash, yangi harakatlarni egallash, o'zgarib turuvchi sharoit talabiga ko'ra bir harakatdan ikkinchisiga tezda o'ta olish qobiliyatidir. Chaqqonlik murakkab gimnastika mashqlarini (erkin mashqlar, jihozlarda bajariladigan mashqlar, akrobatika) bajarishda, sport o'yinlarida suvgaga sakrashda va chang'ida yurishda, balandlikka sakrashda, uloqtirishda, ayniqsa, ko'proq namoyon bo'ladi. Chaqqonlikni rivojlantirish uchun shug'ullanuvchi uchun yangilik va koordinatsion qiyinchilik elementi bo'lib ko'rindigan har qanday jismoniy mashqdan foydalanish mumkin.

Chidamlilik

Chidamlilik – organizmning u yoki bu harakat faoliyatidan toliqishga bardosh bera olish qibiliyatidir. Umumiy va maxsus chidamlilik farqlanadi. Umumiy chidamlilik uzoq vaqt davomida (masalan, davomli yurish, yugurish, suzish, kross yugurish, chang'ida yurish) o'rtacha sur'atda tiniimsiz harakat faoliyatiga bardosh berish qobiliyatidir. Maxsus chidamlilik esa muayyan faoliyatdagi chidamlilikdir. Sportda, masalan, tezkorlik va chidamlilik birikib keladigan (masalan, qisqa masofaga yugurishda) tezkor chidamlilik, kuch, chidamlilik birikib keladigan (masalan, cho'qqayishda, qo'lda tortilish, shtanga ko'tarish) kuch chidamliligi bo'lishi mumkin. O'rtacha zo'r berish, jismoniy mashqlar (yurish, yurish-yugurish, almashib yugurish, chang'ida uchish, eshkak eshish, suzish, arg'amchida sakrash, harakatli va sport o'yinlari) chidamlilikni o'stirishning vositalari bo'lib xizmat qiladi.

Qayishqoqlik

Qayishqoqlik – kishi organizmining tayanch harakat apparati sohalarining harakatchanligi bilan xarakterlanadigan xususiyatidir. Harakat ko'lami qayishqoqlikning ko'rsatkichlaridan biri bo'lib xizmat qiladi. Bu harakat ko'lami tezkorlik, chaqqonlik va boshqa jismoniy sifatlarning namoyon bo'lishiga ta'sir etadi. Qayishqoqlikni tarbiyalash uchun cho'zilish, ya'ni harakatlar ko'lami oshirib bajariladigan mashqlar qo'llaniladi. Bu mashqlar avvalo qo'llar,

oyoqlar, gavda, bosh uchundir. Yurishning va katta qadam tashlab yugurishning turli xillari, «qadamlab» sakrashlar, cho‘qqayib turgan holatdan sakrashlar, cho‘qqayib o‘tirish, gimnastika devoriga yuz o‘girib (polda yoki reykada tik turib) yoki teskari turib oldinga, orqaga, yon tomonlarga egilish mashqlari va boshqalar.

Kishining jismoniy sifatlari, harakat malakalari va ko‘nikmalari bilan, shuningdek, irodaviy sifatlari bilan doim chambarchas bog‘liqidir. Bunda tezkorlik kuch epchillik va chidamlilikning hosil bo‘lishi tegishli chidam va sabotni, ko‘pincha esa botirlikni talab etadi. Kishining jismoniy sifatlarini tarbiyalash jismoniy tarbiyaning vazifalaridan biridir.

Sport kishiga har tomonlama ta’sir ko‘rsatadi: sog‘liqni mustahkamlashga umumiy jismoniy rivojlanishiga amaliy ko‘nikmalarni egallashga yordam beradi va o‘zining yuksak emotsionalligi bilan farqlanadi.

Jismoniy tayyorgarlik jarayonida o‘zida yuqorida sanalgan sifatlarni rivojlantirgan sportchilar musobaqalar paytida kerakli natijalarni ko‘rsatadilar.

Musobaqalarni tashkil etish va o‘tkazish

Sport o‘yinlari musobaqlari o‘quv-mashg‘ulot ishlarining asosiy qismini tashkil etadi. Ular mashg‘ulotlarda qiziqishni oshiradi, mamlakatda sport o‘yinini ommaviy rivojlanishiga yordam beradi. Shug‘ullanuvchi o‘yinlarda muntazam qatnashmay turib yuqori natijalarga erisha olmaydi. Musobaqlar qatnashchilarning va umuman jamoaning jismoniy, texnik, taktik va axloqiy-irodaviy tayyorgarligi darajasini aniqlaydi. O‘quv-mashg‘ulot jarayonining ahvoli va yo‘nalishini aniqlash imkonini beradi. Musobaqa natijalari o‘quv-mashg‘ulot ishlarini yakunlash vositasi bo‘lib xizmat qiladi.

Musobaqlar qat’iylikni, g‘alabaga erishish yo‘lidagi iroda kuchini, korxona jamoasi, shahar, respublika oldidagi mas’uliyatini tarbiyalaydi. O‘yinlarning emotsional keskinligi shug‘ullanuvchilarning psixologik xususiyatlarini aniqlashga imkon beradi.

Ochiq havoda o‘tkaziladigan musobaqlar qatnashchilarni sog‘lomlashtirish jihatidan katta ahamiyatga ega bo‘lib, jismoniy kamolotning hammabop va qimmatli vositalaridan biridir. Musobaqlar ko‘p sonli tomoshabinlarni jalb etishi bilan sport

o‘yinini targ‘ib qilish va ommalashtrishda qudratli vosita bo‘lib xizmat qiladi. Ular musobaqa qatnashchilari va tomoshabinlarga uyuştiruvchi ta‘sir ko‘rsatib, tomoshabinlarni jismoniy tarbiya va sport bilan faol shug‘ullanishga jalb etadi.

Musobaqada hakamning tarbiyachi-pedagog va o‘yin rahbari sifatida roli juda katta. Adolatli hakamlik qilish, maydondagi ro‘y beradigan qo‘pollikka va ayrim sportchilarning intizomsizligiga qarshi qat’iy kurashish, musobaqalashayotgan jamoa o‘yinchilariga o‘z vaqtida tanbeh va ko‘rsatmalar berish musobaqaning taktik va texnik jihatdan yuqori darajada o‘tkazishga yordam beradi.

Musobaqa turlari

Oldinga qo‘yilgan vazifalarga qarab musobaqalarni asosiy va yordamchi musobaqalarga bo‘lish mumkin. Yagona sport klassifikatsiyasi talablariga muvofiq tashkil etiladigan va natijalariga ko‘ra sport klassifikatsiyasi belgilanadigan, g‘olib yoki champion degan nom beriladigan musobaqalar asosiy musobaqalarga kiradi.

Musobaqalarning asosiy turi – kalender musobaqalar bo‘lib, ular sport tadbirdarining yagona kalendor planida nazarda tutiladi va tasdiqlangan nizomga muvofiq ravishda o‘tkaziladi.

Quyidagilar musobaqalarning asosiy turlariga kiradi:

- birinchilik yoki championatlar;
- kubok musobaqalari;
- saralash musobaqalari.

Birinchilik yoki championatlar – eng mas’uliyatli musobaqalar bo‘lib, ularning natijalari bo‘yicha g‘olib jamoaga championlik nomi beriladi. Musobaqalarni tashkil etishning bu turi jamoalar kuchini obyektiv baholashga, olib borilayotgan o‘quv-mashg‘ulot ishining sifatini taqqoslashga imkon beradi.

Kubok musobaqalari musobaqalarga juda ko‘p jamoalar jalb etish va g‘olibni nisbatan qisqa muddatlarda aniqlash maqsadida o‘tkaziladi. Kubok musobaqalari eng yaxshilarni izchillik bilan tanlab olish prinsipi bo‘yicha o‘tkaziladi.

Saralash musobaqalari musobaqaning keyingi bosqichida qatnashish uchun eng kuchli jamoalarni aniqlash maqsadida o‘tkaziladi.

Musobaqalarning yordamchi turlariga quyidagilar kiradi:

- nazorat uchrashuvlar;
- o'rtoqlik uchrashuvlari;
- namunali uchrashuvlar;
- qisqartirilgan musobaqalar.

Nazorat uchrashuvlar jamoalarni bo'lajak musobaqalarga tayyorlash va ularning tayyorgarligini tekshirish maqsadida o'tkaziladi.

O'rtoqlik uchrashuvlari o'quv-mashg'ulot maqsadlarida yoki an'anaviy musobaqalar planida o'tkaziladi.

Namunali uchrashuvlar sport o'yinini ommalashtirishga va sport mahoratini ko'rsatishga xizmat qiladi.

Qisqartirilgan musobaqalar bir necha soat mobaynida o'tkaziladi. Ular odatda bayram kunlariga va sport mavsumining ochilish yoki yopilish kunlariga rejalashtiriladi.

Bunday musobaqalar o'tkazilishini tezlashtirish uchun o'yin vaqtqi qisqartirildi. Qisqartirilgan musobaqalarning dasturi faqat o'yin o'tkazishni emas, balki o'yinchilarning texnik yoki jismoniy tayyorgarligiga doir musobaqalarni ham o'z ichiga olishi mumkin.

O'yin sistemalari

Musobaqani ikki sistemada: davrali sistema, yutqizgandan keyin o'yindan chiqib ketiladigan sistemada o'tkazish mumkin.

Davrali sistema

Musobaqaning davrali sistemasida har bir jamoa, agar musobaqa bir davrali o'tkazilsa, bir-biri bilan bir marta, agar musobaqa ikki davrali o'tkazilsa, ikki marta uchrashishi kerak. O'yining bunday sistemasi musobaqalashuvchilar kuchlari nisbatini ancha obyektiv belgilashga va kuchli jamoani aniqlashga imkon beradi, bunda musobaqaning umumiy yakunidagi tasodifiylik elementi ma'lum darajada bartaraf qilinadi. Bu sistema bo'yicha musobaqani ikki davrali qilib o'tkazish eng to'g'ri hisoblanadi.

Davrali sistemada musobaqa ishtirokchilarining barcha o'rnlari to'plangan ochkolar soniga qarab aniqlanadi. O'tkazilgan barcha o'yinlar natijasida eng ko'p ochko olgan jamoa (yoki sport jamoasi)

g'olib hisoblanadi. Bir yoki bir necha jamoalarda ochkolar teng bo'lib qolganda g'olibni aniqlash uchun musobaqa tartibida qandaydir qo'shimcha ko'rsatkichlar yoki tadbirlar (masalan, shu jamoalar o'rtasida qo'shimcha o'yin yoki shu jamoalar o'rtasidagi avval o'ynalgan o'yin natijalari, yoki kiritilgan yoki o'tkazib yuborilgan to'plar nisbati) nazarda tutilgan bo'lishi kerak.

Davrali sistema bo'yicha o'ynash tartibida qur'a tashlash bilan musobaqada qatnashuvchi jamoalarning tartib raqamlari aniqlanadi. Jamoalarning aniqlangan raqamlari asosida o'yinlar jadvali tuziladi.

Musobaqalar bir davrali qilib o'tkazilganda o'yin bir-biri bilan bellashuvchi ikki jamoadan daslabkisining maydonida o'tkaziladi. Agar musobaqada ikki davra nazarda tutilgan bo'lsa, ikkinchi o'yin keyingi jamoa maydonida o'tkazilishi kerak.

Davrali sistema bo'yicha o'tkaziladigan o'yinlar kalendarini ikki usul bilan tuzish mumkin.

Birinchi usul. Musobaqada ishtirok etuvchi jamoalar soniga qarab, jamoalarning umumiy soniga yaqin bo'lgan toq son olinadi va unga muvofiq ravishda vertikal chiziqlar o'tkaziladi. Masalan, 6 ta jamoa bo'lganda, unga (6 soniga) yaqin bo'lgan toq son 5 bo'ladi. Demak, 5 ta vertikal chiziq o'tkazish zarur. Jamoalar soni 10 ta bo'lganda, unga yaqin son 9, demak 9 ta vertikal chiziq o'tkazilgan bo'lishi kerak va hokazo.

Vertikal chiziqlarning ostidan va ustidan, pastdan boshlab chapdan o'ngga qaratib, jamoalar raqami ketma-ket tartibda birinchidan musobaqada qatnashuvchi jamoalarning umumiy soniga eng yaqin bo'lgan toq songacha, orada bir chiziq qoldirib yozib chiqiladi (1-jadval).

I-jadval

**10 jamoa uchun o'yinlar kalendarini tuzish
(10 ga eng yaqin bo'lgan kichik toq son - 9)**

0	6	0	7	0	8	0	9	0	9	0
6	5 5	7 7	6 6	8 8	7 7	9 9	8 8	1 1	1 1	9
7	4 4	8 8	5 5	9 9	6 6	1 1	7 7	2 2	2 2	8
8	3 3	9 9	4 4	1 1	5 5	2 2	6 6	3 3	3 3	7
9	2 2	1 1	3 3	2 2	4 4	3 3	5 5	4 4	4 4	6
1	0	2	0	3	0	4	0	5	0	

Turlar bo'yicha o'yinlar

1-tur	2-tur	3-tur	4-tur	5-tur	6-tur	7-tur	8-tur	9-tur
1–10	10–6	2–10	10–7	3–10	10–8	4–10	10–9	5–10
2–9	1–2	3–1	2–3	4–2	3–4	5–3	4–5	6–4
3–8	9–3	4–9	1–4	5–1	2–5	6–2	3–6	7–3
4–7	8–4	5–8	9–5	6–9	1–6	7–1	2–7	8–2
5–6	7–5	6–7	8–6	7–8	9–7	8–9	1–8	9–1

Bu raqamlar keyingi raqamlarni grafik tarzda yozish uchun dastlabki reja hisoblanadi. Birinchi kun o'yinlar kalendarini tuzish uchun birinchi nomerdan boshlab vertikal chiziq atrofida, soat strelkasiga qarshi oshib boruvchi tartibda barcha ishtirot etuvchi raqamlar yozib chiqiladi. Qolgan o'yin kunlarining kalendarini tuzish uchun vertikal chiziqlar o'rtasidagi barcha raqamlar, avval ularning ostiga va ustiga qo'yilgan raqamlarni hisobga olgan holda, ilon izi qilib qo'yib chiqiladi. Shuni ham aytish kerakki, raqamlar birin-ketin vertikal chiziqlarning o'ng tomonidan ortib boruvchi tartibda takrorlanib yoziladi.

Shundan keyin ikkinchi va qolgan kalendar kunlarda bellashuvchi jamoalarini aniqlash uchun har bir vertikal chiziqning chap tomoniga avvalgi kalendar kundagi barcha raqamlar o'zgarishsiz o'tkazilishi kerak.

Hamma grafalar to'ldirilib chiqilgandan keyin o'yinlarning kalendarini tuziladi. Buning uchun vertikal chiziqning ikki tomonida turuvchi raqamlar juft-juft qilib birlashtiriladi. Musobaqada ishtirot etuvchi jamoalar soni toq bo'lsa, har bir vertikal chiziqning ostida yoki ustida turuvchi raqamlar mazkur kalendar kuni (shu turda) o'ynamaydigan jamoa ekanini ko'rsatadi. Jamoalar soni juft bo'lganda (masalan, jamoalar soni o'nta bo'lganda) ko'rsatilgan (vertikal chiziqning ostida yoki ustida) raqamlar (jamoalar) oxirgi raqam bilan o'ynaydilar.

Turlar bo'yicha o'yinlar jadvali bo'sh raqamli jamoalar (vertikal chiziq ostida yoki ustidagi raqamlar) bilan mos sonli raqamli jamoa o'yinini hisobga olgan holda tuziladi (yuqoridagi misolda 1-raqam 10-raqam bilan, 6-raqam 10-raqam bilan va hokazo).

Odatda tur jadvalida birinchi bo'lib ko'rsatilgan jamoa maydon egasi hisoblanadi. Shuning uchun qur'aning oxirgi raqami (masalan, musobaqada qatnashuvchi jamoalar o'nta bo'lganda 10-raqam) har bir turdan keyin o'rinni almashib turadi. Qolgan bellashuvchi jamoalar vertikal chiziqning o'ng tomonida turuvchi raqamdan boshlab tuziladi.

Shunday qilib, bu usulda jamoalarning har bir turda navbat bilan maydon almashishiga qat'iy rioya qilinadi.

Ikkinci usul. Bu usul avvalgi usuldan ham oddiy: u musobaqa o'tkazish jarayonida maydonning almashinishi hech qanday ahamiyatga ega bo'limgan taqdirda (musobaqlar bir joyda o'tkazilganda) qo'llaniladi.

Ikkinci usulga binoan o'yinlar kalendari bevosita turlar bo'yicha tuziladi. Musobaqada qatnashuvchi jamoalar soniga mos bo'lgan raqamlar (jamoalar soni juft bo'lganda) birinchi raqamdan boshlab ikki ustuncha qilib yoziladi (bunda 1-raqam chap ustunchaning tepasidan boshlanadi). Shundan keyin, ikkinchi raqamdan boshlab (bu raqam, ya'ni 2-raqam ikkinchi ustun-chaga, birinchi raqamning qarshisiga yoziladi), ketma-ket tartibda soat strelkasi bo'ylab qolgan raqamlar qo'yilib chiqiladi (2-jadval). Keyingi tur o'yinlarini tuzish uchun raqamlar soat strelka-siga qarshi yozib chiqiladi, birinchi raqam o'z o'rnida qoldiriladi.

2-jadval

8 jamoa uchun turlar bo'yicha o'yinlarning taqsimlanishi

1-tur	2-tur	3-tur	4-tur	5-tur	6-tur	7-tur
1-2	1-3	1-4	1-5	1-6	1-7	1-8
8-3	2-4	3-5	4-6	5-7	6-8	7-2
7-4	8-5	2-6	3-7	4-8	5-2	6-3
6-5	7-6	8-7	2-8	3-2	4-3	5-4

Agar musobaqada qatnashuvchi jamoalar soni toq bo'lsa, keyingi juft son o'rniga 0 raqami qo'yiladi, qolganlari esa o'zgarishsiz qoldiriladi. Kalendar bo'yicha «nol» raqami bilan o'ynashi kerak bo'lgan jamoa mazkur turda o'ynamaydi (3-jadval).

7 jamoa bo‘lganda o‘yinlarning turlar bo‘yicha taqsimlanishi

1-tur	2-tur	3-tur	4-tur	5-tur	6-tur	7-tur
1–2	1–3	1–4	1–5	1–6	1–7	1–0
0–3	2–4	3–5	4–6	5–7	6–0	7–2
7–4	0–5	2–6	3–7	4–0	5–2	6–3
6–5	7–6	0–7	2–0	3–2	4–3	5–4

Davrali sistema bo‘yicha bir davrali musobaqalar o‘tkazishda kerak bo‘lgan vaqtini aniqlash uchun o‘yinlarning umumiy sonini bilish kerak.

Bu quyidagi formula bo‘yicha aniqlanadi:

$$I = (J(J - 1)) : 2.$$

bunda: I – o‘yinlar soni; J – musobaqada ishtiroy etuvchi jamoalar soni.

Masalan: $J = 16$

$$I = (16(16 - 1)) : 2 = 120$$

Turlar o‘rtasidagi o‘yinlar jadvalini tuzishda jamoalarning o‘quv-mashg‘ulot ishlarini imkon beradigan darajada tanaffus bo‘lishini nazarda tutish kerak.

*Mag‘lubiyatdan keyin o‘yindan chiqib ketish bilan
o‘ynaladigan musobaqa sistemasi*

O‘yindan chiqib ketish bilan o‘ynaladigan musobaqa sistemasi, odatda, o‘yinlar qisqa muddatda o‘tkazilishi kerak bo‘lganda va musobaqada qatnashuvchi jamoalar soni ko‘p bo‘lgan taqdirda qo‘llaniladi. Respublika va shahar kubogi o‘yinlari odatda shu sistema bo‘yicha o‘tkaziladi. Mag‘lubiyatga uchragan jamoa musobaqlardan chiqib ketadi.

Bu sistema bo‘yicha o‘tkaziladigan o‘yinlar tartibini aniqlashda avvalo musobaqada qatnashuvchi jamoalar soniga mos setka tuzish zarur, shundan keyin qur‘a tashlanadi. Jamoa o‘zi tortib olgan raqamga muvofiq tuzilgan setkaga yoziladi. Shunday qilib, bir-biri

bilan o'ynaydigan jamoalar qur'a tashlash bilan aniqlanadi. Setka jamoalar soniga qarab tuziladi. Agar jamoalar soni 2 sonining darajasiga teng bo'lsa ($2^2 = 4$; $2^3 = 8$ va hokazo), hamma jamoalar o'yinni birinchi davradan boshlaydilar.

Agar musobaqada qatnashuvchi jamoalar soni 2^n ga teng bo'lmasa, u holda setka ikkinchi davraga kelib 2^n ga teng miqdordagi jamoa qoladigan qilib tuzilishi kerak. Binobarin, jamoalarning bir qismi o'yinlarni ikkinchi davradan, bir qismi esa birinchi davradan boshlaydi.

O'yinni birinchi turdan boshlaydigan jamoalar sonini aniqlash uchun quyidagi formuladan foydalilanildi:

$$J_1 = (J_0 - 2^n) \cdot 2$$

Bunda: J_1 – musobaqada birinchi turdan boshlab qatnashadigan jamoalar soni;


J_0 – musobaqada qatnashadigan jamoalar soni;

2^n – musobaqada qatnashuvchi jamoalarning umumiy soniga eng yaqin bo'lgan eng kichik son;

n – musobaqada qatnashuvchi jamoalarning umumiy soniga qarab tanlanadigan daraja ko'rsatkichi ($n = 2, 3, 4, 5$ va hokazo).

8 jamoa uchun setka

1-tur 1/4 final	2-tur 1/2 final	3-tur final	g'olib
--------------------	--------------------	----------------	--------



Misol. Musobaqada 19 ta jamoa qatnashishi kerak, shu songa mos bo'lgan o'yinlar setkasini tuzish lozim.

19 soni 2 sonining darajasi emas, shu sababli ikkinchi turga kelib 2ⁿ ga teng sonli jamoalar qolishi uchun ma'lum miqdordagi jamoalar birinchi turda o'ynashi kerak.

Bu miqdordagi jamoalar yuqorida keltirilgan formula bo'yicha aniqlanadi:

$$J_1 = (J_0 - 2^n) \cdot 2 = (19 - 16) \cdot 2 = 6$$
$$J_1 = 6$$

Musobaqada qatnashuvchi jamoalar soni juft bo'lganda o'yinga ikkinchi turdan boshlab kirishadigan jamoalar setkaning yuqori va pastidan teng qilib taqsimlanadi.


Jamoalar soni toq bo'lganda setkaning pastida o'yinga ikkinchi turdan boshlab kirishadigan jamoalar soni bitta bo'lishi lozim.

Mag'lubiyatdan keyin o'yindan chiqib ketish bilan o'ynaladigan sistemaning afzalligi shundaki, jamoalar soni ko'p bo'lishiga qaramay, g'olib qisqa muddatda aniqlanadi: masalan, 19 jamoa uchun atigi 5 kalendor kuni talab etiladi.

Biroq bu sistemaning jiddiy kamchiligi shundaki, bir-biri bilan o'ynaydigan jamoalar qur'a tashlash bilan aniqlanadi, bu esa musobaqaga tasodifiylik elementini kiritadi. Shu tufayli bir necha kuchli jamoalar qur'a natijasi bilan setkaning bir tomonida bo'lib qolishi mumkin. Buning natijasida kuchli jamoalar musobaqadan finalgacha chiqib ketishi lozim bo'lib qoladi. Pirovardida ancha kuchsiz jamoa finalga yo'llanma oladi. Bunday hol yuz bermasligi uchun, kuchli jamoalarni sun'iy ravishda bo'lib yuboriladi. Bu maqsadda qur'aga binoan setkaning turli tomonidan ularga raqam beriladi, keyin esa qolgan jamoalar uchun bo'sh raqamlarga qur'a tashlanadi (5-jadval).

Chiqib ketish usulida 24 jamoaga mo'ljallangan jadval. Bu jadvalda: jamoalar soni, 1-turda o'ynaydigan jamoalar soni, 2-turdan o'yinga tushadigan jamoalar soni, tepadan va pastdan 1-turda o'ynaydigan jamoalar soni berilgan (6-jadval).

19 jamoa uchun setka



6-jadval

Jamoalar umumiy soni	1-turda o'ynaydigan jamoalar soni	2-turda o'ynaydigan jamoalar soni		
		jami	tepadan	pastdan
4	4	—	—	—
5	2	3	1	2
6	4	2	1	1
7	6	1	—	1
8	8	—	—	—
9	2	7	3	4
10	4	6	3	3
11	6	5	2	3
12	8	4	2	2
13	10	3	1	2
14	12	2	1	1
15	14	1	—	1
16	16	—	—	—
17	2	15	7	8
18	4	14	7	7
19	6	13	6	7

20	8	12	6	6
21	10	11	5	6
22	12	10	5	5
23	14	9	4	5
24	16	8	4	4

Musobaqa nizomi

Sovrinli o‘rinlar, shuningdek, musobaqada qatnashuvchi jamoalar yoki sport jamoalari (natijalar klublar bo‘yicha hisoblanadi) egallaydigan barcha keyingi o‘rinlar aniqlanadigan biron-bir rasmiy musobaqa o‘tkazishdan avval musobaqa haqidagi Nizom tuzilgan bo‘lishi kerak. Bu Nizom musobaqani o‘tkazuvchi biror tashkilot tomonidan tasdiqlanadi.

Musobaqa haqidagi nizom katta yuridik kuchga ega bo‘lgan hujjatdir. Unda asosiy tashkiliy va texnik shart-sharoitlar aniq bayon qilingan bo‘ladi. Nizom o‘quv-mashg‘ulot ishlarini belgilab beradi, chunki jamoalarning tashkiliy metodik tayyorgarligi bo‘lajak musobaqalarning xususiyatlarini hisobga olgan holda o‘tkaziladi. Musobaqada qatnashuvchi jamoalarning tayyorgarlik ko‘rishi uchun yetarli vaqtga ega bo‘lishlari nazarda tutilib, Nizom oldindan tasdiqlanishi va tarqatilishi kerak.

Musobaqani o‘tkazish davrida tasdiqlangan Nizomdan chetga chiqishga yo‘l qo‘yilmaydi, aks holda mazkur musobaqa o‘tkazayotgan tashkilotning obro‘siga putur yetadi va keraksiz nizolarni keltirib chiqaradi.

Musobaqa Nizomida quyidagi masalalar aks ettirilgan bo‘lishi kerak:

1. O‘tkazilayotgan musobaqaning maqsadi va vazifalari.
2. Musobaqani kim o‘tkazishi (tashkiliy qo‘mita va hokazolar).
3. Musobaqa o‘tkazish muddatlari va shartlari.
4. Musobaqaga qo‘yiladigan jamoalar soni va nomi, talabnomaga kiritiladigan qatnashchilarning maksimal soni.
5. Musobaqa o‘tkaziladigan o‘yin sistemasi (davrali, mag‘lu-biyatdan keyin o‘yindan chiqib ketiladigan sistema).
6. Hisobga olish sistemasi va jamoalarning hamda sport jamoalarining egallagan o‘rinlarini aniqlash tartibi.
7. Musobaqaning alohida shartlari (qanday hollarda o‘yinda qo‘sishma vaqt belgilanishi va uning davomiyligi, o‘yin durang

bilan tugallanganda yoki o'tkazilgan musobaqa natijasida ochkolar soni teng bo'lganda g'olibni aniqlash usullari, o'yin qoidalarini ko'rsatilganidan tashqari nechta zaxira o'yinchisi almashtirish mumkinligi va hokazolar).

8. Jamoalarni va musobaqa qatnashchilarini talabnomalarini rasmiylashtirish tartibi, formasi, o'yinchilarning talabnomalar berish va qayta talabnoma berish muddati.

9. Musobaqalarni olib boradigan hakamlar kollegiyasining nomi.

10. O'tkazilgan o'yinga norozilik bildirish va uni qarab chiqish, shuningdek, o'yinchilarni maydondan chiqarib yuborish yoki ularni ogohlantirish bilan bog'liq bo'lgan intizom masalalarini qarab chiqish tartibi.


11. O'yinchilar intizomni buzganligi uchun jamoalarning javobgarligi hamda maydon va klublar ma'muriyatining o'yin o'tkazish vaqtida tartib saqlanishi uchun javobgar bo'lishi.

12. Musobaqa o'tkaziladigan joylar va ularga qo'yiladigan talablar.


13. G'oliblarni mukofotlash.

FOYDALANILGAN ADABIYOTLAR


1. Баскетбол. Под общ. редак. Ю.М. Портнова. М., «ФиС», 1988.
2. Спортивные и подвижные игры. Под общ. редак. П.А. Чумакова. М., «ФиС», 1970.
3. *С.А. Белов*. Секреты баскетбола. М., «ФиС», 1982.
4. *А. Гомельский*. Управление команды в баскетболе. М., «ФиС», 1985.
5. *O.T. Rasulev*. Basketbol. Т., 1998.
6. *Джон Р. Вуден*. Современный баскетбол. М., «ФиС», 1987.
7. *Sh. Pavlov va boshqalar*. Gандbol. Т., 2005.
8. *Л.Р. Айрапетьянц*. Волейбол. Книга тренера. Т., 1995.
9. *Ч.Л. Горбаляускас*. Играем в ручной мяч. М., 1988.
10. *П.А. Казаков*. Футбол. Т., 1981.
11. *A.D. Novikov*. Jismoniy tarbiya nazariyasi va metodikasi. Т., 1975.
12. *A. Abdullayev, Sh.X. Xonkeldiyev*. Jismoniy tarbiya nazariyasi va metodikasi. Т., 2005.





88- a rasm. Basketbol maydonining chizmasi
(hamma chiziqlarning kengligi 0,05 m).




88-й рasm. Halqa — shchit qurilmasi.







88- d rasm. Halqa.




88- e rasm. Jarima to'pini tashlash zonasi
(hamma chiziqlarning kengligi 0,05 m).



88- f rasm. Halqa
(A—A² oralig'i kamida 0,017 m ko'pi bilan 0,020 m).




89-a rasm. Voleybol maydoni chizmasi.




89-b rasm. To'r va ustunlar:

1—to'r; 2—to'r ustidagi oq lenta; 3—egiluvchan tross; 4—bog'lagich ip; 5—to'rni yon chizig'ini chegaralovchi lenta; 6—antenna; 7—ustun.




a




b

90-rasm. a — qo'l to'pi maydoni o'lchami; b—qo'l to'pi darvozasining o'lchami.



91-rasm. Futbol maydoni chizmasi.



MUNDARIJA

Kirish	3
--------------	---

I bo 'lim. BASKETBOL

O'zbekistonda basketbolning ommalashishi va rivojlanishi	5
O'yin texnikasi	8
O'yin texnikasining klassifikatsiyasi	9
Hujum texnikasi	11
To'pni ilib olish	14
To'pni uzatish	15
To'pni olib yurish	19
Halqaga to'p tashlashlar	20
Himoya texnikasi	25
Maydonda harakat qilish	25
Strategiya va taktika	27
Taktika klassifikatsiyasi	29
Basketbol o'yin qoidasi va maydon o'lchamlari	32
Nazorat savollari	33

II bo 'lim. VOLEYBOL

Voleybolning kelib chiqish tarixi	34
O'yin texnikasi	39
To'pni uzatish	42
Himoyada o'yin texnikasi	44
To'siq qo'yish	44
To'pni qabul qilish	45
O'yin taktikasi	46
To'pni o'yinga kiritish taktikasi	47
To'pni uzatish taktikasi	48
Zarba berish	48
Voleybol o'yin qoidasi va maydon o'lchamlari	49
Nazorat savollari	53

III bo 'lim. GANDBOL (QO'L TO'PI)

Gandbol (qo'l to'pi) o'yinining paydo bo'lishi va ommalashishi	54
O'zbekistonda gandbolning rivojlanishi	55

Gandbol o'yin qoidasi va maydon o'lchami	55
O'yin texnikasi	57
Hujum taktikasi	57
To'pni egallab turish texnikasi	60
Harakatlarni birlashtirish va fintlar	62
Himoya texnikasi	64
Himoyaviy harakatlar	66
Darvozabon o'yin texnikasi	67
O'yin taktikasi	69
Hujum taktikasi	70
Himoya taktikasi	73
O'yin taktikasini o'rgatish metodikasi	76
To'pni egallash metodikasi	78
Himoyalanish harakatlari	80
Darvozabon o'yin taktikasi	81
O'yin taktikasiga o'rgatish metodikasi	81
Nazorat savollari	84

IV bo'lim. FUTBOL

Futbol o'yini rivojlanish tarixi	85
O'zbekistonda futbolning rivojlanishi	87
O'yin texnikasi	91
O'yinda harakatlanish texnikasi	92
Maydon o'yinchisining texnikasi	98
To'pga zarba berish	99
To'pga bosh bilan zarba berish	103
To'pni to'xtatish	104
To'pni olib yurish	109
Aldash harakatlari (fintlar)	111
To'pni olib qo'yish	114
Darvozabonning o'yin texnikasi	117
To'pni ilib olish	119
To'pni qaytarib yuborish	123
To'pni tashlab berish	125
O'yin taktikasi	127
Harakatlanish texnikasini o'rgatish metodikasi	131
Taktik tayyorgarlik	134
Futbol o'yin qoidasi va maydon o'lchami	135
Nazorat savollari	137

V bo'lim. MUSOBAQAGA TAYYORGARLIK VA UNI O'TKAZISH

Jismoniy tayyorgarlik	139
Musobaqlarni tashkil qilish va o'tkazish	142
Foydalilanigan adabiyotlar	154
Ilova	155

BORI NIGMANOV,
FAXRIDDIN XO'JAYEV,
KARIM RAHIMQULOV

SPORT O'YINLARI

Kasb-hunar kollejlari uchun o'quv qo'llanma

Toshkent – «ILM ZIYO» – 2007

Muharrir *A. Mo'minov*
Rassom *R. Chig'atoyev*
Tex. muharrir *F. Samadov*
Musahihh *F. Temirxo'jayeva*

2007-yil 18-mayda chop etishga ruxsat berildi. Bichimi 60x90^{1/16}.
«Tayms» harfida terilib, ofset usulida chop etildi. Bosma tabog'i 10,5.
Nashr tabog'i 10,5. 3065 nusxa. Buyurtma № 96.

Bahosi shartnoma asosida.

«ILM ZIYO» nashriyot uyi. Toshkent, Navoiy ko'chasi, 30-uy.
Shartnoma № 26–2007.

“KO‘HI-NUR” MCHJ bosmaxonasida chop etildi.
Toshkent sh. “Mashinasozlar” mavzesi, 4.

N55 Nigmanov B. va boshqalar. Sport o'yinlari.
Kasb-hunar kollejlari uchun o'quv qo'llanma.
—T.: «ILM ZIYO», 2007. — 168 b.

I. Xo'jayev F. II.Rahimqulov K.

BBK 75.5ya73